

Eka Y'ebiro By'omu Maisho Ya Kishwera W'omu Iguru N'omugore W'omu Nsi

Jeffersonville, Indiana, USA
Okwamunaana 2, 1964

1 Ka tugume twemereire ahabw'akaanya kakye, obwo twinikire emitima yaitu hati omu maisho ga Ruhanga.

Taitaitwe ow'omu Iguru, buzima nitusiima ahabw'omugisha gw'okuba hanu eriizooba, tuteeraniire hamwe omu Iziina rya Mukama Yesu. Nitushaba ngu Otusaasire ebibi byaitu, kandi obwo turi hanu kugira ngu tute ebiteekateeko byaitu aha bintu Ebitahwaho hamwe n'Amagara agatarikubaasa kuhikwaho n'aga agafa. Hati nitushaba ngu Otuhe okuhabura Kwawe, oku tushemereire kugyenda, eki tushemereire kukora omu biro by'omu maisho, nangwa n'omu maisho hati, kuhika omu mwanya ogwo ogu tu . . . ogwaragaanisiibwe.

Hariho baingi abarwaire n'abaine ebyetengo omu ihanga, kandi tibakaherize orugyendo rwabo. Kandi omuzigu waitu omukuru, kandi ti muzigu waitu kwonka, kureka omuzigu Waawe, aizire kubabonabonesa n'o-n'okwemereza amagara gaabo, n'okubatwara omu-omu kituuro obunaku butakahikire. Kandi nitubashabira, eriizooba, ngu Iwe n'esaasi hamwe n'embabazi Zaawe, Mukama, byongyere ebiro byabo aha bunaku obwabapimiirwe.

2 Aha kadaara hariho, niimanyisa aha kituuti, hanu hariho obutambaara n'ebikomirwe. Kandi aheeru omu bishengye bihango n'omu mwanya ogwetooroore, hariho abo abari aha birago, engozi, abarwaire n'abarikubonabonesibwa, abeemereire omu bateeraine haihi bataine amaani g'okwemerera.

Ai Ruhanga Otahwaho, Owaahairwe Omugisha, ninshaba ngu Ohurire okushaba kwaitu akasheeshe aka, okurabira omu Shagama ya Mukama Yesu; kutari okureeba eby'okushiisha byaitu, kureka okumanya ngu Akaza omu mwanya gwaitu, kandi Niwe Otujwekyeire omu kushaba oku. Ninshaba ngu buri omwe weena akire ahabw'ekitinisa Kyawe, Mukama.

Heereza omugisha obutambara obu. Ku baraabute aha barwaire, ka babaase kukira.

Kandi hati, Taata, okuhitsya obu turaategyereze saaviisi nkuru y'okutambirwa, ei turikwikiriza ngu neeza kukurataho, twigurire omuhanda gw'Amagara, Mukama, kugira ngu tubaase kumanya okurabira omu Kigambo Kyawe eki tushemereire kukora. Ahakuba twakishaba omu Iziina rya Yesu. Amiina.

3 Nka burijjo, nintekateeka ngu ogu n'omugisha gwangye ogrukukirayo obukuru, n'okuba omu nju Ruhanga kandi nkagamba n'abantu Be. Kandi hati nimmanya ngu hariho akamigano, kandi nyine eishomo riraingwa munonga. N'ahabw'ekyo ni . . . nyine-nyine amatsiko ngu-ngu nimwija kuguubwa gye, nk'oku murikubaasa, okuhitsya obu turaaheze Obutumwa obu.

4 Hati, nihootsy, kwonka nitusiima ahabw'ebihuhiiso by'embeho. Kwonka, ekibiina ky'obwingi bw'abantu nk'aba, tihariho ebihuhiiso ebirikubaasa kugasha, mwareeba, ahabw'okuba omubiri gwawe n'eikorero ryabwo okwaryo, nk'obutagatsi bwa diguri makumi mwenda na munaana, kandi obwire bwona nigushohoza obutagatsi, kandi obwo omuntu ashutami haihi munonga na mugyenzi we. Kwonka ni-niinyesiga ngu Ruhanga naija kutuma mwaguubwa gye nk'oku Arikubaasa.

5 Kandi twaheza kutaahamu, kutaho okuteerana kwa hamwe nk'oku, ti-tinkaikiriza ngu mwije hanu, na kakye, ku naakuba ntarikuteekateeka ngu nikibahwera, ku naakuba ntarikuteekateeka ngu nikiza kubakora gye kandi ngu nikiza kubagasira, ahabw'okwija. Kandi obwo, nabwo nitumanya ngu titwine obwire burasingwa bw'okukora eki, ngu ni-nitwiriirira e-eshaaha z'okuhendera zonyini, kandi ni-niinyenda kukoresa buri mugisha gwona, oku ndikubaasa, ahabw'Obukama Bwe. Kandi hati niinyesiga ngu Mukama Ruhanga naija kutuha omugisha omu kuteerana kwaitu.

6 Kandi niinyenda kubasiima, ngu, nyomwabazyo ngiire omu myanya etari emwe, aheeru kureeba bamwe aha barwaire n'abarikubonabonesibwa, omuri zaamoteeli, kandi mbaasize kubugana bamwe ahari baamanegya saabiiti egi, emwe aha myanya y'okuriiramu. Eky'okureeberaho, ngiire ahari Ranch House saabiiti egi, eruguru hanu, kandi manegya yankwata omu ngaro ku twabaire nitushohora. Kandi yaagira ati, yaanyeta, "Ow'eishe-emwe Branham." Naayebuuza oku yaamanyire. Kandi yaagira ati . . .

Naagira nti, "Niiwe manegya?"

Yaagira ati, "Niinye mukama wa hanu." N'ahabw'ekyo yaagira ati, "Yee, abantu baawe baija hanu kurya, okuruga eifo okwo." Ati, "Niba . . ."

Kandi naagira nti, "Mpaho, ningira ngu nibakureetera akamigano."

Yaagira ati, "Sebo, ekyo ni kimwe aha bibiina by'abantu ekirikukirayo oburungi eki ndareebire." Yaagira ati, "Buzima ni barungi."

7 Ngiire omuri moteeli nyomwabazyo, kureeba omukazi muto ou mbaire niinyenda kugamba nawe, ishe na nyina babaire bariho, kandi kinyetaagiise kuza owa manegya kumanya ei mo-mote- . . . ekishengye eki babaire barimu.

Reero yaagira ati, "Niiwe Ow'eishe-emwe Branham?" Aho n'eruguru ahari Oaks.

Naagira nti, "Eego, sebo."

Yaagira ati, "Niinyenda kukukwata omu ngaro." Yaagira ati . . . Yanyanjurira omukazi we: ababiri abakundaine barungi. Baagira batu, "Buri omwe omuri moteeli egi naaza omu nteerano zaawe. Emyanya tukagibabiikira." Kandi yaagira ati, "Abagyenyi baitu boona abandi tukabangira."

Kandi naagira nti, "Mpaho, ninkusiima ababw'ekyo."

Yaagira ati, "Ow'eishe-emwe Branham, kimwe aha bibiina by'abantu ekirikukirayo kuba kirungi eki ndareebire, nibo abo abaija eruguru hanu, abaija omu nteraano zaawe."

8 Ntaahiremu ekiro kya nyomwabazyo kureeba munywani wangye, Omwami Becker eifo hanu, kandi ntura ninkunda emigaati ye erimu enyama. N'o . . . We, nkamumanya nkiri omwojo; naamumanya ebiro by'amagara gangye goona. Hakaba hariho omushaija n'omukazi abaabaire bashutami aho okuruga eifo okwo omu mwanya ogwa-ogwa ira, eifo ahari Hoteeri ya Riverside eifo okwo. N'ahabw'ekyo ba . . . Omwami Becker yaagira ati, "Billy?"

Naagira nti, "N'enki, Homer?" Nitumanyana kurungi munonga.

Yaagira ati, "Nindiisa abantu baawe boona eruguru kuri."

Abantu nka magana abiri, nari nka batyo, buri Sande, bariira omuri Blue Boar. Kandi hoona ahu ndikuza, nimpurira oku barikugira ngu muri barungi.

Omuntu ogu yaagira ati, "Eifo ahari-ahari Riverview eifo kuri," ati, "omwanya ogwo gwona gutwairwe abantu abarikuza omu ruteerano." Ati, "Hariho amagana n'amagana abatarikubaasa kutunga omwanya."

9 N'ahabw'ekyo, kuba batyo, ahariinye muri omwonyo gw'ensi. Ni-ninsiima munonga kumanya ngu nyine omugisha gw'okubuurira abantu abu nangwa n'abasiisi n'abantu . . . Tindikugira ngu abantu aba n'abasiisi, kureka niimanyisa abantu, eby'obushuubuzi n'ebindi, barikubaasa kugira ngu muri abantu barungi, kandi nibabasiima omu by'obushuubuzi byabo, omu myanya yaabo. Nimumanya, okwo n'okugira ensha. Ekyo ninkisiima, emitwarize yaanyu, oku murikutwaza.

Ntuura ningamba ngu, "Ku harajje omuntu otaine, otaine sente z'okushashurira oburaaro bwe, munteeerere esimu." Mwareeba? Naagira nti, "Nitza kugira eki twakikoraho." Kandi naagira nti, "Mugume nimubaha eby'okurya, yaaba baine sente nari bataziine." Nimureeba, ekintu kyona nikibaasa kukorwa.

Niinyehuriramu ngu muri abaana bangye. Muri-muri enyonyyoozi ezi ndi . . . Ku haraabe hariho emwe ei nditunga ku ndihikayo, niimwe abariba eihunde eryo, ekicweka eririkukirayo kumurinkana, omu-omu kirunga ky'obuheereza bwangye. Ku burijwekwa ekirunga, niimwe abariba eihunde eryo.

10 Kandi ntwire nimbagambira, obu bunaku obuhingwire, aha Bumanyiso Mushanju, Obusingye bw'Ekanisa, n'ebintu e-ebitwire nibibaho.

Kandi hati, akasheeshe aka, nyine eishomo rikuru munonga. Ahariinye, niriha omugisha munonga. Ka nyesigye ngu niriza kukuhikaho omu buryo nibwo bumwe. Kandi nkabasibwa ki ndibuurira omu kushukwaho oku nditungiiremu, kikaaba ekirikutangaaza munonga, kwonka ekyo kiri ahari Ruhanga kukora ekyo.

11 Ntwire nimbagambira ahari omwanya n'ekirkubaho, kandi nituureeba ebintu ebi byona nibibaho.

Hati naaza kugamba, akasheeshe aka, ahari: Eka Y'ebiro By'omu Maisho Ya Kishwera W'omu Iguru N'omugore W'omu Nsi, ei barikuza kutuura. Kandi, ahakuba, niinyesiga ngu ababw'embabazi za Ruhanga twena turi ekicweka kikuru ky'obukama bwa Ruhanga.

12 Kandi hati ka-kanyesigye ngu nimuza kungumisiriza, mukwate Zaabaiburi zaanyu, n'ekaramu z'ebiti, nari kyona eki muraakore kushoma naanye, 'habw'okuba ninyija kujuriza omu Byahandiikirwe bingi. Kugyezaho kuheza omu bwire kubaasa kushabira abarwaire; kandi ekyo nkakiragaanisa. Mubaire nimushabira akaanya kakye akaahingura, omu bishengye n'ahandi, abo haihi abatarikubaasa kwehwera n'abataine matsiko.

Kandi, Mukama ku araakunde, shana niinyija kugiraho endiijo saaviisi ebiro ikumi na mukaaga, shana obundi kushabira abarwaire kwonka.

13 Naaza kutandika ekihuimuro kyangye hati. Okuruga omu kw'Okubanza, ntwire omu ngyendo, kandi ningaruka hanu. Nikwo ndikuza kukora. Niinyija kutwara eka yangye Tucson omu kasheeshe, reero niinyija kugaruka kumara obwire eifo hanu omuri Kentucky, na bamwe ahari banywani bangye, nituhiiiga, n'okuhiiga zaakamugye, okumara saabiiiti ibiri, shana ebiro mushanju nari munaana, nari ikumi, oku biraabe kwona, kureka Mukama yantuma ahandi hantu. Tindikumanya na kakye, ahi orikuza kuba; ekyo titukaakimanya, ababw'okuba ekyo kiri omu mikono ya Ruhanga, Ruhanga wenka.

14 Hati ahabw'eishomo rikuru eri, ni-ni . . . ningira ngu, ku naakugyenda mpora ahari eki 'habw'okuba nooteekwa kureetamu ebintu bingi, nikibaasa kutwara saabiiti nyingi. Kwonka mpandiikire Ebyahandiikirwe bimwe, ebihandiiko, kukwata aha bikuru byakyo, ahu biraababaasiise kubyega.

Reero juba, obundi, Mukama ku araakunde, omu Kwaikumi, tindikumanya obunaku, kwonka ku Araatubaasiise, nkaayenzire kugira e-ebiro bikye, by'okuteerana okukurataine, omu shuura ya 12 y'ekitabo ky'Okushuuruurwa, kugira ngu bibugane n'eki hanu. Oo, niinyikiriza ngu kikaaba kikuru. Kikaaba kikuru kureeba oku Yaakozire.

15 Bwanyima, itwe kuteeranira hamwe hati, oku ngambire ekiro kya nyomwabazyo, ngizire nti, "Nimumanya, ku ndi . . ." Omu kasheeshe, nka buri kasheeshe, nintekateeka, "Ku ndashuume hanu, niinyija kwanjura buri munywani wangye oriyo." Hati niinyija kukikora nta?

Kuba naanye hanu, nka munywani wangye omurungi, Dokita Lee Vayle oshutami enyima hanu, omukazi we murungi na muhara we. N'oweishe-emwe Roy Borders, kandi, nintekateeka, Ow'eishe-emwe Ruddell, Ow'eishe-emwe Beeler, n'Oweishe-emwe Palmer, n'Oweishe-emwe Jackson. Kandi, oo, mugyenzi, aba-aba . . . Abo b'eishe-emwe abakundwa okuruga omu bicweka ebitari bimwe! Ow'eishe-emwe Anthony Milano, kandi, oo, hoonahoona ei orikunaga amaisho, nooreebayo ow'eishe-emwe! Okuruga eifo omuri Arkansas, tindikubaasa kwijuka amaziina gaabo; Ow'eishemwe Yohaana, Ow'eishe-emwe Earl Matini, n' Ow'eishe-emwe Blair. Kandi, oo, hariho . . . no . . . Tibakaahwayo, mwareeba. Nshemereirwe munonga kuba n'ekibiina nk'ekyo ekiteeraine naanye obwo naaba ndiyo niinyegyesa Ekigambo kya Ruhanga, abashaija abu ndikuteekateeka ngu n'abashaija emanzi, abashaija ba Ruhanga buzima.

16 Ninsiima munonga ahabwa tabirinaakuru nkye egi. Ninsiima ahabw'enyigi zaayo itaano eziguriirwe abantu boona. Buri rwigi . . . Twine abadiikoni bana hanu, abashaija abaijwire Omwoyo; ababiiki bana, abashaija abaijwire Omwoyo. Abo ni babiri ahari buri rwigi. Kandi eine orwigi rw'enyabubiri omu maisho, ahabwa baapaasita babiri, abariisa.

Tushemereirwe kuba naimwe; ninsiima Ruhanga ahabw'eki. Ninshaba ngu Agume naabaha omugisha.

17 Hati nitwenda kwemerera ahabw'akaanya kakye, obwo turiyo nitushoma omu kitabo kya Petero ya Kabiri eshuura ya 3, hamwe n'omu Kitabo ky'Okushuuruurwa 21.

Obwo turiyo nitwemerera, Ai Mukama, ijuza emitima yaitu n'amashemererwa ahabw'okushoma Ekigambo Kyawe, nitumanya ngu Yesu akagira, ngu, "Ensi n'eiguru biryahwaho, kwonka Ekigambo Kyangye tikiriremwa." Kandi nabwo nitumanya ngu Akagira ngu, "Ebyahandiikirwe byona nibiteekwa kuhikiirira." Kandi obwo twaba nitushoma ebintu ebi, ninshaba ngu tutungye okwetegyereza okuruga Ahariiwe, eshaaha ei tutwiremu. Twakishaba omu Iziina rya Yesu, Omuhandiiki w'Ekitabo eki. Amiina.

18 Petero ya Kabiri 3.

Abarikukundwa, egi n'ebaruha ya kabiri ei naabahandiikira; omu baruha ezo zombi eki naagyendereire n'okusisiimura emitima yaanyu etarimu buryarya nimbaijutsya;

Ngu mwijukye ebigambo ebyagambirwe ira baanabi abarikwera, n'ebiragiro bya Mukama kandi Omujuni waitu eki mwagambiirwe entumwa ezaabatumirweho.

Mubanze mumanye eki ngu, omu biro by'aha mperu haryaija abagaaniizi abarikugaaniiza, nibakuratira okwetenga kwabo okubi,

nibagira bati; Ku yaaraganiise kwija! Mbwenu arahi? . . . (Eki ka nikishushana omukazi ogu omukaafiiri!) . . . kandi okwiha obu baatenkuriitwe baagwejegyera, byona bituura nk'oku byabaire biri aha kutandika kw'okuhangwa kw'ensi.

Ahakuba nibabyeyebesa nkana, nibamanya ngu hakaba hariho eiguru okuruga ira, n'ensi eyaahangirwe ekigambo kya Ruhanga okuruga omu maizi, kandi ekaguma eri ahagati yaago;

kandi ahabw'ekigambo kya Ruhanga ensi eyaabaire eriho ekagaruka yaashwekwa amaizi g'omwegyemure, yaamirwa;

kwonka eiguru n'ensi ebiriho hati, ahabw'ekigambo ekyo, bibiikiirwe omuriro, nibirindwa okuhitsya aha kiro ky'orubanja eki abantu abatatiina Ruhanga baricwekyerezibaho.

Kwonka, b'eishe-emwe, mutaryebwa ekigambo eki, ngu ekiro kimwe ahari Mukama ni nk'emyaka rukumi, kandi emyaka rukumi ni nk'ekiro kimwe.

Hati, Mukama tatuuzayo ki yaaraganiise, nk'abamwe oku barikuteekateeka, kureka agumisiriza ahabwanyu, atarikwenda muntu weena kuhwerekyerera, kureka naayenda ngu boona bahikye aha kweteisa.

Kwonka ekiro kya Mukama kiryaija nk'omushuma (wa nyekiro); obwo . . . eiguru n'ensi, n'okuhinda kuhango . . . riryarugaho n'okuhinda kuhango, n'ebintu by'obuhangwa biryayagibwa omuriro, kandi ensi n'ebigirimu

biryayokibwa.

Ebyo byona ku biraabe biri eby'okuyaga bityo, mureebe oku tushemereire kuba abarikutiina Ruhanga (kandi abarikwera omu migambire yoona n'omu) mitwarize yaanyu,

nimutegyereza ekiro kya (Ruhanga), kandi nimukora eby'okukirahutsya; ahaw'ekyo kiro eiguru riryayokibwa rihweho, kandi eby'obuhangwa biryayagibwa omuriro mwingi.

Kwonka itwe nitutegyereza eiguru erisya n'ensi ensya ebituurwamu okuhikiirira, nk'oku yaaraganiise.

N'ahabw'ekyo, abarikukundwa, nk'oku tutegyereize ebyo, mwezirikye atabashanga mutaine . . . abashangye mwine obusingye, mutaine ibara ribi n'obu kaakuba akamogo omu maisho ge.

Mumanye ngu okugumisiriza kwa Mukama waitu okwo nikwo kujunwa; nka mugyenzi waitu orikukundwa . . . Paulo . . . oku yaabahandiikiire nk'obwengye obu yaahairwe oku buri,

naagamba atyo . . . omu baruha ze zonna. Omuri ezo harimu ebiambo . . . bimwe obumwe n'obumwe ebiamire kwetegyerezibwa, ebi abatarikwetegyereza n'abatahamire bakiikamya, bakiikamya nk'oku-nk'oku bagira ebyahandiikirwe ebindi, bakeereetaho okuhwerekyerera.

N'ahabw'ekyo naimwe, abarikukundwa, nk'oku mushangirwe nimumanya ebyo, mwerinde mutahabisibwa . . . obuhabe bw'abantu babi, mukaruga . . . omu kuhama kwanyu.

Kureka mukurire omu mbabazi . . . za Mukama waitu kandi Omujuni Yesu Kristo, n'omu kumumanya. Aheebwe ekitiinisa hati n'ebiro byona. Amiina.

19 Hati omu-omu Kushuuruurwa kwa Kristo, omu shuura ya 21, ninshoma Ebigambo ebi.

Bwanyima naareeba eiguru erisya n'ensi ensya; ahakuba eiguru ery'okubanza n'ensi ey'okubanza bikaba bihweireho, n'enyanja etakiriho.

(Nyowe Yohaana) naareeba orurembo orurikwera Yerusaleemu orusya, nirushuma okuruga ahari Ruhanga, ruteekateekirwe nk'omugore ocumiirwe iba;

naahurira eiraka rihango niriruga omu (iguru) nirigira riti: Reeba, eihema rya Ruhanga riri omu bantu. (Aryatuura) nabo; baryaba abantu be, kandi (Ruhanga) wenka aryaguma nabo, (abe) Ruhanga waabo;

(kandi Ruhanga) aryaragaza amarira goona aha maisho gaabo; tiharibaho kufa bundi, n'obu kwakuba okucura nari okurira nari okugira obusaasi, ahakuba ebya ira biryaba bihweireho.

Ogwo owaabaire ashutami aha kitebe ky'obukama yaagira ati: Reeba, nimpindura ebintu byona bisya! . . . yangira ati: Handiika, ahakuba ebigambo ebi n'ebi'okwesigwa kandi n'ebi'amazima.

Yangira ati: Kyahwa. Niinye Alufa na Omega, obutandikiro n'obugarukiro. Kandi oine eiriho ndyamuheera busha amaizi agarikuruga aha nshuro y'amaizi g'amagara.

Orikusingura aryahungura (ebintu byona), ndyaba Ruhanga we, nawe abe omwana wangye.

Ka tugarukye tushabe.

20 Mukama Yesu, n'okuragaanisa nk'okwo hamwe n'okugambisa obukambwe nk'oku Yesu We wenka n'entumwa baatuhaire ebiine akakwate n'obunaku obu turikwiriirira, tuhe, Ai Mukama, obuhabuzi Bwawe, kugira ngu tubaase kumanya kukitaahamu omu buryo obuhikire. Ahaw'okuba, nikija, nitumanya. Ebyahandiikirwe nibiteekwa kuhikiirira, kandi nikwo kiriba. Kandi hati, Mukama, nitushaba embabazi Zaawe ogundi murundi kwija ahari buri omwe omuriitwe, twaba nitwega Ekigambo Kyawe. Ba naitwe kandi Okitushuuruurire, Mukama, ahakuba nitukishaba omu Iziina rya Yesu. Amiina.

Nimubaasa kushutama.

21 Hati, niinyebuza yaaba hariho omuringo ogundi, shana ogubarikubaasa kuraaza amataara g'omu kishengye kihango, kwonka bakareka aga g'aha kituuti hanu nigaaka, obundi shana kikaakiraho, kikakyendeeza aha mashanyarazi. Tubaire turi hahi kwosya turanzifooma, ekiro kiri. Kandi kuri omurinzi naatukorera ekyo, tukaakisiima yaaraaza etaara z'ahaifo, etaara z'omu kishengye kihango, yaazihaho. Reero obwo nintekateeka ngu nimubaasa kureeba gye, kuhandiika.

22 Hati, eishomo ogundi murundi, kuryanjura, ngu twaza kutaaha omu i-ishomo erya: Eka Y'ebiro By'Omua Maisho Ya Kishwera W'Omua Iguru N'Omugore W'Omua Nsi.

Hati nk'oku kitwire . . . Naaza kugyemwa kukora eki. Nihotsya munonga eruguru hanu, mwareeba. Eego, sebo. Obwo turiyo . . . Nimmanya ngu omukazi wangye takunda ngu ekyo nikkore; kwonka, ekyo, kujuuramu ekooti yangye. Nihootsya munonga ahaiguru hanu. Mwareeba, okwo mwine embeho, kwonka eshazirweho omu kaanya kakye hanu, mwareeba. Hati, omu-omu bwire bw'omumaisho, nari . . .

23 Omu bunaku obuhingwire, niimanyisa, tukeega ahari Obumanyiso Mushanju, Ekanisa Mushanju. Ow'eishe-emwe Vayle n'abo abandi bariyo nibakora ahari ebyo hati, n'obwesigwa, kubuta omu muringo gw'ekitabo.

24 Kandi okureeba ebantu ebi ebigumire kwetegyereza ebi tureebire nibihikiirira, n'ahabw'ekyo nintekateeka ngu, ahanyima y'okwetegyereza ekyo, omu shaaha ei tutwiremu, n'omwanya; tihariho n'omwe orikubaasa kwetenga kushutama ahansi atebeekeine munonga kandi akashwijuma ebiherize kugambwaho, n'ebayaragaanisiibwe kubaho, n'ebiherize kubaho, haza atagire ngu ebantu ebyo bikahikiirira. Mwareeba? Buzima kwo ebi Ruhanga yaagambire ngu Naaza kukora, Akabihikiiriza kimwe. Mwareeba?

25 Hati, ningira ngu omuri eki, ngu, ntarikumanya obwire obu Mukama Yesu arikubaasa kwiziramu, nteekateekire ngu kikaaba kirungi, kishushaine nk'ekirikushemeza Omwoyo Orikwnra ngu tugambe ahari eki, obwo; kandi shana tukigarukyeho ogundi murundi, emirundi ebiri nari eshatu, ahabw'okuba tindikwija kutunga obwire oburikugasha kushoboorora ebi byona.

Kandi waagamba aha-aha ishomo erirkubaasa kuteeza entsibo kakye omuntu, torikubaasa kurigumizamu okuhika aha muheru kurishoboorora gye, obwo noogaruka ogundi murundi kukwata eishomo eriraakurateho.

Kandi bwanyima, omu . . . Mukama ku arikunda, nitwija kutaaha omu bumanyiso 12, nari ti . . . Munsaasire. Eshuura ya 12 y'ekitabo ky'Okushuururwa, ekiri rwagati y'Okwija kwa Mukama n'okuhendera kw'Enzamba, n'ebindi. Nituza kugyezaho ekyo kukigarukaho, kworeka eki Sitaane ari, n'eki yaakozire, ei yaarugire, ekigyendererwa kye, n'oku oburungi bwe obwamuhairwe bwamureeteire kugwa. Ebishuba bye bikamureetera kugwa; oburungi.

26 Bwenu, oku kitarikubaasika omuntu weena orikwenda kukyetegyereza omu buryo obuhikire, orwo "ruzaaro" rw'enjoka. Nimbaasa kuhiga ahari ekyo, ahari buri omwe, nimureeba, orikwenda kukireeba, n'o-n'okwetegyereza kw'obutoosha kwonka buzima. Omwana naabaasa kukireeba. Mwareeba? Hati, kandi ekyo nitwija kukihikaho handi hakye.

27 Hati, nitwetegyereza hanu ngu Ebyahandiikirwe binu bibiri . . . Enshonga etumire naashoma Petero ya Kabiri eshuura ya 3, kandi nkabigyeragyeanisa n'Okushuururwa 21, byombi hanu nibigamba aha ishomo rimwe, kwonka Yohaana atakihandiikye-atakihandiikye omu muringo ogu Petero yaakihandiikiremu. Mwareeba? Nitwetegyereza ngu Eka egi nkuru y'Omugore neija kuba hanu omu nsi.

Kandi hati ku oraashome, nk'eshuura ya 21, eshuura ya 21 y'ekitabo ky'Okushuururwa, hanu entumwa ekagira ngu, niimanyisa nabi akagira, ngu, "Naareeba Eiguru Erisya n'Ensi Ensy." Nooshusha oti nihaza kubaho okucwekyereza.

28 Hati, obutoosha oburyo obu tungiramu amatebezo gangye n'okurabira omu kushaba. Nimba nshutami ninshaba reero ekintu kinshuururira. Kandi ntegyereza edakiika nkye reero ndeeba yaaba kihikire, reero mpurira nikiirira haihi. Kandi obumwe n'obumwe nguma ntegyereize okuhitsya obu kirikuhindukamu okworekwa. Kwonka kyatandika kwija, kandi naahamya ngu nikiruga ahari Ruhanga, obwo ngyenda omu Byahandiikirwe. Mwareeba, Ekyo ni, kishemereire kuba ekirikuhamya ekintu kyona ky'omwoyo ekyabaho, ahakuba Baiburi niyo okushuururwa kwa Yesu Kristo okwiyire; mwareeba, N'Omubiri Gwe.

Kandi hati, omuri ekyo, obundi ntunga ekicweka omu Byahandiikirwe ekitarikureebeka nk'ekihikire, obwo nyebuuza. Ngaruka omu kushaba. Kiija ogundi murundi. Reero nta-reero ntandika ku-kushwijuma Ekyahandiikirwe kyangye.

29 Hati, Baiburi yaitu ehandiikirwe omu Rungyereza, kandi ebigambo by'Orungyereza bihinduka, obwire bwona. Eky'okureeberaho, nka Yohaana Orikwnra 14, nihagira hati, "Omu nju ya Tata harimu (ebikaari bingi) by'okutuuramu," ekikaari omunda y'enju. Mbwenu, obwo, iwe, hati eki oshemereire kukikorera, n'okukigarura omu-omu yaabandize reero okeetegyereza eki eya Yakobo yaamanyisize, nari ogarukye omu y'Oruheburaayo, nari omu y'Orugrika, omu yaabandize kuvunuurwa. Kandi omwo nihagira ngu, "Omu Bukama bwa Tata harimu ebikaari bingi." Mbwenu, obwo, ogarukye omu bunaku obu abavunuuzi bavuunuriire King James, obukama bukaba nibwetwa, omu Rungyereza, "enju," kandi omugabe akaba ari ishe w'abu yaabaire naatagyeka. Egyo niyo nshonga eyaatumire baavunuura ngu, "Omu nju ya Tata harimu (ebikaari) bingi." Mwareeba? Reero okwata ebyo bigambo kandi nooteekwa kubisherura.

30 Mbwenu, nimureeba, okuruga omu kushukwaho okwo . . . Ekituuti eki akasheeshe aka, ningamba, tihariho omurundi na gumwe obu kirabaire ekindi kureka ekishorongyeire kimwe, n'Ebyahandiikirwe. Okwo nikwo Oruzaaro rw'Enjoka n'ebindi bintu ebi bijja. Mwareeba? Okurabira . . .

Kandi oku kiri, buzima, omuntu ku yaakufa kushoma reero akagira ati, "Omu nju ya Tata harimu ebikaari bingi," ku waakuba otabandize waasherura, waashaba, weena okaabuzabuzibwa. Mwareeba? Kwonka guma nooshaba. Burijo Ruhanga akiteereza, ku kiraabe nikiruga ahari Ruhanga.

31 Hati, Yohaana naashoboorora empinduka hamwe n'e- . . . oku kirikubaho . . . Tarikukishoboorora, naaba niimanyisa, kureka Petero naakishoboorora. Yohaana akafa kugira ati, "Bwanyima naareeba Eiguru Erisya n'Ensi Ensy; ahakuba eiguru ery'okubanza n'ensi ey'okubanza bikaba bihweireho. Enyanja ekaba etakiraho. Nyowe

Yohaana naareeba orwo Rurembo orurikwera nirushuumu okuruga omu iguru ahari Ruhanga, ruteekateekirwe nk'Omugore ocumuirwe Iba." Kwonka, tugarukye enyima omuri Petero ya Kabiri hati kwetegyereza, Petero naashoboorora oku eki kiribaho. Hati, mwareeba eki Yohaana yaagambire, nkyenda kushusha oti, "Ahakuba eiguru ry'okubanza n'ensi ey'okubanza bikaba bihweireho," bicwekyereziibwe. Mwareeba, mbwenu, ekyo nikihurirwa nk'ekitari ky'obutoosha munonga. N'ahabw'ekyo ekyo nikyo ekyankwatsireho, reero naatandika kusherura ebyo bigambo, "bikaba bihweireho." Kandi, hati, kwonka nikyetegyerezibwa kurungi ngu ebi byombi, eby'entumwa na nabi, bakaba nibagamba aha kintu kimwe.

32 Kandi hati, nabwo, omu Kitabo kya Isaaya, hati, mwaba nimwenda kuhandiika Ebyahandiikirwe ebi, omuri Isaaya 65:17. Isaaya, naagamba aha Kutegyeka kwa Kristo kw'emyaka rukumi, egyo myaka rukumi y'okuruhuuka kw'a-kw'abantu ba Ruhanga. Isaaya akagigambah, kandi yaagira ati, "Nka . . . Hakaba hariho . . . eby'okubanza bikaba bihweireho," n'oku baryombeka amaju, bakagatuuramu. Kuri twine obwire . . . Shana tuyende mpora reero-reero tushome eki ahabw'edakiika, Isaaya 65, mbwenu ka tushome ahabw'edakiika nkye hanu. Kandi nkiki hanu, kihikire, ahabwaitu. Hati, kutandika, Isaaya 65:17.

Kandi, reeba, nimpanga eiguru risya n'ensi nsya; . . .

Hati, Isaaya, nabi, akaba ari omwe omuri baanabi owaahandiikire Baiburi yoona omu kuhanuura kwe. Naatandika n'okuhangwa; rwagati y'Ekitabo kye, nk'eshuura ya 40, ayoreka Yohaana Omubatizi, Endagaano Ensy; reero ahenderera hanu, omu Kitabo kye, omu Kushuururwa, omu Kutegyeka kwa Kristo kw'emyaka rukumi. Omuri Baiburi harimu ebitabo makumi mukaaga na mukaaga, kandi omuri Isaaya harimu eshuura makumi mukaaga na mukaaga. Akahandiika ebirkushoboorora ebijuriire kimwe.

Hati, nitushanga ngu, hanu hati naakwata eshuura ya 65, hatsigaireyo endijo shuura emwe, kandi naagamba aha Kutegyeka kwa Kristo kw'emyaka rukumi. Mukyetegyereze, ka ni kirungi.

. . . reeba, nimpanga eiguru risya . . . n'ensi nsya; ebya ira tibirijukwa, n'obu kwakuba okuteebwaho omutima. (Okwo ni "bikaba bihweireho.")

Kwonka mu-mushemererwe, munanukye . . . ahabw'eki eki ndikuhang; ahabw'okuba, reeba, nimpanga Yerusaalemu kuba ey'okunanukiram, n'abantu baayo kuba abarikushemeza.

Ndyashemerererwa Yerusaalemu, nnanukye ahabw'abantu bangye. Terihurirwamu iraka ry'okucura, . . . n'obu kwakuba okurira kw'abaine enaku.

Tiharigaruka kubayo . . . keereere akarikufa kamazire ebiro bikye, n'obu . . . yaakuba omugurusu otarikuhitsya biro bye; ahakuba omwana aryafa ahikize emyaka igana, kandi omusiisi, orifa ahikize emyaka igana, biri akyeenirwe. Kandi barya . . .

Baryayombeka amaju, bagatuuremu; baryabyara emizaabibu, barye ebijuma byayo.

Kandi tibaryombeka maju, abandi bakagataahamu; (Ekyo ni, ekibanja kyawe, mutabani waawe kuba omuhunguzi waakyo, nari bamwe omu barikuhungura ebyaw) . . . tibaribyara mizaabibu, ekariibwa abandi; (nibabyara eyaabo kandi bagumaho; baine Amagara Agatahwaho) . . . ahabw'okuba nk'oku ebiro by'omuti biba, n'ebi'abantu bangye nikwo biriba, kandi abangye . . . abatoorainwe bangye baryamara omwanya muhango nibashemerererwa ebi emikono yaabo ekozire.

Tibarihendekyera busha, n'obu kwakuba okuzaara abaana b'okugwerwa akagwe; ahabw'okuba (n'oruzaaro) rw'abu MUKAMA ahaire omugisha hamwe na baijukuru baabo.

Hati mureebe, hanu niho ndikuza, ahanyima y'akaanya kakye.

Batakaanyetsire, ndyabeetaba; kandi ndyabahurira nibakigamba.

Kandi omushega n'omwana gw'entama biryarya kumwe; entare eryarya obunyaatsi nk'ente, . . . omucuuu guryaba eby'okurya by'enjoka. Aha rushozi rwangye orurikwera rwona tibarikoreraho kubi, n'obu kwakuba okucwekyereza, nikwo MUKAMA arikugamba.

33 Ka n'okuragaanisa, kwa baanabi aba n'abanyabwengye rugambwa, abeegyesa ba Baiburi, kare munonga omu biro ebya iranaira, kureeba Ekiro eki ky'ekitiinisa nikija!

Om u bieweka ebi, omwe naabaasa kuteekateeka, nari kwebemberwa, niimanyisa, kwikiriza ngu enziga yoona, y'egi nsi, neija kucwekyerezibwa, "Nimpanga Eiguru Risya n'Ensi Nsya," mwareeba, ngu eiguru riryahwaho n'ensi eryahwaho, bicwekyerezibwe bihweho. Kwonka twashoma tutaireho omutima, tukahwerwa Omwoyo Orikwera, nitubaasa kureeba Amazima g'eki; kandi ekyo nikyo turikuzamu.

34 N'akaabunga konka akagyetooroire, n'ekibi ekiri omu nsi, ebiryacwekyerezibwa. Mwareeba? Hati, nitwegyereza ngu eiguru nikimanyisa "akaabunga k'ahaiguru." Mwareeba?

35 Nikikora ki? Obwo kirya, amatojo aga, n'endwara, n'okufa, n'ebi'obutegyeki, n'omushaija omusiisi, n'omukazi omusiisi, n'emyoyo mibi, byona biryahwaho kandi bicwekyerezibwe. Mwareeba? Nikiteekwa kukorwa omu

muringo ogwo, ahabw'okuba nituza kuntu hanu honyini. Ekyo nituza kukihanya na Baiburi. Hanu honyini niho turikuza kuntu. Hati mwetegyereze, amatojo, obukooko oburikureeta endwara, endwara zonna n'ebindi, byona biryaihwaho kyarimwe. Ebi byona, okubaho kwabyo okuri omu nsi hati, entwaza y'abantu, eby'obutegyeki, ekibi, emyoyo mibi ya buri muringo esiisire ensi, hamwe n'akaabunga koona akari ahaiguru yaitu omunda hanu, kasiisirwe n'emyoyo mibi. Hati nituza kukitaahamu munonga kandi hare, omuri eki, mwareeba.

Ebi byona biri omu kaabunga, nari omwanya gw'ahaiguru, hamwe ensi eriho hati. Ensi egi harimu ebintu ebyo, kwonka etahangwe ahabw'ekyo kigyendererwa. Ekibi kikagireetera kuba etyo. Mwareeba? Ekahangwa Nyamuhanga, Omuhangi. Kwonka byona . . .

Kandi emibiri yaitu yoona, ei tutwiremu hati, ekateebwa omu itaka obu Ruhanga yaaghanga, ahabw'okuba okaihwu omu mucuucu gw'omu itaka. Yoona ekateebwa aheeru hanu. Obu Ruhanga We wenka yaaghanga, okaba ori omu biteekateeko Bye. Kandi Omuriwe, ogwo Otahwaho Mukuru, hakaba harimu ekiteekateeko, nikyo ekintu Ekimirumu.

Kandi hati ekibi kikatuma eki kyabaho. Kandi Ruhanga, okuraba omu busingye obu, naateeranira hamwe ebintu Bye.

36 Sitaane akiri hanu. Egyo niyo nshonga erikutuma ebintu ebi byona nibibaho. Akiri hanu, n'amahe ge goona mabi gakiri hanu. Mwetegyereze, egyo niyo nshonga etumire ensi yaasiisikara munonga hati. Egyo niyo nshonga oburofa n'eb'yobusheba ebirikukorwa; okusheesha eshagama, entaro, eby'obutegyeki, ekibi, obushambani, n'emiringo yoona y'okusiisikara erikugyenda omu maisho, n'ahabw'okuba Sitaane ari omutegyeki w'ensi egi n'akaabunga aka.

Noogira oti, "Akaabu- . . . ?" Eego, sebo!

37 Byombi akaabunga n'ensi hati bisiisirwe baadaimoni abarikubaasa kuturega omu maisho ga Ruhanga. Yesu ariyo kututonganirira. Mwareeba? Omuregi yaaguma naatunga orukumu, "baakozire eki, baakozire eki, baakozire eki," kwonka Eshagama neeguma eshwekkire. Akija kucungura ezo Ntoore ezi yaareebire zitakabaireho. Egyo niyo nshonga etumire yaasiisikara munonga ebiro ebi.

38 Hanu, entumwa, omuri Petero ya Kabiri hanu, eshuura 2, n'omushororongo gwa 5 hamwe na . . . hamwe n'omushororongo gwa 5 na 6. Eego, naahabona. Naagamba aha madaara ashatu g'ensi. Mwareeba, na-naayoreka amadaara ashatu gaayo. Mwetegyereze oku arikugashoboorora.

"Ensi eya ira ekaruga omu maizi," hati, egyo ekaba eri ensi eyaabaire eriho omwegyemure gutakabaireho.

Hati, egyo eriho, ensi ya hati ei tutwiremu hati, ekeetwa "ensi."

"Ensi eya ira ekaruga omu maizi," Okutandika 1:1. Hati kandi "n'ensi" eriho hati. Reero bwanyima, ogundi murundi, naagamba aha ndiijo, "ensi erikuza kwija," Ensi Ensy. Ensi ishatu; amadaara ashatu g'ensi.

39 Kandi mureebe oku Ruhanga arikutworeka butunu puraani Ye y'obucunguzi. Oo, eki kireeteire omutima gwangye kwijura amashemererwa ku nkireebire, oku Arikutworeka butunu hanu hati puraani Ye y'obucunguzi. Hati mugyeragyeranise ebi turikureeba n'amaisho gaitu. Eki Ruhanga yaakozire kucungura ensi Ye, akakora puraani niyo emwe kucungura abantu Be, ahakuba Ruhanga otahinduka tahinduraho omu puraani Ze zonna nari ekintu kyona. Ka n'ekintu ky'ekitiinisa!

40 Oku Yaatwebembeire Akatwehitsya, kututuuramu, okurabira omu madaara ashatu g'embabazi; nk'oku Yaakozire ensi omu madaara ashatu, kwija omu nsi. Nk'oku Ruhanga aryaija omu nsi ahanyima yaayo kuraba omu madaara ashatu g'okushemezibwa agatarikushushana, okwo buzima nikwo Aija ahariitwe okurabira omu madaara ashatu g'embabazi. Ekyo nkakyegyesa omu kutandika; tinkahinduraga, okwiha obwo. N'Ekgambo kya Ruhanga.

41 Nooteekwa kugumya zaishatu zaawe hamwe, zaamushanju zaawe, zaikumi-na-ibiri zaawe. Enamba za Baiburi niziteekwa kugumizamu zihikiire kimwe kitari kityo ekishushani kyawe nookishiisha. Waaba otarikubaasa kukojetegyereza, gumizamu nooshaba. Iwe reeba, nikiza kushoronga gye, buzima. Ruhanga ahikiirira omuri zaishatu. Mwareeba?

42 Mureebe, "ensi eya ira," omwegyemure gutakabaireho; "ensi" eriho hati; hamwe n'Egyo erikwija.

Hati, eidaara ry'okubanza eri Arikutureetamu . . . Mwareeba, puraani Ye y'obucunguzi buzima terikhinduka omuri buri kintu. Naakoresa enkora emwe. Tahinduka. Akagira, omuri Malaki 3, "Ndi Ruhanga, kandi Timpinduka." Oku Akikora, n'ahabw'ekyo, ku Araabe yaajunire omuntu w'okubanza ou Arajunire, okurabira omu Shagama eyaaseesirwe y'Ogwo otaine rubanja, Naateekwa kujuna oraakurateho; na buri omwe ou Araajune naateekwa kuraba omu muhanda nigwo gumwe.

Ku Araabe yaatambiire omuntu obunaku bwona omu rugyendo rw'amagara; n'obu haakuba omu biro bya Yesu, entumwa, baanabi, obunaku oburibwo bwona; ebirikwetaagisibwa nibyo bimwe ebyaba byabaho, Naateekwa kukikora ogundi murundi. Ekyo kihikire. Tahinduka. Omuntu ahinduka, obwire buhinduka, obusingye

buhinduka, obunaku buhinduka, kwonka Ruhanga tahinduka. Ahikiriire. Ekyo ka kishemereire kuha amatsiko abarwaire!

43 Ku Araabe aratambiire omuntu, Naateekwa kugaruka kukikora ebirikwetaagisibwa nibyo bimwe byaba byabaho. Ku araabe, arajunire omuntu, Naateekwa kugaruka kukikora omu mbeera nk'ei yaakikoreimu omurundi gw'okubanza. Ku Araabe araijwize omuntu Omwoyo Orikwera, Naateekwa kugaruka kukikora omu mbeera nk'ei yaakikoreimu omurundi gw'okubanza. Ku Araabe yaarazoire omuntu okuruga omu kituuro, Naateekwa kukikora omurundi gwa kabiri, na buri murundi, aha ngyenderwaho niyo emwe.

44 Tahinduka. Oo, ekyo ka nikimpa amatsiko! Niki? T'omu bigunjano by'ebiteekateeko by'abantu, ekintu eki ebiiba ina by'abantu biteeraniire hamwe; kureka omu Kigambo Kye ekitahinduka.

Noogira oti, "Ago n'Amazima?"

Akagira ati, "Ka buri kigambo ky'omuntu kibe ekishuba, kwonka Ekyangye kibe Amazima." "Ahakuba eiguru n'ensi biryahwaho, kwonka Ekigambo Kyangye tikiriremwa." "Ebyahandiikirwe byona bihandiikisibwa Omwoyo, n'ahabw'ekyo ni birungi kandi biine omugasho gw'okwegyesa." Kandi mwijukye, ngu, "Ebyahandiikirwe byona biryahikiirira," buri kanyuguta kabyo koona.

45 Mureebe oku Ruhanga arikukitworeka butunu. Kandi ekyo ku kiraabe kitarabaire o-okuhamya kw'amaani, kurungi . . . omugisha gwa rukundo mwingi, okuruga ahari Ruhanga! Ku ndikureeba eki, kandi nkeetegyereza ngu okwiha obu naabaire ndi omwojo, omurundi gw'okubanza obu Kristo yaabanza kukoragana naanye, ntuura niinyegyesa ago madaara ashatu g'embabazi. Mureebe ku garaabe gatari amazima hati.

46 Hati, eidaara ry'okubanza "n'okweteisiza Ruhanga." Reero ekirikukurataho ahanyima y'ekyo, n'okubatizibwa omu maizi, "okubatizibwa omu maizi," "Mweteise, kandi mubatizibwe omu Iziina rya Yesu Kristo." Mwareeba, okubatizibwa omu maizi nikukurataho, ekirikworeka ngu okweteisa kubaire kuri okw'amazima. Nari, "okusaasirwa" ebibi byaitu byenyima, ekyo tikiine kakwate n'ebibi by'omu maisho. N'okusaasira kwonka. "Mweteise, kandi mubatizibwe omu Iziina rya Yesu Kristo." Ahabw'enki? "Okusaasirwa." Okwhaho ebibi byenyima tikiine kakwate n'ebi'omu maisho. Ni, ebibi byawe biihirweho, ebi waakozire.

Torikubaasa kweteisa eki Adamu yaakozire. Toraakikozire; Adamu niwe yaakikozire. Nootunga okusaasirwa ahabw'ebi waakozire. Obuhangwa obwa ira bukirimu.

47 Kanze aha rubaaho oru ahabw'edakiika. [Ow'eishe-emwe Branham yaateera ebishushani ebirikushoboorora aha rubaaho -Omur.] Hati, hanu hariho omutima gw'omuntu. Hati, tindi . . . tindi muteezi w'ebishushani na kakye. Hanu hariho omutima gw'omuntu; kandi hanu hariho omutima gw'omuntu. Hati, omuri ogu hanu harimu enjoja, ekyo n'ekibi, hanu aine amagara ge. Omuri ogu hanu harimu enkombe, niwe Omwoyo Orikwera, hanu aine Amagara. Mpaho, ogu hanu, aine eitima, rwango, eihari; ekyo nikyo ekirikukireeta, n'omuntu ogu hanu. Mpaho, omuri ogu hanu harimu rukundo, n'okushemererwa, n'okugumisiriza; kandi Ekyo nikyo ekirikukikora, omunda hanu.

Hati, waabuuzibwa, niimanyisa waasaasirwa ebibi byawe, nooba okozire eki kwonka, oihireho ekyo. Kwonka ekintu ekyatumire waakikora kikirimu. Ogwo n'omuzi gw'obubi ogwa ira; gukirimu. Mwetegyereze, reero oyeteisa kandi obatizibwa omu Iziina rya Yesu Kristo, ngu Akusaasire ebibi byawe. Mwetegyereze.

48 Bwanyima, ekyo kabiri, habaho okwezibwa, okurikuta ebiteekateeko byaitu omu buteekwa bw'oburikwera, kuteekateeka kurungi. Kwiwhaho . . . okwezibwa n'ekigambo ky'Orugriika ekiine amakuru maingi, ekirikumanyisa "ekintu ekishemeziibwe, kikateebwa aha rubaju ahabw'okuheereza."

Reero, ekirikukurataho, habaho okubatizibwa kw'Omuriro n'Omwoyo Orikwera, kugira ngu Ruhanga abaase kutuura omuriitwe. Reero Omuriro gwa Ruhanga gushemeza emitima yaitu okuruga omu kibi, kandi omunda atamu Omwoyo Orikwera. Obwo twana amagara nigo gamwe agu Eki kyakozire, ahabw'okuba Ekyo kiri omuriitwe.

49 Mwetegyereze, omu kuzaara kw'obutoosha, omukazi ku arikuzaara omwana. Amagara g'obutoosha nigashushanisa amagara g'omwoyo. Omukazi ku azaara omwana, omu by'obuhangwa, ekintu ekirikubanza kubaho n'okwatika kw'amaizi, hakurataho eshagama, reero bwanyima omwitsyo (amagara). Jakura akeereere kato kandi okateere oruhi rw'okukakanga [Ow'eishe-emwe Branham yaateera omu ngaro ze omurundi gumwe -Omur.], reero katandika, kurira. Amaizi, eshagama, omwitsyo.

50 Bwenu hati omwana ku azaarwa omu Bukama bwa Ruhanga, aija omu muringo nigwo gumwe: amaizi, Eshagama, Omwoyo.

Hati mwetegyereze, okwezibwa, eidaara rya kashatu . . . eidaara ryakwo rya kabiri, rishemeza ebiteekateeko; ritereeza omutima, ebiteekateeko by'omutima, omu buryo bw'oburikwera.

Omuntu naabaasa kweteisa ebibi bye kwonka nabwo agume naakiteekateeka ahari . . . Mpaho, obundi n'o-n'omushaija w'emicwe mibi, buri mukazi orikureebeka nka maraaya ou arikureeba, akirimu. Obundi n'omusinzi; buri kaire yaanuukiriza amaarwa, gakirimu. Mwareeba?

Kwonka ku arikuheza kwezibwa, ekyo kimaramu ekyo kyetengo omuriwe. Mwareeba? Kiihamu okwoya okwo. Naaba naakibaasa kwohibwa, kwonka Ruhanga aihamu okwetenga okwo. Nabwo, naaba atakabaire gye.

Bwanyima, abatizibwa n'Omwoyo Orikwera n'Omuriro. Ashemezibwa, weena ayokibwa omuriro, ayezibwa; reero bwanyima ateebwa omu kuheereza Ruhanga.

Okwezibwa kubata aha rubaju kugira ngu baheereze.

51 Kandi mwetegyereze oku buzima ekyo kyaizire, okwija kw'obutumwa. Matini Luteeri, okwiwhaho orubanja; John Wesili, okwezibwa; abapentekoote, okubatizibwa kw'Omwoyo Orikwera. Obutumwa, egyo niyo nshonga hatarikubaasa kugaruka kubaho obundi busingye bwayo, mwareeba. Turi omu bwire bw'aha muheru. Amadaara ashatu. Okubatizibwa kushemeza omutima okurabira omu Mwoyo Orikwera.

52 Ka nikikuru hati, Naakwata omwanya oguturikwija kutuuramu, agurabya omu nkora niyo emwe.

Hati, Akeeta Ekanisa okurabira omu kwihwaho orubanja, Yaagyeta okurabira omu kwezibwa, bwanyima Yaagijuzya Omwoyo Orikwera n'Omuriro. Kandi Akagirabya omu nkora, kugira ngu We Wenka, Omwoyo Orikwera We wenka, Omwana wa Ruhanga, abaase kutuura omu mutima gw'omuntu. Hati, Ekanisa neeteekwa kuraba omuri ekyo Atakabaasize Kugitaahamu.

Mwetegyereze, Akakora ensi, ahi Omugore arikuza kutuura, omu buryo nibwo bumwe, puraani Ye y'o-y'okujunwa niyo emwe.

53 Mwetegyereze ensi eyabaire eriho omwegyemure gutakabaireho. We, ahanyima yaayo kweteisa, okurabira omu Mugore w'ebiro ebyo, Noa, Akagiha okubatizibwa kw'amaizi, yaagishwekyera kimwe n'amaizi. Bwanyima, okwiwhaho orubanja, kirikworeka ngu Ari omu rugyendo Rwe kweta ensi egi eyaagwire, okuruga Edeni, kugaruka omu kugarurwa busya kwayo ogundi murundi.

Bwanyima Kristo akaija yaagisheeshaho Eshagama Ye, yaagishemeza kandi yaagyegarurira. [Ow'eishe-emwe Branham yaakongoota aha kituuti emirundi mingi -Omur.] Mwareeba, egyo niyo nsi ei tutwiremu hati.

Mureebe oku Sitaane, hanu omu Byahandiikirwe, yaagyerizeho Kumureetera kuhenda puraani ya Ruhanga y'okugitunga, Yaagimuha obu Yaamutwara aha rushozi, reero yaagyezaho Kugimuha hatariho Eshagama y'okushashura?

54 Mureetegyereize oku Abrahamu, ku baagyerizeho kumuha ekibanja, akakigura na shekeli z'efeeza ezirikwingana zityo, omu maisho g'abantu, nk'akamanyiso, nk'obujurizi? "Ka kimanywe eriizooba ku naagura ogu mwanya gw'okuziikamu." Mwareeba, yaakigura! Na Sitaane akagyezaho ku-Kumuha obugabe oburi Obwe hati. Akagyezaho Kubumuha nk'ekiconco, kwonka Yaayanga kubwakiira. Habw'okuba ni, mwareeba, obwo Sitaane akaba naaza kuguma akibwineho obushoboorozi. Kwonka, kikaba nikyetaagisa ngu bushashurirwe. Amiina. Akaba ari Kigambo omu bwijire. Bakaba batarikubaasa Kumubeihabeisha omuri ekyo.

Mbwenu, hati n'ey'okutunga okubatizibwa kw'Omuriro.

55 Mwareeba, hati e . . . N'enki ekyabaireho? Kristo akaija yaayeta Ekanisa ngu eyeteise, kubatiziibwa omu Iziina rya Yesu Kristo, ahabw'okusaasirwa; kweza Ekanisa; n'Omuriro gwa Ruhanga kushuumu reero gukootsyu gukamaramu oburofa bwona, kandi akaija akatuura omu mutima gw'omuntu.

56 Hati, ensi, kucungurwa ahabw'omuntu ogu owaacungwirwe, Naakoresa enkora niyo emwe. Akagibatiza omu maizi, ahanyima y'ensi eyaabaire eriho kucwekyerezibwa kw'omwegyemure kutakabaireho. Yaagisheeshaho Eshagama Ye, kugyeza n'okugyegarurira. N'Eye.

Sitaane akagyezaho kugira ati, "Niinyija Kugikuha."

Yaagira ati, "Ngaaha, sebo, Niinyija kugigura." Ka bube obujurizi. Akahanikwa, nk'akamanyiso, ngu Akagigura. Akagishashurira.

57 Kwonka hati neeteekwa kuraba omu kubatizibwa kw'Omuriro, Omuriro ogurikwera ogurikuruga ahari Ruhanga, ogurikshemeza ensi n'akaabunga akagyetooroire. Obwo, eshashuriirwe kugira ngu abaacungwirwe babaase kugituuraho, bagitturemu omu busingye. Mwetegyereze, okubatizibwa kw'Omuriro n'okwokugyeza okuruga omu kibi, okuruga omu ndwara, okuruga omu bukooko oburikureeta oburwaire, okuruga omu basiisi, okuruga ahari sitaane n'ekibiina kye kyona. Naija kunagwa aheeru, omu Nyanja y'Omuriro. Omuriro ogurikwera okuruga ahari Ruhanga, guryaruga ahari Ruhanga, omu Iguru, reero gugyokeze kimwe, mwetegyereze, kugira ngu etebeekanisibwe kugira ngu Ruhanga abaase kugituuramu. Ahakuba, Ruhanga, omu Nsi Ensyia erikwija, naija kutuura omu nsi. Habw'okuba, noogira otu, "Ruhanga, Atuura omu mutima gw'omuntu." Kwonka, We n'Omugore nibahinduka Omwe, reero baze Omuka yaabo omu Nsi Ensyia. Kandi puraani niyo emwe y'obucunguzi neekoresibwa kucungura, byombi, ensi n'abantu abagituuramu.

58 Mwareeba, omutima niguteekwa kwezibwa gutyo. Ruhanga atakashuumire omu buntu bw'Omwoyo Orikwera, niwe Kristo orikwija kandi akatuura omu mutima gw'omuntu, gushemereire kubanza gwayeteisa. Gushemereire

kubanza gwabatizibwa omu maizi, omu Iziina Rye, kworeka mukama waagwo.

Bwanyima gushemereire kushemezibwa n'Eshagama ya Yesu.

Obwo reero Omuriro ogurikwera hamwe n'Omwoyo Orikwera, okuruga ahari Ruhanga, gushuumma kandi gwotsya gumaramu ekyetengo ky'okukora ebibi, obuhangwa bw'ensi bwona. "Kandi, n'ahabw'ekyo, ogwo orikushiisha nkana ahanyima y'okuheebwa okumanya Amazima . . ." Obwo, Baiburi ogundi murundi ekagira ngu, "kiba kitakibaasika . . ." "Ahakuba, o-omuntu ozairwe Ruhanga tarikubaasa kukora ekibi; takora kibi." Tihariho omuringo gwona ogu arikubaasa kukoreramu ekibi. Naabaasa ata kuba omusiisi, kandi ocungwirwe, obwire bumwe? Mwareeba? Nimbaasa nta kuba omu duuka ei barikutsigamu emikwato ya looni, kandi nkaba aheeru y'eduuka ei barikutsigamu emikwato ya looni, obwire nibwo bumwe? Mwareeba? Oo, Akatucungura okurabira omu Shagama Ye; okurabira omu Mwoyo We yaatushemeza; reero bwanyima yaija kutuura omuriitwe, Ekanisa. Ti kigombe ky'ediini, hati; Ekanisa!

59 Muteho omutima munonga hati twaba nitutaaha omuri eki, emyanya ei turikwija ku-kutuuramu. Hati, hati, o-okweteisa omwegyemure gutakabaireho, obwo, kukareetaho okubatiza kw'amaizi. Bwanyima Kristo yaija yaagisheeshaho Eshagama Ye, kugyeza n'okugyegarurira. Reero bwanyima nihaija, ekirikukurataho, okuhwerekyerera kw'ensi nk'oku eri hati.

Ekibi kyona ekiri omu kaabunga ahaiguru, "niwe omukama w'obushoboorozi bw'omu mwanya gw'ahaiguru," naakumiirira (naarwanisa) emigisha erikuruga ahari Ruhanga ngu etatuhikaho. Okwo harugayo okuhinda kw'enkuba n'okutyankana kw'emirabyo kandi eteera ensi, na buri kimwe, biruga omu kaabunga, enjura erikushenyagura, n'eihunga, eihu- . . . n'enjura erimu emiyaga y'amaani na buri kimwe, "biruga omu mwanya ahaiguru," niwe Sitaane, "niwe omukama w'omwanya gw'ahaiguru."

60 Mwetegyereze, mureebe oku Sitaane yaagyerizeho kugikwata, nk'oku ngyerizeho kugamba edakiika nkye ezaahwaho, akagiha Yesu atabandize yaagigura. Obwo, Sitaane naaba akiine obushoboorozi ahariyo, ahabw'okuba etairweho akamanyiso, mwareeba. Kwonka Yesu naagigura okurabira omu Shagama Ye eyaaseesirwe reero abona kugigarurira mukama waayo wenyini. Mwareeba? Okwo nikwo Yaatuguzire, n'Eshagama Ye, oku Yaaguzire Ekanisa.

Kandi hati okubatizibwa kwayo kw'Omuriro nikugishemeza kugimaramu obukooko bwona oburikureeta endwara, oburwaire bwona n'endwara zonna, nangwa n'ebintu by'omwoyo byona; naitwe, nikyo kimwe, nikikora ekintu nikyo kimwe; kugitebeekanisa kugira ngu Ruhanga abaase kugituuramu, omu busingye bukuru obu oburikwija, Ensi Nsy. Mwareeba, Naagicungura omu muringo nigwo gumwe ogu arikucunguriramu abantu Be. Naakikora omu muringo nigwo gumwe, puraani Ye y'obucunguzi. Ahakuba, We ni Ruhanga otahinduka, obutoosha tahinduka omuri puraani Ze.

61 Nk'oku naaheza kubagambira, enyimaho, kandi nkakibamanyisa, n'omu busingye bwona, ngu Ruhanga tarikubaasa kuhinduka; akyoreka, omu buryo bwona, omu muringo nigwo gumwe.

Akakyoreka, obutumwa Bwe bw'okubanza, omu nsi eyaabaire eriho omwegyemure gutakabaireho, okurabira omuri nabi Noa.

62 Mbaire ningamba n'ow'eishe-emwe omukundwa oshutami hanu naanye hati. Nyomwabazyo, ngizire nti, "Ekintu kimwe eki ogambire, Ow'eishe-emwe Branham, ekituura nikintetemesa."

Naamubuuza nti, "Niki, ow'eishe-emwe?"

Reero yangarukamu ati, "Eki ogambire n'eki," kandi n'amazima, "'Bakte munonga, oku abarikwija kujunwa omu biro by'Okwija Kwe barikwija kuba bakte munonga.' Reero twaganiira aha ki Yesu yaagambire ngu, 'Eirembo rifunzire n'akahanda kaaryo kagumire, kandi n'abakazoora baba bakte.' Hati mwetegyereze, Baiburi ekagira ngu, 'Nk'ebiro bya Noa oku byabaire biri ei abantu munaana bakiriiremu amaizi, nikwo kiriba n'aha Kwija."

Naagira nti, "Ow'eishe-emwe, waakyetegye . . ."

Yaagira ati, "Oijukye, bakaba bari abantu munaana bonka."

Naagira nti, "Oine ekicweka kimwe ky'ekishushani."

63 Kandi obwo, Noa akaba ari ekirikushushanisa ky'abaatsigaireho bakarabamu, atari ekibiina ky'abaatwairwe. Enoka, omuntu omwe, akagyenda omu Kutwarwa omwegyemure gutakaizire, ekirikworeka ngu Ekanisa teriraba omu kubonabona nari ekindi kintu nk'ekyo. Enoka akatwarwa, omuntu omwe. Oo, ekanisa neebaasa kuba omubaro; kwonka Omugore naija kuba akabiina kakye munonga akarikwija kuba Omugore. Hati, ekanisa neebaasa kuba omubaro mwingi; kwonka, Omugore, nimureeba, gyeragyeranisa munaana hamwe n'omwe. Munaana bazamu bakte, nibo barikwija kuba Omugore, okukira ekanisa.

"Kandi abahikiriire ku baraagumirwe okujunwa, abasiisi n'abatatiina Ruhanga baryaba bata," abo abarikumanya gye, eky'okukora, kwonka bakagumizamu bakakikorera eryo? Abo abarikukuratira ebiragiro by'ekigombe ky'ediini omu mwanya gw'Ekigambo, baryaba bata, kandi obwo barikwetwa Abakristaaayo,

nibeetererwa Kristo?

64 Hati, buzima, Noa akaba ari ekirikushushanisa ky'abo abaarabiremu. Mwijukye, Noa ku yaarugiremu, Haamu akaba ari nawe. Ekibi kikaba kikirimu. Ekibi kikarabamu, omu meerii. Obutaikiriza, okubangaanisa, bikagumizamu byaza omu meerii, bwaraba ahaiguru y'orubanja. Kwonka Enoka we akaza ahaiguru munonga okukira emeeri, akagumizamu yaaza Omu maisho ga Ruhanga. Kwonka Noa akazamu kandi yaarugamu, kwonka nabwo ekibi kikaba kikiriho; ekishushani ky'Okutegyeka kwa Kristo kw'emyaka rukumi, ky'embeera y'ensi.

Okutegyeka kwa Kristo kw'emyaka rukumi tikwo muheru gwakyo. Nihaija kubaho obwire ahanyima y'Okutegyeka kwa Kristo kw'emyaka rukumi. Okutegyeka kwa Kristo kw'emyaka rukumi n'obwire obupimirwe; kwonka, tibwo Ensi Ensyia. Ngaaha, buzima. Mwetegyereze, omwo, nituza kukihikaho ahanyima y'akaanya kakye.

65 Mwareeba, ensi, ecungwirwe, neegaruka ahari Mukama waayo owaabandize ogundi murundi. Kikatwara . . . Akagihiha ahari Sitaane. Akakurura, arikwiha ensi ahari Sitaane, nk'oku Yaakwihire ahari Sitaane, nk'oku Yaihire ogwo mukazi mukye w'aha iziba ahari Sitaane. Aho hakaba heemereireho omunyamurwa, owaabaire naateekateeka ngu akaba ari hamwe na Ruhanga, kwonka akaba aine busha. Mwareeba?

66 Niinyenda kukuteerera ekishushani ky'ekyo ahabw'akaanya kakye. Hati, nitwenda ngu eki tukyetegyereze kurungi, n'ahabw'ekyo hati taho omutima munonga hati aha nyegyesa egi. [Ow'eishe-emwe Branham yaateera ebishushani ebirkushoboorora aha rubaaho, ebiine akakwate na zaaparaguraafu nkye ezaaza kukurataho -Omur.]

Hati, ogu hanu, Ruhanga ari hanu. Ruhanga, niwe ogwo Otahwaho, otaine . . . Tihariho ondijo kureka We. Kwonka, omuri Ruhanga, Akaba aine ebimurimu. Hati, eki hanu nikashushanisa Ekigambo, Ekigambo kya Ruhanga, ekyahindukire omuntu kandi kikatuura naitwe omu muntu Yesu.

Hati eki hanu, omuntu ogu hanu, nituza kumukora nka batii. Hati, ogu naayetwa omukazi ori aha iziba. Ogu n'omunyamurwa, Omufarissaayo. Kandi ahi orikureeba eki, omwanya oguriho busha aha rubaaho, nikimanyisa embabazi n'okujunwa.

67 Hati, "Bwa mbere na mbere hakaba hariho Kigambo. Kandi Kigambo yaaba omuntu kandi yaatuura naitwe." Ago madaara ashatu. Okubanza kikaba kiri ebyabaire bimurimu, bikaba biri omuri Ruhanga, Akeeteekateekaho kuba omuntu; kandi ekyo Kikamureeta ahansi kuba Yesu; kandi hati, ku oraabe ori Ow'okuzayo, okaba ori Nawe buri. Ahakuba hariho omuringo gumwe gwonka gw'Amagara Agatahwaho, ogwo ni Ruhanga; kandi okaba nooteekwa kuba waabaire ori ekicweka kya Ruhanga omu kutandika, atari eki waatooraine ahansi hanu. Akaakutoorana. "Abu Tata yampaire boona baryaija."

68 Hati mureebe omunyamurwa ogu hanu. Nitureeba ekicweka kye ky'ahaifo, hanu, amagara ge g'enyima, agari enyima ye, oku yaamanyirwe ira atakabaireho enyima hanu, n'ag'okushiisha.

Gehena eri hanu, eifo hanu.

Hati, akacweka kakye aka omunda hanu, akarikushushana n'orubaaho, ako nikashushanisa okushemera kwe. Akaba ari omunyamurwa. Akaba ari omushaija w'ekitiinwa. Ekyo kikaba nikijwekyera eki. Nabwo nawe, akaba, naateekwa kuba omushaija murungi, kitari kityo akaba atarikubaasa kuba omunyamurwa. Kwonka nimureeba oku yaabutungire, n'okurabira omu bwengye bw'okwegyesibwa.

69 Hati, omukazi mukye ogu, amagara ge g'okubanza, ahaiguru hanu, akaba ari maraaya, weena akaba asiisikariire kimwe. Kwonka hare omunda ye, hanu, hakaba harimu okwetegyereza kukye munonga. "Nimmanya ngu Mesia ku ariija . . ." Mwareeba? Mwareeba, ekyo kikaba kirimu.

Mwetegyereze, Yesu ku yaizire kandi akooreka Ekigambo, ahabw'okuba Ekigambo kikacaaka ebiteekateeko ebyabaire biri omu mutima; nk'oku Abaheburaayo 4 erikugira ngu Kiryakora, 4:12, ngu Aryakora. "Ekigambo kikaba kiri ekirikuaka ebiteekateeko by'omu mutima," kandi Akaija nk'Omwania w'omuntu, Nabi. N'enki ekyabaireho? Omunyamurwa ogu, oine obwengye oburugire omu kwegyesibwa kwonka, akagira ati, "Ni sitaane," ahabw'okuba ekyo nikyo ekigombe ky'ediini ye kyakyetsire. Kikakora ki? Akaba ataine eky'okumujwekyera, n'ahabw'ekyo akarugiramu aho.

70 Kwonka omukazo mukye ogu akaba ataine ekintu kyona ky'okworeka; akaba asiisikaire kandi agubire nk'oku kirikubaasika. Kwonka, mwetegyereze, hare omunda ye, akaba aine eky'okumujwekyera, mwareeba. Kandi, ekindi, akaba ategyereize eki kugira ngu kihindukye omuntu.

Kandi ku Yaagizire ati, "Irooko oreete baro kandi ogarukye aha."

Ogwo mukazi yaagira ati, "Sebo, tihaine ou nyine."

Ati, "Waagamba amazima, 'habw'okuba oine bataano, kandi ou oine hati ti waawe. Okashwerwa abashaija bataano. Abo ni mukaaga abu waashweirweho."

Yaagira ati, "Sebo!" (Atari, "Ori," atari, "Belezebuli.") "Naayetegyereza ku Ori Nabi. Hati, nitumanya ngu Mesia, orikwetwa Kristo, aryaija. Kandi ku Ariija, Aryakora eki."

Yaagarukamu ati, "Manya, Niinye."

Tihakiriho kubangaanisa bundi. Okaba otarikwetagisibwa kukishoboorora. Ogwo mukazi akakireeba. Yaakiikiriza. Atyo yaagyenda! Ahabw'enki? Kikamukoraho ki? Kikamucungura.

Hati mwetegyereze, Akaija kuba Omucunguzi. Ekyo kihikire? [Abateeraine baagarukamu bati, "Amiina." - Omur.] Okucungura nikimanyisa ki? "Kugarura." Ahabw'enki Ataragiire aha munyamurwa? Akaba atakabagayo eruguru okwo. Mwareeba? Mwareeba, akaba ataine eky'okumujwekyera.

Akaija kucungura ekyo ekyagwire. Omu kugwa, eki kikasiisikara, n'ogwo mwishiki, kwonka Ruhanga akaba amwine omu biteekateeko Bye omusingye gw'ensi gutakatairweho, n'ahabw'ekyo Akaija kumushemeza. Mwareeba? Bwanyima Ya . . . Ogu mwishiki akaba aine Amagara Agatahwaho. Mwareeba?

71 Kwonka, omunyamurwa, kikamukoraho ki? Kikamutwarira kimwe kyamugarura ahari muheru ye. Tihaine eki yaabaire aine, okubanza kwa byona, kureka obwegyese bwonka oburukukomooka omu kwega.

Hati, hurikiza, munywani, ekintu kyonka eki oraabe oine ku kiraabe kiri obwengye bw'okwegyesibwa kwonka, nootunga ekintu ky'omutaano ahari ekyo. Kandi toribaasa Kukitunga kureka waaba oine eky'okukujwekyera. Egyo niyo nshonga erikutuma naikiriza ngu mwaruga burugwa-izooba na burengyerwa-izooba, amatembu n'amashuumu; Ekigambo, ekihuriire, kyorekirwe.

72 Mureebe hati oku Arikworeka omuhanda Gwe okurabira omuri baanabi, omu kutandika. Takakihindurahoga.

[Omwanya oguriho busha aha rutambi rw'amaraka -Omur.] . . . okujunwa. Omuntu Akamwihaho orubanja; yaamweza; yaayohereza Omwoyo Orikwera n'Omuriro, kandi yaayotsya ekibi yaakimumaramu, kandi yaamutuuramu, We wenka.

Nikwo Arikukora ensi, ei Arikuzu kukozessa omuri puraani y'obucunguzi, omuringo nigwo gumwe. Ekeeteisa kandi yaabatizibwa omu maizi, omu . . . Noa. Yesu akaija kandi yaagyeza, okurabira omu kugisheeshaho Eshagama Ye, kandi yaagyeagarurira. Kandi omu Nsi Ensyu erikwija, neija kutunga okubatizibwa okurikwera kw'Omuriro, kugishemehazo daimoni yoona, buri kakooko akarikureeta endwara, buri burwaire, buri kintu kyona ekirih, reero ehindurwe ebe nsya. "Naareeba Eiguru Erisya n'Ensi Ensyu."

Noohinduka omuntu musya. Amiina! Atari owa ira oteirweho ebiremu, okurabira omu kwegaita aha kanisa nari kugyezaho kutandika butsya, kureka buzima kwo ori ekihangirwe kisia. Ruhanga naakwata omuntu owa ira kandi weena amwokyeza kimwe, n'Omwoyo Orikwera n'Omuriro, kandi aija We wenka, ayohereza omujwekyerwa waawe. "Tihariho n'omwe orikubaasa kwija Ahariinye Tata yaaba atamwiriize haihi. Kandi boona abu Tata Yampaire baryaija Ahariinye." Mwakyetegyereza? [Abateeraine baagira bati, "Amiina." -Omur.] Puraani niyo emwe; omuringo nigwo gumwe.

73 Sitaane akaba . . . aryaihwa omu nsi, buzima nk'oku Sitaane yaakwihirweho. Sitaane tarikubaasa kuteganisa; niimanyisa, naabaasa kutega, kwonka tarikubaasa kukwata Omukristaayo ozairwe obwa kabiri. Ahakuba, Ruhanga, okuruga obu omusingye gw'ensi gwatebwaho, akamureeba atakabaireho, kandi yaatuma Yesu kumucungura, n'ahabw'ekyo egyo Eshagama neemugambirira. Naabaasa ata kukora ekibi kandi obwo kitarikubaasa kureebwa, nangwa, na Ruhanga? Nangwa Tariku . . . Ekintu kyonka eki Ruhanga arikuhurira n'eiraka ryawe. Naareeba ekirikukujwekyera. Amiina! Ekyo n'amazima. Mwareeba?

74 Okurabira omu buryo nibwo bumwe, ahakuba ensi ni kimwe aha bintu Ebimirimu nk'oku naiwe ori kimwe aha bintu Ebimirimu. Ensi neehinduka kimwe aha bintu Ebimirimu, ahakuba ekaba eri okuteekateeka kwa Ruhanga, omu kutandika. Kutunga ensi, kuba aha Kitebe ky'obukama, kuba Omugabe, kuba Omucunguzi, kuba Omutambi, ebyo n'Ebimirimu.

75 Nk'ekintu ekikurimu. Tindikubaasa kugamba "e-enkondo" ntateekateekire aha nkondo. Tindikubaasa kugamba "omuntu" haza ntateekateekye aha muntu. Kandi ku ndikuteekateeka aha muntu, reero nkagira nti, "omuntu," okuteekateeka n'ekindimu kandi okwatura nikyo kigambo. Mwareeba?

Nka Isaaya, akaba naabaasa ata kugamba, ngu, "Omwishiki oshugaine aryagira enda"? Ekiteekateeko niki?

76 Hati, baingi omuriimwe mwebuuza oku ebintu ebyo, okumanya ebiri omu mitima, kubaho. Naaza kubagambira. Mwareeba, n'ekigambo eki ngamba. Kandi ti kuteekateeka kwangye, 'habw'okuba mba ntarikumanya. Timanya okuteekateeka kwabyo. Nimbaasa nta kukugambira ou ori n'ai orikuruga, kandi obwo ntarikumanya? Nimbaasa nta kukugambira eki waakozire emyaka ikumi ehangwire, kandi obwo ntakakureebaga omu biro by'amagara gangye goona? Nimbaasa nta kukugambira ei oriba n'eki orikwija kukora emyaka ikumi y'omu maisho? Nimmanya nta eby'omu bwire bw'omu maisho? Kureka n'ekiteekateeko ky'ondijo Muntu.

"Mugire ekiteekateeko kiri ekyabaire kiri omuri Kristo. Mugire ekiteekateeko kiri ekyabaire kiri omuri Kristo." Mwareeba, obwo nikuba kutari okuteekateeka kwawe. N'okuteekateeka Kwe, okurabira omuriwe. Kandi nooba otarikugamba ebigambo byawe ahabwawe; nooba noogamba Ebigambo Bye.

77 Okwo nikwo emirundi mingi ab'eishe-emwe baburabuzibwa, aha kushoboorora endimi, n'ebindi. Mwareeba,

bagamba ebintu ebitahikire, tibamanya ngu ego ni Sitaane. Noogira oti, "Omu kibanja kya Ruhanga?" Rinda okuhitsya obu turaaheze, oreebe ku kiraabe kitarikwo, nari ngaaha. Enkyenzi n'engano bikurira omu musiri gumwe. Byombi bikuzibwa omushana gumwe n'enjura emwe. Mwareeba?

"Kwonka omuriimwe ku hariba harimu nabi, Nyowe Mukama ndyagamba nawe. Kandi eki yaagamba kyabaho, obwo ogwo Niinye, mwareeba, 'habw'okuba naaba atarikugamba ebye. Naaba naagamba ebiteekateeko Byangye, Ebindimu by'ebintu ebirikuza kubaho, kandi niinyija kukozesa akanwa ke kubyoreka. Kandi ku ariheza kubigamba, nibiteekwa kubaho. Eiguru n'ensi biryahwaho, kwonka Ekigambo Kyangye tikiriremwa."

Isaaya akagira ati, "Omwishiki oshugaine aryagira enda." Ekyo nikimara. Naija kubaka enda. Eki Ruhanga yaagambire, Akikora.

78 Oo, kumanyisa, okurabira omuri baanabi Be, okweyoreka Kwe kwona, ahabw'okuba n'Ebimurimu by'ebiteekateeko Bye ebyorekirwe.

Hati, kikaba kiri hanu, omu mukazi mukye ogu. Akaba ari kimwe aha Bimurimu. Mwareeba?

Kwonka hakaba hariho omunyamurwa, orikujwekyera Omushana. Akaba yaakyegire omuri Baiburi. Akaba yaayegire ngu Ruhanga ni Ruhanga. Akaba yaayegire ngu oburikwera n'ekintu kirungi. Akaba yaayegire ngu hariho ekiragiro kya Ruhanga. Akaba yaakyegire ahabw'okukwata kw'obwengye bw'obuntu. Kandi akaba yaabaireaza azaariirwe omu ruganda oruhikire; akaba ari Omuleevi. Kwonka akakimanya okurabira omu kwetegyereza kw'obwengye bw'obuntu bwonka. Kwonka Omushana gw'obwire . . . Mwareeba, akakyega okurabira omu kyabairekyaherize kubaho, atari ekyabaire kiriyo nikibaho; ekyabaire kyaherize kubaho! Kandi ku yaamanyire ekyabaire kiriyo nikibaho, ekigombe ky'ediini kye tikyagira eki Kyakigambaho, n'ahabw'ekyo akaba ataine eky'okumujwekyera Aharikyo.

79 Kwonka hanu hakaba hariho Omucunguzi omu nsi obunaku obwo, kucungura ebyo ebyabaire biri omuri Ruhanga, kandi ogwo mukazi yaakyakiira. Tarakibangaaniseho. Akagira ati, "Mesia ku aryaija, aryakora eki," kandi ekyo kyamara. Kandi akakireeba nikikorwa, n'ahabw'ekyo . . . Yaagira ati, "Niinye Mesia," n'ahabw'ekyo ekyo kikamara. Tihaabaho kindi kibuuzo. Atyo ogwo mukazi yaagyenda, naagambira buri omwe, "Ija, oreebe Ou Naabona."

80 Ebintu ebiturabamu ebi bituhindura abashemeire, hekalu y'omwanya Gwe gw'okutuuramu: okwiwhaho orurbanja, okwezibwa, okubatizibwa kw'Omwoyo Orikwnra n'Omuriro. Ekyo nikishemeza hekalu egi (yaitu).

81 N'ahabw'ekyo, nk'oku efureemu y'ensi eya ira etaracwekyereziibwe, amaizi obu omwegyemure gwagishweka; efureemu y'ensi, efureemu eya ira e . . . omucuucu gwona, ebintu byona ebi Ruhanga yaataire omu nsi, tibiriraacwekyereziibwe obu ensi y'okubanza yaacwekyerezibwa. Kwonka Baiburi neegira ngu "ekacwekyerezibwa," kwonka omwegyemure gutacwekyereze efureemu. Gukacwekyereza ekibi n'abasiisi abaabaire bagirimu. Efureemu yo ekagumaho.

82 Kwonka, nimureeba, nk'okwiwhaho orurbanja, nk'oku imwe Ababaputisiti n'Abametsodisiti murikwenda kukiteekateeka, okwiwhaho orurbanja kwonka, okwikiriza n'okubatizibwa, ebyo tibirkumara. Noija kuba ekizengyerezi ogarukire kimwe omu bintu by'ensi, kandi oshare eishokye kandi ojware engoye ngufu munonga, na buri kimwe kyona. Mwareeba, tihariho ekyabaireho. Okafa kureeba enyima reero waamanya ngu okashobya.

83 Okwiwhaho orurbanja kukakora ki ahari ensi? Tihariho na kimwe eki kwagikozireho; ekagaruka yaatandika nk'okubanza ogundi murundi, n'ebibi bingi nk'omurundi gw'okubanza. Okwo nikwo omuntu awaza, kandi aho niho agarukira.

Okwo nikwo omubuurizi rurangaanwa, Billy Graham, ashemereire kukireeba. Akagira ati, "Niinyenda ntunga abantu abajunirwe emitwaro eshatu, naagaruka ahanyima y'omwaka nshanga ntakiine na makumi ashatu." Aho niho baagarukiire. Mwareeba? Kandi, buzima, beeteisa. Niinyikiriza ngu beeteisa; baingi omuribo, nari bamwe omuribo, haakiri. Kwonka ekyo tikyo ekirikwetaagisibwa. Nikikihamya hanu.

84 Hati, n'ahabw'ekyo efureemu eya ira teeracwekyereziibwe n'amaizi. Ensi eya ira ekashwekwa amaizi kwonka. Egyo ekatunga okubatizibwa kwayo. Ekabatizibwa.

Nikwo n'efureemu eya ira eryagumaho, n'obu eryokibwa n'Omuriro. Tiguricwekyereza ensi, mwareeba, guryotsya ekibi ekirimu.

85 Mwetegyereze hanu, bamwe omuriimwe abakugu omu bya Baiburi, okukira munonga Dokita Dale ompangire amaischo. Mureebe omuri Petero, omu shuura ya 2 ya Petero hanu, eshuura ya 3, niimanyisa, naakozesa ekigambo "ensi," nk'ekigambo ky'Orugriika kosmos, ekirikumanyisa, "obuteeka bw'ensi." "Ensi eryahwaho, n'ebintu by'obuhangwa biryayagibwa omuriro mwangi." Mwareeba? Tikirikumanyisa ngu, ensi, enziga y'ensi, neija kuhwaho. Kwonka ekigambo, kosmos, eby'obutegyeki, abasiisi, enkora, ekibi, endwara, obukooko oburikureeta oburwaire, buri kintu ekishobire, nikiza kuhwaho. Buri kintu ekira . . .

Rimwe Ruhanga akatengyetsa eiguru, kwonka omurundi ogu Akagira ngu Naija kutengyetsa ensi, eiguru n'ensi . . . "Akatengyetsa ensi," niimanyisa, "mbwenu omurundi ogu Naija kutengyetsa eiguru." Mwareeba?

“Ahakuba nitutunga Obukama obutarikubaasa kutengyetsibwa.” “N'Obukama Obutahwaho. Mwetegyereze oku arikukigambaho.

86 Mwetegyereze hanu, Petero akagira ati, “Kandi biryayagibwa omuriro mwingi, kandi n'emirimo yaamwo eryayokibwa,” atari enziga y'ensi. “Emirimo yaamwo,” emirimo y'abantu, ab'ebi'obutegyeki baabo boona na zaapuraani zaabo, n'ebigombe byabo by'amadiini na zaapuraani z'abantu, byona biryakumbagarira hamwe ku erisya.

87 “Kandi-kandi eiguru riryarugaho n'okuhinda kuhango.” Mwayetegyereza hanu? “Eiguru riryarugaho n'okuhinda kuhango.” Muhurikize! Ensi yoona eryakwatwa omuriro esye, kandi orwoya rw'omu itaka rukwatwe omuriro reero gugibarure. Nikyo ekyo buzima. Gamba . . . Hanu Baiburi ekagira, Petero akagira ngu, “Kandi eiguru riryarugaho, hamwe n'ensi, n'okuhinda kuhango.” Okubaruka kw'amaani nk'okwo kuryagizongazyonzya, oo, mugyenzi, 'habw'okuba nikuteekwa kwita buri ndwara, buri itoojo, buri ihwa. Buri kintu ekirimu n'eky'okukorwa, Omuriro guryagyokyeza kimwe. Kandi, mwijukye, ti muriro gw'obutoosha kwonka, nabwo n'Omuriro ogurikwera, mwareeba, ogurikwija kwihamo Sitaane na baadaimoni be boona, boona. “Byombi eiguru n'ensi,” amiina, “biryahwaho,” kwitira kimwe obukooko oburikureeta endwara, n'obukooko bwona, amagara g'obuhangwa agagiriho n'agagyeinguririize, nangwa na H₂O (amaizi) garyabaruka. Kiteekateekyeho. Gamba aha kuhinda!

88 Nimugira ngu okuhinda kukye okwo aheeru hanu omuri Tucson kukaba okw'amaani, ku Yaabambwire Obumanyiso mukaaga, okwatengyeise hoonahoona omu ihanga, kukatuma baagamba. Mutegyereze okuhitsya obu ensi egi eraatungye okubatizibwa kwayo!

Nimumanya, omuntu ku atunga okubatizibwa kw'Omuriro, habaho orwari rwingi okwetooroora aho. Bateekateeka ngu ekyo n'okushwara, kuhurira abantu nibateera orwari kandi nibagambira ahaiguru nka batyo. Mutegyereze okuhitsya obu ensi egi eraatungye okubatizibwa kwayo!

Yee, kiriyashoboorora . . . kiriyagibarura, H₂O, amaizi, ahakuba Baiburi hanu omu kitabo ky'Okushuuuruwa 21 ekagira ngu, “enyanja ekaba etakiraho,” kiriyagibarura. Eki nikiza kuhindura endeebeka y'ensi yoona. Neija kushandaara kandi ebarukye ebe obucwekacweka. Aheeru hoona, ekicweka ky'eitaka ky'ahaiguru y'ensi, n'okuhikira kimwe omunda yaayo zaafuuti amagana n'amagana, nihaija kushenyagurirwa kimwe. Akaabunga, orwoya oruri omunda y'ensi hati, ahu barikushanga ngu ebikompora ebi tibikaabaasa kurabamu, omwanya muhango eruguru omunda okwo, eruguru munonga nk'omu mwanya aharikushangwa emiringo yoona y'orwoya, oku barikugira; kandi orwo ruryabaruka. Ekiniga kya Ruhanga ekirikwera kiriyajijaho, mwareeba, kandi kigishemeze, kiryahindura endeebeka yaayo y'ahaiguru.

89 Hati, baangi omuriimwe abarikwenda kuhandiika ekigambo eki, ekigambo ky'Orugriika, “okurugaho.” Nikiruga omu kigambo . . . Mbaire ninteekwa kukisherura. Naateekateekire nti, “Ensi egi neija kurugaho eta, kandi kunu nituza kugituraho?” Kwonka ku muraayetegyereze, bamwe omuriimwe abarikwenda kukihamdiika, naaza kukibagaiturira. Tindikubaasa kukyatura, p-a-r-e-r-e-c-h-o-m-i-a. Tindikumanya kukyatura.

Hati, omu muringo ogwo, nk'oku ngambire, ku ndiku . . . Okushukwaho kunyijaho ahaw'bekintu nanka, obwo ngaruka enyima kusherura ekyo kigambo. Hati, hanu, tindikubaasa kugamba enyuguta eziri omu kigambo eki, niimanyisa ngu ti-tindikubaasa kukyatura. Kwonka, omuri ekyo, nabwo Mukama anteereireho omuhanda. Nygyenda nsherura amakuru g'ekyo kigambo, bwanyima ngatunga. Mwareeba? Reero ngatunga, omurundi ogundi. Mwareeba?

Eiguru n'ensi biryarugaho, hati, ekigambo eki nikimanyisa, “okuruga omu buteeka bumwe kuza omu bundi.” Tikirikumanyisa “okucwekyereza okamariraho kimwe,” nk'oku ekigambo ky'Orungyereza kyakumanyisa, kurugaho, n'okucwekyerezibwa kimwe. Kwonka ekigambo ky'Oruheburaayo, niimanyisa Orugriika hanu, tikirikumanyisa kurugaho; nikimanyisa, “okuruga omu buteeka bumwe kuza omu bundi.” Mureebe, kwonka, “okuruga omu mbeera emwe,” nikwo kirikugira, “ekahinduka endiijo.”

90 Hati mwetegyereze, Paulo akakikozesa, ku muraabe nimwenda kukishoma hati. Mukihandiikye, nimubaasa kukishoma omu bwire obundi. Omuri Tito 3:5, Paulo naakozesa ekigambo nikyo kimwe eki, nikimanyisa omuntu kuhindurwa musya, omuntu ogwo ahindukire yaaruga omu kuba omusiisi yaahinduka orikwera, kutari okucwekyerera kimwe. Omuntu ku arikuhindurwa, aba atacwekyereire, kureka aba omuntu ohindwirwe. Aba ahindwirwe okuruga omu ki yaabaire ari kuba eki ari hati, kutari okucwekyerera akahwaho.

91 Yesu akakozesa ekigambo nikyo kimwe omuri Matayo 19:28; hati, atari 28:19. Hati, 19:28, Akabagambira ati, “Muryashutama Naanye omu Bukama bwa Tata, ebintu obu birihindukiram bisya,” mwareeba, “kuhindurwa,” waahindurwa. Akakozesa ekigambo nikyo kimwe.

Kandi Akakozesa ekigambo nikyo kimwe obu yaagamba, aha mwana gw'endogoya, ati, “Mutsibure omwana gw'endogoya mugurekye gugyende.”

Akagamba ekintu nikyo kimwe aha kuzooka kwa Laazaaro, “Mumukomorore! Mumuhindure! Atwire akomirwe; mumurekye agyende!”

Nikimanyisa ki? Ensi neija kukomororwa erugye omu bukwatwa bwa Sitaane. Eryakomororwa. Eryakomororwa erugye omu by'obutegyeki, eryakomororwa erugye omu ntwaza y'ebigombe by'amadiini; kugira ngu ekozesibwe ahabw'Obukama bwa Ruhanga, kubuhamba hanu omu nsi. Kwonka obwire bwona yaaba eri omu mikono ya Sitaane, eby'obutegyeki . . . Sitaane omutegyeki w'ensi, n'eye; ekaba eri eye, kwonka hati Kristo agicungwire.

92 Rimwe, nkaba ndi owe, kwonka ti hati. Rimwe, ogwo mukazi mukye akaba ari owe, kwonka ti hati. Mwareeba, Akaija kukomorora okuruga omu bukwatwa bwe. Akabohorora obukwatwa bw'ekibi, obwa Sitaane, aha magara gangye, aha magara gaawe, mbwenu hati tituri abe.

Mukira kumpurira omu kushaba, ningira nti, "rekura omuntu wa Ruhanga"? Mwareeba? Amiina! Gira okwikiriza kw'okushabisa obushoboorozi ebyawé. Obwo n'obugabe bwawe. "Rekura omukazi ogu! Rekura omushaija ogu!" Mwareeba, okwikiriza nikukikora. Oo, mugyenzi! Ti kucwekyerereza kimwe, kureka, ni, "Kirekure," kukikomorora, kukireka kikagyenda, kukiihaho. Nikihinduka.

Ensi eryahinduka. Eby'obutegyeki biryahinduka. Ediini ziryahinduka. Ebigombe by'amadiini biryahwaho. Eby'obutegyeki biryahwaho. Obukama bwa Ruhanga buryahamibwa.

93 Nitushoma omuri Yohaana, tushoma omuri Yohaana omu Kushuuruurwa 6:14, mwareeba, "ryaihwaho nk'oku omuzingo gw'ekitabo guzingwa." Baiburi ekagira ngu . . . ngu ri . . . Yohaana akagira ngu, "nkareeba eiguru n'ensi byaihwaho nk'oku omuzingo gw'ekitabo guzingwa." Yohaana, Okushuuruurwa 6:14.

Yesu akagira ngu, "Eiguru n'ensi biryahwaho," nari, omu bindi bigambo, "eiguru n'ensi biryahindurwa." Mwareeba, akakozesa ekigambo nikyo kimwe aho ogundi murundi.

Ngaaha, t'okucwekyerezibwa kimwe. Ahakuba, bwanyima, omu Kushuuruurwa 21:2 okuhika ahari 24, akareeba Yerusalem Orusya niruruga omu Iguru ahari Ruhanga, kandi rwaija omu nsi egi. Tikirikumanyisa ngu eryacwekyerezibwa. Entwaza ziryahindurwa.

94 Danieli akareeba ekintu nikyo kimwe. Eibaare rikateera ensi, ritahigwirwe muntu; kandi ekishushani kyona ky'entwaza kyayatagurikira kimwe, kyahinduka nk'omweziga gw'aha ihuuriro omu kyanda, omuyaga gwabituntumura. Kandi eryo Ibaare, Ryonyini, ryahinduka Orushozi ruhango munonga rwamara ensi. Mwetegyereze orwo Rushozi hati, omu kaanya kakye. Orwo Rushozi rukamara ensi.

Nabwo, nitushanga hanu ngu, hanu, kuri omu Kushuuruurwa, kikagira ngu, "Abagabe b'Ensi Ensyia baryarureetamu ekitiinisa n'eifubo ryabo." Omu nsi, eri . . . Yerusalem Ensyia eryaba aha nsi egi. Mwareeba, eryahindurwa kwonka.

95 Okiri omushaija niwe omwe ori, ekyemerero, nk'oku waabaire ori obu Ruhanga yaakweta, omukazi niwe omwe ori. Kwonka, nooreeba, eki kyakozire, kukaba okuhindurwa busya. Amagara aga ira gakahwaho. Okwetenga okwa ira kukahwaho. Buri, okaba okunda kunywa, kandi okozesa orurimi orugubire, kandi oteera empaka, ogira enaku, kandi ori ekizengyerezi, kandi ori ow'emicwe mibi, ekintu ekyo kikafa. Mwareeba? Kwonka hati omayiri . . . Buri okaba ori ekikozeso kya Sitaane; hati ocungwirwe.

Kandi okwo nikwo ensi eriba, omuringo nigwo gumwe, ecungwirwe, Eiguru Erisya n'Ensi Ensyia.

Nkaiwe, "Ori ekihangirwe kisya." Kandi ekigambo ky'Orugriika aho, buri omwe naamanya, nikigira kit, "Ori ekihangirwe kisya." Amiina! Ekihangirwe kisya omu rusiisira orwa ira. Haleluya. Yetegyereze ekirikubaho hanu hati. N'eky'ekitiinisa! Ni kirungi.

96 Hati nitushanga ngu ensi egi neija kubamu abagabe b'ensi.

Kandi, ogundi murundi, omuri Matayo 5:5, Yesu akagira ati, "Abacureezi baryahungura ensi." Tikuza, kwija kugira endijo nsi. Neija kuba eri ensi niyo emwe. Ningyezaho kubooreka puraani y'o-y'obucunguzi, kareho, ku ndaabe ntabaasize kutunga ekindi kintu kyona, mwareeba. Okubatizibwa kw'Omuriro, ahariyo, n'okw'okugischemeza n'okutuma yaaba omwanya murungi gw'abacureezi Be kutuuramu. Mwareeba? Oo!

Nk'oku yaatukozire, ebihangirwe Bye, kutuuramu. Atakabaasize kutaahamu, akaba Naateekwa kutuha okubatizibwa kw'Omuriro. Reero, waatunga okubatizibwa kw'Omuriro, obwo Omwoyo Orikwera naabaasa kutaahamu. Enki? Nk'oku Arikukora, Naayokyeza kimwe buri kintu kyona ekirikuhakanisa Ekigambo, kihwa omuriwe. Mwareeba? Tarikwija kwikiriza ekindi kyona kureka Ekigambo, ahabw'okuba n'Ekigambo. Mwareeba? Mwareeba? Mwareeba?

97 Hati, ekyo nikyo tubaire nitugambaho ekiro kiri, akamanyiso k'Omwoyo Orikwera. Mwareeba? Akamanyiso k'Omwoyo Orikwera n'obu orikubaasa kwakiira Ekigambo; atari entwaza, kureka kugira okwetegyereza gye. Noomanya ota ngu Ekigambo kihikire, Okakyetegyereza? Kireebe oku Kirikweyoreka.

Noogira oti, "Mpaho, nindeeba eki nikikikora, na kiri." Oo, eego, omwata nagwo gutwaza gutyo. Mwareeba?

Kwonka nikiteekwa kuba Ekigambo kyona. Kuba Omugore, nooteekwa kuba orugingo Rwe. Niwe Kigambo.

Mwareeba? Beitu ni rusingo ki Rwe? Ekigambo ekyaragaanisiibwe ahaw'b'ebiro ebi obu Arikweta omugore We. Ba ekicweka kyakyo. Mwakyetegyereza? Hati, ekyo mu-mutakyebwa hati. Mureebe.

Kandi Naaguhindura omwanya murungi gw'okutuuramu omu Butahwaho bwona.

98 Mwetegyereze, eki tikigambirweho . . . Okutegyeka kwa Kristo, kw'emyaka rukumi, teri Ensi Ensy. Mwareeba, Okutegyeka kwa Kristo kw'emyaka rukumi n'okundi kutegyeka. Okwo nikwo turikuzamu, Okutegyeka kwa Kristo kw'emyaka rukumi, kwonka teri Ensi Ensy, n'Eiguru Erisya. Ngaaha, ngaaha. Ogwo n'omwanya gw'okuruhukiramku kusha, mwareeba, obwire bw'okuruhuuka, ti Eiguru Erisya n'Ensi Ensy na kakye; ahakuba, nimureeba, omu Kutegyeka kwa Kristo kw'Emyaka rukumi turyaba twine ebintu ebitarikubaasa Kutaahayo. N'ekirikushushanisa ky'ekiro kya mushanju ekyira, okuruga Edeni; ekiro kya mushanju, ahanyima Ye kuhanga ensi. Ekiro kya mushanju, Akahuumura omuri Edeni, n'omu Kutegyeka kwa Kristo kw'emyaka rukumi.

99 Mwareeba, ensi hati eri hahi kuhitsya emyaka enkumi mukaaga, y'obukuru. Mwareeba? Ahanyima ya buri myaka enkumi ibiri egira o-okucwekyerera. Mwareeba?

Emyaka enkumi ibiri y'okubanza, omwegyemure gukaija, kandi Akagibatiza (naki?) amaizi.

Emyaka enkumi ibiri eyaakuratsireho, Yesu akaija kugyeza n'okugyegarurira, yaagisheeshaho Eshagama Ye, yaagyeta Eye. Ni kirungi.

"Ndyagaruka ogundi murundi," ahaa, hati nk'Omugabe ari n'Omugabekazi We, kandi endijo myaka enkumi ibiri erikukurataho (Naakora ki?) Naija aha obwire Bwe bw'okuhuumura.

Bwanyima agyokyeza kimwe, agyegarurira ahaw'b'Abe; agaruka Agitamu Abe.

Kandi mwetegyereze, teri ensi ehikiriire, Okutegyeka kwa Kristo kw'emyaka rukumi oku, n'ekirikushushanisa ekiro kya mushanju. Reero hakurataho Ekitebe ky'Obukama Ekirikwera ky'Okucweraho emanja. Mwareeba, tukiineyo okucwerwa orubanja. Tukiri omu bwire, omu Kutegyeka kwa Kristo kw'emyaka rukumi. N'ekiro, emyaka rukumi. Hakiriho okubara obwire. Ti, ekyo mutakijwanzya n'Ensi Ensy, hati, 'habw'okuba tiyo.

100 Noobaasa kungambira eki. Hati niinyehuriramu oti shana omuntu naabaasa kungambira eki, ngu, "Hati, Ow'eishe-emwe Branham, waaza kukora ki hati? Zaamushanju zaawe eziwire zaakuhwaho. Waaza kukora ki hati? Hati, n'oikiririza omu busingye." Nikyo, ndi. Niinyikiriza ngu na Ruhanga nawe, nikwo ari. Mureebe, mwetegyereze. "Eby'obusingye ebirikushushanisa eby'obusingye byawe byakuhwaho. Ahakuba, ku oraabe nooza kuta ekintu aheeru y'ekyo kiro kya mushanju, nooza kukitunga ota? Nootoora nkahi hati?"

Ni kirungi, ka ngire eki naaboreka, mwareeba. Mwareeba? Ngaaha, tikwo kyambaho, obusingye, tibukampweireho. Nyine ekindi Kyahandiikirwe hanu. Kandi, mwijukye, byona biine kuhikiirira, Ebyahandiikirwe byona. Mwareeba?

101 Hati noogira oti, "Ow'eishe-emwe Branham, noogyezaho kureeta ekintu ekirengire hare munonga ekiro kya mushanju, ekyo kiro kya mushanju-sabato."

Nk'oku Ruhanga yaahangire ensi kandi akakora ebiro mukaaga, akaruhuuka aha kya mushanju, kukaba kuri okushushanisa obwire kwonka, obwire. Kwonka naaheza kugamba hanu, nituhinduka Abatahwaho.

"Mbweni ekirikushushanisa kyawe kirahi hati? Ogizire ngu ori orikushushanisa. Mbweni, iwe, ebirikushushanisa byakuhwaho hati." Ngaaha, tibyampwaho. Ka tureebe yaaba tubiine.

102 Ka tuze omu kitabo ky'Abaleevi, enyima omu shuura ya 23 y'ekitabo ky'Abaleevi. Hati niinyenda ngu mwetegyereze omu kitabo ky'Abaleevi, ei tubaire turi Sande ehweire, niimanyisa ehe . . . Eki nikyo ekimpaire ekyo kiteekateeko, hanu honyini. Eshuura ya 23 y'ekitabo ky'Abaleevi, n'omushororongo gwa 26.

Hati mwijukye, hariho ebiro mushanju by'amagyenyi. Obugyeniyi bw'enzamba, obugyeniyi bw'e-bw'ensiisira, obugyeniyi bw'okuzongazyonza ekiba, e . . . Ebi byona, hariho ebiro by'amagyenyi makuru mushanju, ebyo bikaba nibishushanisa kwonka Obusingye Mushanju bw'Ekanisa. Kandi nimwijuka omubaro gwa sabato ogwabaire guri rwagati yaabwo? Mwareeba, sabato mushanju rwagati ya pentekoote n'enzamba, nibwo Busingye Mushanju bw'Ekanisa. Kandi hakaba hariho ebiro mushanju by'amagyenyi, ebyabaire nibishushanisa Obusingye Mushanju bw'Ekanisa. Reka enamba zaawe zigumizemu.

103 Oti, "Mbweni, hati, Ow'eishe-emwe Branham, waarengutuka. Oine mushanju zaawe."

Kare, ka tukwate obugyeniyi bw'aha muheru, nibwo bugyeniyi bw'orusiisira. Hati mwetegyereze hanu omu mushororongo gwa 36.

Muryaguma nimureeta emponganano y'okuhongyera MUKAMA y'okwotsya omu muriro okumara ebiro mushanju; aha kiro kya munaana-aha kiro kya munaana muryagira okuteerana okurikwera, (hakiriyo obundi bwire oburikwera omu maisho) . . . muryagira okuteerana okurikwera, mureete emponganano y'okuhongyera MUKAMA y'okwotsya omu muriro; eryo izooba n'ery'okuteerana okurikwera; mutaririkoreraho omurimo gwona ogurikurusya.

Hati twine “ekiro kya munaana.” Hati, hariho ebilo mushanju byonka, kwonka hanu nitugamba aha “kiro kya munaana,” okuteerana okurikwera, okuteerana. Mwetegyereze, “Mutaririkoreraho omurimo.” Ekiro kya munaana, ni (niki?) nooba waagaruka aha kiro ky’okubanza. Ahabw’enki, nikigamba aha Butahwaho, bwaba nibwetooroora butaine mwanya gw’okwemereramu. Amiina. Mwakireeba? [Abateeraine baagira bati, “Amiina.” - Omur.]

104 Mureebe, nabwo n’aha kiro eki kya munaana. Eizooba ry’aha muheru, eizooba ry’obugyenyi bw’orusiisira, mureebe ahanyima y’ekyo, ahanyima y’ekiro ky’aha muheru ky’obugyenyi, ahanyima y’Obusingye bw’Ekanisa, ahanyima y’ebiro by’aha muheru mushanju ebiijwire omu nsi, ahanyima y’Okutegyeka kwa Kristo kw’emyaka rukumi, nibwo Okuteerana Okurikwera oku kurikubaho.

Mwijukye, obu n’obugyenyi bw’ensiisira, ensiisira, “emyanya y’okuteeraniram.” Amiina! Nkahi, “Omukutegyeka kwa Kristo kw’emyaka rukumi,” Baiburi neegira ngu, “baryayombeka amaju; bagatuuremu.”

Kwonka omu Nsi Ensyia, Akaheza kugyenda n’okutebeekanisa omwanya. Gwombekirwe. Titwine kakwate n’okugwombeka. Amiina. Ogutahwaho! Oo, ninkunda ekyo Kigambo! Mugyenzi! Okuteerana Okurikwera, eizooba rya munaana. Kandi, n’ebiro mushanju byonka. Reero aha izooba rya munaana, n’okugaruka aha izooba ry’okubanza ogundi murundi, n’okugarukira kimwe aha izooba ry’okubanza, eizooba rya munaana n’Okuteerana Okuri- . . . Okuteerana.

105 Mwetegyereze, ebilo mushanju, biine akakwate n’okuhangwa okwa ira, obwire bw’ensi. Ebilo mushanju, okwo n’Okutegyeka kwa Kristo kw’emyaka rukumi, eizooba ry’okuhumura. Nk’oku Ruhanga yaakozire ebilo mukaaga, akahuumura aha kya mushanju; Ekanisa n’ekora ebilo mukaaga, reero ehuumura aha kya mushanju, kwonka nabwo nooba okiri omu bwire. Tindikugamba aha Butahwaho.

Kwonka, nimureeba, tihariho ekintu nk’ebiro munaana; noogaruka aha izooba ry’okubanza ogundi murundi, mwareeba, eizooba ry’okubanza.

106 Sabato neegamba aha biragiro ebya ira, ebyabaire biri eby’okuhwaho. Okurinda sabato, “eyahweireho,” nari, nk’oku naagamba, “ekahinduka.” Terahweireho; ekahinduka yaareka kuba nk’oku yaabaire eri omu biragiro ebya ira, eby’okurinda ekiro nanka kya wiiki.

Isaaya, eshuura ya 19, nihagira hati, niinyikiriza ni 28:19, nihagira hati, “Ekiragiro nikiteekwa kuba aha kiragiro; aha kakye, na hariya kakye.” “Muhamire aha mazima.” “Ahakuba abantu aba Ndyabagambira okurabira omu bantu b’eminwa erikuhebeba n’ezindi ndimi. Kandi oku nikwo kuruhuuka.” Mwareeba?

Nootaaha omu Magara, kutari okurinda ekiro nari ekicuucu. Paulo akagira, hanu eruguru omu kitabo ky’Abaheburaayo eshuura ya kana. “Nimweza ebilo n’ebicuucu, n’ebintu nka batyo; nyine obwoba ahawb’obumanyi bwanyu.” Mwareeba, titutaaha omu biro nanka n’emitwarize. “Mukaruga omu kufa mwataaha omu Magara Agatahwaho,” atari ebilo n’obunaku. Mukataaha omu Butahwaho. Okwo n’okuteerana okurikwe- . . . okuteerana, niimanyisa okuteerana.

107 Ebilo mushanju, mureebe, ebi “ririkuhwaho,” nari, nk’oku ngambire, ebirikwija “kuhinduka.” Ebilo munaana biine akakwate n’okuhangwa kusya, mwareeba, atari okuhangwa okwa ira. Ebilo munaana n’okuhangwa kusya.

Ahakuba, n’aha kiro kya munaana obu Mukama waitu yaazooka omu bafu. Nkukwo okuteerana kwawe okundi, oburikwera; atari okuta omutima ahari zaasabato, na kakye, nari obugyenyi bw’ensiisira, obugyenyi bw’eki, n’obugeniyi bwa pentekoote. Yesu akazooka omu bafu, kugira ngu twihweho orubanja, aha kiro kya munaana. Ahanyima ya sabato mushanju, nari ebilo mushanju, Obusingye Mushanju bw’Ekanisa, Yesu akazooka omu bafu. Ekiro kya munaana, nikwo kuteerana okurikwera, mwareeba, nikyo kiro ky’okubanza.

Mwareeba, waaheza, kuraba omu bwire, waataaha omu Butahwaho ogundi murundi; kutari okurinda ebilo, n’okurinda zaasabato; n’ameezi, n’ebintu nk’ebyo. “Kureka waaherize kurabamu,” embeera yaawe yaaherize kuhindurwa; kutari okucwekyerezibwa. Ekitiinisa! “Kureka aherize kuruga omu kufa yaataaha omu Magara Agatahwaho.” Oo, ebi Baiburi etwegyesa! Mwareeba, kuruga omu muringo gumwe kuza omu gundi. Mwareeba?

108 Ni kirungi, “okuruga,” sabato eya ira ehweireho. Yesu akazooka aha kiro kya munaana. Eyo kikaba kiri ekiro kikuru, ekirikwera. Kandi kikaba kitari ekiro; ‘habw’okuba ekiro, obunaku, bukaba bwaherize kuhwa. Bukaba bwaherize kutaaha omu Butahwaho. Mwareeba, bukagarukira kimwe enyima aha izooba ry’okubanza ogundi murundi. Mwareeba?

Obutahwaho ni nk’e-empeta. Torikubaasa kubona ekoona ahariyo. Torikubaasa kubona omwanya ahu erikugarukira omu nziga eyekuringiriire kimwe. Noogumizamu ogumizamu. Tindikufayo oku orikugumizamu munonga, nabwo nooba n’okigumizamu. Noobaasa kutandika kwetooroora oti; orabe omu kishengye, orabe omu nsi, orengye ensi, nabwo nooba nooki- . . . [Omwanya oguriho busha aha rutambi rw’amaraka -Omur.]

Ebintu byona ebyahangirwe aha nsi hanu, bikashiishwa, tibirahangirwe, Sitaane, birtyahwaho ekide ky’ezabu kikuru ku kiriteerwa n’Enzamba ekagamba.

Kandi enyima seeri kuri aha kutandika, ahu enkondo y’okukomaho yaakozirwe omuri Edeni, obu omuntu

yaija omu nsi kandi akagwa, omwana gw'entama mukye gukasheesa eshagama yaagwo, ekyamanyisize ngu Omwana gw'entama mukuru gukaba nigwija kusheesa Eshagama Yaagwo. Karivaariyo ekaimutsya omusharaba, ogwakomire Endagaano eya Ira; ahari abo abahirweho orubanja, abaabaire Nibamusherura. Kandi omu busingye obu busya, aha Kwija kwa Mukama, omu Nsi Ensy, omugoye gw'okujunwa (Eshagama, Amaani agarikucungura agu ndikugambaho, kandi okurabira omu ntawaza niyo emwe acungwire byombi abantu n'ensi) nigwija kugaruka guze ahaiguru omu Butahwaho ogundi murundi. Kandi Enyanja y'Omuriro neija kwokyeza kimwe ebintu byona ebitarikutiina Ruhanga hamwe n'abataratoorainwe ira batakabaireho Kuzayo. Nimukireeba?

109 Mwetegyereze, ekiro kya munaana, Yesu akazooka ahabw'okutwhaho orubanja. Omugabe Otahwaho, n'Obukama Obutahwaho kubatizibwa kutaahamu, omu Magara Agatahwaho. Ti biro mushanju; kikaba kitaine kakwate n'ebindi biro byona. Nikigamba aha kundi, okwija, kw'Obutahwaho; kugamba aha bwire Obutahwaho, Ensi ei ndikugambaho.

110 Kandi, mwetegyereze, ahanyima y'ebiro makumi ataano, nari sabato mushanju okrugah aho, ogundi murundi hakabaho okundi kuteerana okurikwera. N'enki ekyabaireho? Omwoyo Orirkwera akaija aha Kiro kya Pentekoote, aha kiro kya mushanju . . . Nari, ekiro kya munaana, niimanyisa, ekiro kya munaana, akaija aha kiro kya munaana. N'ahanyima ya sabato mushanju, buzima, ahanyima y'okuzooka Kwe, mwareeba; n'ahabw'ekyo kikaaba emirundi mushanju ogundi murundi, kukigarura aha kiro ky'okubanza omu wiiki ogundi murundi, buzima kwo. Mwareeba?

111 Nkukwo okuteerana okurikwera kwawe, kutaine kakwate n'ebintu ebiriho. Kirengire ekyo. N'okutaaha omu Bukama bwa Ruhanga, n'Amagara Agatahwaho, n'abamanyirwe ira batakabaireho abatakagiraga obutandikiro. Tigaratandikiire aha kiro nanka. Torajunirwe aha kiro nanka. Otuura ojunirwe. Amiina. Yesu akaija kujuna ekyo; kwonka okaba ojunirwe, okrugah omu kutandika, ahabw'okuba okaba oine Amagara Agatahwaho, okubanza kwa byona.

112 Ekyenyanja ky'enjunguri tikirikubaasa kuhindukamu emamba, nari akayamba. Nikibaasa kuba kiri omu maizi nigo gamwe nakyo, kwonka ekaba, omu kutandika, eri enjunguri. Akatimba kakagikwata kwonka, mwareeba, kwonka okrugah omu kutandika ekaba eriyo. Nkikyo aho ekyo . . .

Hati, titukarugire omu busingye. Twaburugiremu? Tukiri omu Byahandiikirwe byonyini. Bwanyima y'ebiro makumi ataano, yaija.

113 Mwareeba, ekyo munaana tikirikubaasa kubarirwa omu wiiki. Mwareeba, tikirikubaasa kubarirwamu, ebiro munaana omu wiiki. Torikubaasa kukikora, mwareeba, ahabbw'okuba hariho ebiro mushanju byonka omu wiiki. Bibare omu muringo gwona ogu orikwenda. Sande n'ekiro ky'okubanza omu wiki. Mwareeba, noobara mushanju, bwanyima noogaruka enyima kandi otandika ogundi murundi. Bara mushanju, ogarukyemu ogundi murundi. Mwareeba?

114 Kandi tukatuura omu birikushushanisa ebi byona hanu, kwonka, waahika aha kya munaana, noogumizamu otaaha omu Butahwaho. Torikureetwa omu biragiro, n'emigienzo, n'emikoro. Oija okurabira omu kutooranwa ira otakabaireho. Amiina! Hariho okuteerana okurikwera, kw'amazima! Mwareeba? Kandi nituhendera obusingye mushanju bw'ekanisa, obusingye bw'ekanisa, obusingye bwa Pentekoote. Mwakireeba? Nitutaaha omu kuteerana okwo okurikwera. Nitutaaha omu Butahwaho obwo, oburiho, bw'amazima, ahu Ekanisa eyetsirwe; atari aha kitensheni nanka, ekigombe ky'ediini nanka, kureka omu Butahwaho n'Omugabe waabo Otahwaho. Mwareeba? Titubiine na kakye, tihariho ekintu nk'ebiro, n'ebintu, n'obunaku. Waaherize kutaaha omu Butahwaho, ei waarugire. Okaba oriyo, okubanza kwa byona. Mwareeba?

115 Ku oraabe oine Amagara Agatahwaho, hariho omuringo gumwe gwonka, ogwo ni Ruhanga, kandi iwe ori ekimurimu ekyorekirwe. Mwareeba? Ku oraabe . . . Ku oraabe otari oku ori, torikwija kubayo, oku biri kwona. "Tihariho n'omwe orikubaasa kwija Ahariinye Tata yaaba atamwiriize haihi." Mwareeba? Eki, "kuhwaho," ebintu ebi byona ebya ira; kwonka Ebintu ebi tibihwaho, n'ahabw'ekyo nikigamba aha Butahwaho, Omwoyo Orirkwera n'Otahwaho. Reero, ori omu Butahwaho ahu waabaire otuura obwire bwona, kureka nibwo oherize kumanya ekyabaireho.

Mwareeba, okahangirwa ekigyendererwa Ekitahwaho, ahabw'okuba okaba o-ori okworekwa kw'ekyabaire kiri omuri Ruhanga, owaakuteekateekireho kandi akakworeka; kandi akakora ensi y'okukwihamu, n'okukukoramu omuntu. Kwonka ekibi kyataahamu kyashiisha omuhanda Gwe. Okabaho, oku biri kwona, kwonka okabura n'ensi. N'ahabw'ekyo Akaija yaakucungura, ekyabaire kimurimu kyorekirwe, kandi nabwo naacungura ensi egi omu buryo nibwo bumwe. Reero, ekigyendererwa Kye nikigumizamu. Mwareeba? Oo! Haleluya! Oo, ekyo nikindeetera kwehurira kurungi munonga, kuteekateeka ebiri omu maisho!

116 Hati, omu kitabo ky'Abaefeso 1:10, nikyetwa . . . Hati ku muraabe nimukihandiika, Abaefeso 1:10, nikyetwa, ti busingye, ti kiro kya mushanju. Nikyetwa, "Okuhikira kimwe kw'obunaku." Kandi "obunaku ku burihikira kimwe," obwo nibwo obwire buriba bwahikiirira. Haaba hatakirih obwire, obwo nootaaha omu Butahwaho, obusingye mushanju bw'ekanisa ku buriheza kuhwaho, kandi ni; obusingye bwa Luteeri buhweireho, obusingye bw'Abametsodisiti buhweireho, obusingye bw'Abapentekoote buhweireho. Mbwenu hati nootaaha omuri (ki?) Obutahwaho; tihakiriho zaamushanju, tihakiriho zaishatu, tihakiriho ezindi. Bari omu Butahwaho, ei hataba okubara enamba z'obwire, n'obunaku, n'ebindi. Amiina! Oo, mugyenzi! Waakireeba hati?

117 Nari, ahanyima y'okuhikiirira kw'obwire, ekibi kyona kihweire, kiihirweho, omu Kutegyeka kwa Kristo kw'emyaka rukumi, aha Kitebe kikuru Ekirikwera ky'Okucweraho emanja. (Ekirikushushanisa, ahabw'Omwoyo Orikwera.) Bwanyima y'ensi kwokibwa n'omuriro n'okubatizibwa, okubatizibwa kwayo n'Omuriro ogurikwera okuruga omu Iguru; ekibi kyona kiryaba kitakiriho, obukooko oburikureeta endwara buryaba butakiriho, baadaimoni boona baryaba batakiriho, okutegwa okurikuruga ahari baadaimoni kuryaba kutakiriho, obubi bwona buryaba butakiriho. (Shushanisa hati.) Obwo Ruhanga naakora ki? Naabaasa kushutama omu nsi, mwareeba, ahabw'okuba ekibi kyona kiryaba kitakiriho.

118 Nikyo kintu kimwe eki Arikukora Yaakuha okubatizibwa kw'Omwoyo Orikwera n'Omuriro. Naabaasa kwija atuure naiwe, kandi nitubaasa kushutama omu myanya y'omu Iguru omuri Kristo Yesu, ahabw'okuba tushangirwe turi Omuriwe. Ti "turyaba." Hati tushutami omuri Kristo Yesu. Nitukitaahamu tutu? Okurabira omu kubatizibwa kumwe kw'Omwoyo Orikwera. "Okurabira omu Mwoyo omwe twena tubatizibwa kutaaha omuri Kristo," eki, nikwo turi hati. Ti "turyaba" omuri Kristo; turimu! Niwe Mugabe mukuru ow'omwoyo orikutegyeka Omwoyo ori omuriitwe, ahabw'okuba tukaba turi Omuriwe omu kutandika.

119 Mwareeba, Ruhanga, omu kutandika, ku Yaakuteekateekireho kandi akateekateeka n'aha bandi nka batyo, Akeeteekateekaho nk'orikubaasa kukwatwaho n'engaro. Ebyo bikaba biri ebiteekateeko Bye. Mwareeba? N'ahabw'ekyo, Akooureka ebiteekateeko Bye okurabira omu Kigambo. Akagira ati, "Habeho." "Habeho," kandi kyabaho. "Habeho," kandi kyabaho.

Bwanyima, ahanyima yakaire kakye, Yaaguma nagamba ati "habeho," okuhitsya obu abantu baagambire, ekiro kimwe ngu, "Ruhanga arekye kugamba!"

Yaagira ati, "Hati Niinyija kugamba nabo okurabira omuri nabi." Mwareeba? "Okuruga hati, Niinyija kuguma ningamba nabo okurabira omuri nabi."

Kandi nabi yaagira ati, "Haryaija; haryabaho," kandi kyaba nikwo kyaba, kyaba nikwo kyaba. Kyaba nikwo kyaba, kyaba nikwo kyaba, mwareeba, nka batyo. Mwakyetegyereza hati?

120 "Okuhikira kimwe kw'obunaku" ku kwabaireho ahanyima y'obwire kuhikiirira. Ekibi kihweireho, ahanyima y'okubatizibwa kw'ensi, ahanyima y'okubatizibwa kw'ensi n'ehinduka omwanya murungi; oburwaire butakiriho, obukooko oburikureeta endwara butakiriho; amahwa gatakiriho, amatojo gatakiriho; okufa kutakiriho, amaganya gatakiriho, obusaasi bw'omu mutima butakiriho; bukuru etakiriho, hatariho ekintu kyona ekirikujwekyera okufa; hatariho ekintu kyona ekishobire; byona biri kurungi; hatariho eby'obutoosha. Obutahwaho!

121 Reero, Ekimurimu nikyorekwa ahabw'okuba kikaba kirimu, bwa mbere, okubanza kwa byona. Ekyo nikyo Yaateekateekire. [Ow'eishe-emwe Branham yaashoboorora naakozesa ebishushani aha rubaaho -Omur.]

Bwanyima ekyabaireho niki? Akata Adamu na Haawa omu nsi hanu, kandi yaagira ati, "Muzaare mukanye hati kandi mwijure ensi." Emibiri yaabo yoona ekaba eteirwe hanu omu nsi, kugira ngu iwe orye kandi okore omubiri gwawe. Ogwo nigwo muhanda ogu Yaabaire aine gw'okukikora.

122 Kwonka ekibi kikaija kyategaanisa puraani Ye. Nibugumizamu, nk'obunyakare, obwire nibugumizamu.

Kwonka Yesu akakora ki? Ruhanga akashuumma kandi Yaayeyoreka omu nshusha y'Omuntu, omuntu; yaahayo Amagara Ge, omu mwanya gw'okuguma hanu. Kandi obwo, Akaba ari Omugabe, kwonka Akeehayo kucungura abatsigaire. Mwakyetegyereza?

Kandi byona ku birihwa, reero kiryakururirwa kimwe kigarurwe enyima, obwo ekigyendererwa kya Ruhanga kiryaba kyahikirizibwa. Ngugwo Omugabe Otahwaho ogundi murundi ari n'abantu Be Abatahwaho, ayorekyeirwe omu mubiri gw'omuntu, buzima kwo nk'oku Yaabaire akiine; ekibi kiihirweho; sitaane takiriho; sitaane takiriho; byona bihweire hati.

123 N'enki ekiryakikora? Ensi egi terikubaasa kuba omwanya ogu Iguru ririkubaasa kwijamu hati. Mugireebe, ekibi. Neeteekwa kusomezibwa.

Tihariho omushaija, tihariho omuntu, tihariho omukazi, omwojo, omwishiki, ntindikufayo ou ari, oshemereire kuza aha kituuti, nangwa n'okwetye Omukristaayo, yaaba ataijwire Omwoyo Orikwera. Toine bugabe ahari kyakiro ya Mukama, nari kuza aha meeza ya Mukama yoona, kunabisa ebigyere, nari ekindi, okuhitsya obu oraheze kusomezibwa n'Omuriro Ogorikwera gwa Ruhanga.

Tihariho omuntu oine obugabe bw'okubuurira kureka iwe, nka Musa, Yaamubugana aheeru okwo ahari ogwo mwanya ogurikwera, egyo Nyomyo y'Omuriro neereereeta aho, ahu arikumanya ahu ari. Mwareeba?

124 Mwetegyereze oku, oku turikugyenda. Ahanyima y'ensi kubatizibwa n'Omuriro, obukooko oburikureeta endwara nibuba butakiriho, nikighindura omwanya ogusomezibwa Eiguru kubaasa kutuura hanu omu nsi.

Ekirikushushanisa, hati, okushutama omu myanya y'omu Iguru omuri Kristo Yesu; okuruga omuri eki, kugira oburofa nk'omukazi omukye ori oku yaabaire ari, okaba ekyabaire kiri omuri Ruhanga eky'orekirwe. "Hati turi Abaana ba Ruhanga," ti turyaba. Turi ebyabaire biri omu biteekateeko bya Ruhanga. Mwareeba?

125 Hati noogira oti, "Mpaho, reeba omunyamurwa ogu. Akaba atari omwana wa Ruhanga?" Kikahamya ngu akaba atari we. Akaba atarikubaasa kwetegyereza ki? Taragizire ngu, "Niinyikiriza Baiburi?" Buzima. Kwonka akaba atarikubaasa kwetegyereza Ekigambo ekyorekirwe ky'obwire. Eki yaabaire aine kyonka n'obwengye bw'okwegenyesibwa okuruga omu kibiina ekyamubandiize.

Kandi ekintu nikyo kimwe n'eriizooba! Mwareeba? Nimmanya ngu ekyo nikishaasha, kwonka n'Amazima.

Aho hakaba hariho Ekigambo, nkoku kyagambirwe buzima ahabw'obwire obwo; kwonka, nabwo, we akaba ari omukugu omu kwega, kwonka nabwo akaba ari omuntu rugambwa, kwonka akaba atarikubaasa Kukyetegyereza. Ahabw'enki? N'obu yaakuba yaabaire ari omukugu ata omu kwega, ekintu ekiri nka batyo, nabwo akaba ataine ekirikumujwekyera ky'okutooranwa ira atakabaireho. Mwareeba?

Abo abaatoorainwe ira batakabireho nibo bonka abaribasa kukikora; nibo bonka. Kandi noobaasa kukikora . . . Ahabw'okuba, mureebe, nikihamya okumanya wa ira otakabaireho. Habw'okuba, ku oraabe oine Amagara Agatahwaho, nooteekwa kuba waabaire ori ekicweka kya Ruhanga obwire bwona, 'habw'okuba Niwe wenka Otahwaho. Mwakireeba? Oo, mugyenzi! Mukiteekateekyeho.

126 Hati mwetegyereza ekiryabaho omu kutegyeka kukuru kwa Kristo kw'emyaka Rukumi. Ekibi kitakirih, Okutegyeka kwa Kristo kw'emyaka rukumi hati kutaahemu, hati obu nibwo bwire Omwoyo Orikwera kuza omu mwanya Gwe.

Nk'oku arikukikora omuriitwe, "kuruga omu kufa kutaaha omu Magara," kutuura omu myanya y'omu Iguru omuri Kristo, omu Kubaho Kwe kw'ekitiinisa. Obwo nangwa okufa kw'omubiri kuryahwaho obwire obwo; nk'oku okufa kw'omu mwoyo kutakirih hati.

Tihariho ekintu ekirkwetwa okufa omu mwoyo hati, a-ahari o-orikwera wa Ruhanga obatiziibwe. "N'obu yaakufa, aryaba ohuriire. N'omuntu weena oriho ohuriire kandi Orikuunyikiriza tarifa ebiro byona." Ebyahandiikirwe byona, Nibiteekwa kuhikirizibwa. Mwareeba? Torikubaasa kufa. Oine Amagara Agatahwaho. Ekintu kyonka, Omucunguzi akubaasiise kukireeba. Kandi otuura ori Ekyo, kandi egyo niyo nshonga erikutuma waabasa kwetegyereza obwire obu otwiremu. Ni bangahi abaakyetegyereza? Mwimutsye emikono yaanyu. Mwareeba? Mwebare. Mwareeba? Obwire obu tutwiremu, kubwetegyereza.

127 Hati, Abametsodisiti bakagira bati, "Waateera akaari, biri Waamutunga." Baingi omuribo bakateera akaari kwonka Tibamutunga.

Abapentekoote baagira bati, "Waagamba omu ndimi, Omwine." Baingi bagamba omu ndimi, kandi Batamwine.

Mureebe oku, emiringo y'emikoro ei abo Bafarisaayo baabaire baine, kwonka Ekigambo ku kyayorekirwe, tibarabaasize Kukyetegyereza. Mwareeba? Mwareeba?

Kwonka ku oraabe ori Omugore, Omugore n'orugingo rwa iba. Kandi ku . . . Omwanya gwonka ogu oribaasa Kukimanya, n'okumanya ekyo kicweka kya Baro ogwo (ekyo Kigambo) eki ori, kitari ekyo tokaayemanya ngu ori Omugore. Ni bangahi ekyo abaakyetegyereza? [Abateeraine baagira bati, "Amiina," -Omur.] Mwareeba? Mwareeba? Nooteekwa kumanya omwanya gwawe.

128 Torikubaasa kwetegyereza ogw'ondiijo. Kuri noogira ngu-kuri noogira ngu Musa akaija n'Obutumwa bwa Noa? Kandi Noa akaba ari ekicweka kyabwo, kwonka nabwo kikaba kitaraakore. Kuri noogira ngu-ngu-ngu-ngu Yesu akaija n'Obutumwa bwa Musa? Kikaba kitarikwija kukora. Mwareeba, bukaba buri obundi busingye, bukaba buri obundi bunabi, ekindi kicweka ky'Ekigambo ekyabaire kiri eky'okuhikiirira aho. Bakaba bari omu kindi kicweka kya saabiiti. Ti, omurimo gw'Orwakabiri tigurikubaasa kukorwa Orwakashatu. Kandi ogw'Orwakashatu niguteekwa kukorwa Orwakashatu. Mwareeba? Ogw'Orwamukaaga niguteekwa kuba gw'Orwamukaaga. Mwareeba?

Kwonka, bo, bakeetegyereza bati, "Oo, Musa, twine Musa."

Yaabagarukamu ati, "Kuri mwanyire Musa, Mukaamanyire, ahakuba niwe Yangambireho, 'Mukama Ruhanga waanyu aryabaimukiza nabi nkaanye.'" Ekitteekateeko mwakitunga? Oo, mugyenzi! Mwareeba?

Reero Yesu yaagira ati, omuri Yohaana 14, "We, Omwoyo Orikwera, ku ariija, aryabaijutsya ebintu ebi, mwareeba, aboorekye obwire obu mutwiremu. Kandi reero, ekindi kintu eki Muryamumanyiraho, Aryabooreka ebintu ebirikwija kubaho," mwareeba, mwareeba, kugarukira kimwe aha bunabi ogundi murundi, "ku Ariija." Mwareeba?

129 Omu Nsi Ensyia n'Eiguru Erisya, terigaruka kushwekwa omwirima ogundi murundi, Ensi Ensyia egi ku erija. Daimoni aryabohwa . . . Sitaane, tabohirwe hati; n'omuregi. Kwonka omu Nsi Ensyia, aryabohwa kandi anagwe omu Nyanja y'Omuriro, omu Muriro ogurikwera ogu.

130 Reero, omu Nsi Ensyia egi, ka tugireebe ahabw'edakiika nkye hati. Omu Nsi Ensyia egi, eiguru tiririgaruka kwiragura bundi; ngaaha, ekyo kikareetwa omukyeeeno, mwareeba. Tiririgaruka kugira omwirima ahabw'okushwekwa ebicu by'ekiniga. Emiyaga terigaruka kugiteera nka batyo. Ngaaha. Omuyaga tigurigaruka

kuhenda emiti, n'okusheenyenya amaju, n'okunaga hansi ebintu. Emirabyo n'ekiniga tibirigaruka kuruga ahari Sitaane bikaza aheeru okwo, bikaita omuntu orikugyenda omu ruguuto, nari kwotsya ekyombeko. Mwareeba? Ngaaha, tikirigaruka kubaho bundi. Tiharigaruka kubaho emiyaga y'amaani erikusheenyagura, nari eihunga n'eshata, hazu ngu esheenyenya amaju, kandi eite abaana bato, n'ebindi. Ahaa, tibirigaruka kubaho bundi. Kugyezaho kuhwerekyereza, tibiribayo. Sitaane anagirwe aheeru.

Kuri twine obwire hati. Nindaba aha Byahandiikirwe, hati, kugira ngu tutakyerererwa munonga. Ninyenda kushabira abarwaire.

131 Eiguru n'ensi byabugana; Ruhanga n'omuntu bagarukaine. Edeni egarwirwe busya etandikire; mwareeba, omukyeeno gwona tigukiriho.

Nk'oku, omukyeeno gw'ekibi guba gutakiriho Omwoyo Orikwera ku akwakiira. Mwareeba, tiiwe Orikumwakiira; Niwe orikukwakiira, mwareeba, 'habw'okuba n'ekicweka kya Ruhanga. Mwareeba, ku araabe ari Omwoyo Orikwera, niimanyisa, Omwoyo wa Ruhanga; n'ekimurimu, ekiteekateeko kya Ruhanga, akwakiire ahabw'okuba ngu okamanywa ira ahabw'ekigyendererwa ekyo. Mwareeba? Kwonka nabwo, okazaarirwa omu kibi; kwonka Ruhanga ekyo kibaba kimurimu, reero hanu okeeyoreka hanu omu nsi, kandi Aija akwhayyo. Mwareeba, ori enyima hanu; ogu nigwo mwanya gwawe. Mwareeba? Mwareeba, ekibi kibuzirwe amaani gaakyo. Ekyo kihikire. Okwetenga ekibi kurugire omu mutima gwawe, Omwoyo Orikwera ku ataahamu. Ori omuntu ogarwirwe busya.

132 Kandi reero ensi ku eraagarurwe busya, n'ekintu nikyo kimwe, tiharikubaasa kugaruka kubaho okukyeena, kugaruka kubaho eihunga, kugaruka kubaho emiyaga, kugaruka kubaho emiyaga y'amaani erikushenyagura-emyaga y'amaani erikushenyagura, niimanyisa. Ogarukaine; omuntu na Ruhanga babugaine. Ensi Ensyia neija kugarurwa omu burungi bwa Edeni ogundi murundi. Ensi Nsyia neija kwanjururwa, yo, ahanyima y'okubatizibwa kwayo n'Omuriro.

Teekaateeka kwonka, neija kukwatwa omuriro kandi esye. Eby'obuhangwa nibijja kwokibwa o-omuriro mwingi. N'emrimo y'omu nsi eryasya. Amaizi goona garyabaruka; neija kukwata omuriro reero ebarukise byona. Buri kintu nikiza kubaruka. Omuriro gw'omunda y'ensi nigwija kubaruka kandi, enkumi n'enkumi ya zaamairo omu mwanya, ebyondo by'omuriro by'omu nda y'ensi nibiza kutaraakira ahaiguru nibyaka. Buri kakooko akarikureeta oburwaire . . . Omwoyo Orikwera wa Ruhanga naija kushemeza amareho byona ebiine ekibi kyona na buri kintu. Baadaimoni boona nibaija kubohwa kandi banagwe omu Nyanja y'Omuriro, Omuriro ogurikurya busha, ekiniga ky'Omuriro kya Ruhanga.

133 Tiharibayo enyamaishwa kukucwekyereza ogundi murundi. Ku oriba noribata nooshuma omu muhanda, omu misiri y'ebimuri, tiharibayo enjoka erikukufuhira kandi ekakuruma, n'obushegu bwayo bw'obutwa. Oo, mugyenzi! Tikiriba ekirkutangaaza? Muhurikize. Tiharibayo entuumo nkye y'eitaka rya kinckye eri barirundayo omu Nsi Ensyia egyo, nk'ekituuro; okwo tibiribayo.

Omuntu na Ruhanga bateeraine; Omugore na Kishwera. Eiguru n'ensi bifumbataine; Ruhanga ashuumire kutuura n'abantu. Eihema Rye riri nabo.

Tiharigaruka kubaho ekibi bundi, nari amaganya. Tiharigaruka kubaho omuziga ogwaragara aha mushaya gw'omukazi omuzaire, ahabw'omwerefere we. Amiina. Tikiribayo, omu Mwanya ogwo Musya. Ngaaha. Gucungwirwe. N'Ogwe, hamwe n'Abe abaacungwirwe okurugamu. Mwareeba?

134 Kandi, reeba, ori ekicweka ky'eryo itaka. Ekyo kihikire? Kandi ku Yaakucungwire, Akacungura ensi n'ekintu nikyo kimwe, mbwenu ogarukire kuba hamwe. Oo, kikaareebwa kita butunu okukira hanu. Mwareeba? Nooteekwa kucungurwa 'habw'okuba ori ekicweka kyakyo. Kandi Eshagama ku eraabe etakakuragaragaho, obwo tokacungwirwe; tokeetsirwe. Reero Naagicungura; ekintu nikyo kimwe eki Arikukora omu Muriro. N'obu, Eshagama yaaragaire, nabwo n'ey'okushemezibwa n'Omuriro, ekyo kihikire, ahabw'omwanya gwa Ruhanga gw'okutuuramu.

Ruhanga akaheza kuza omu mwanya Gwe gw'okutuuramu, omu buryo bumwe. Obukama bwa Ruhanga buri omu nsi hati, omu mitima y'abarikwera Be. N'Ebimirimu ebi Yaatandikire omu kutandika. Hati ebimirimu Bye bicungwirwe. Ategyereize ki? Kucungura ensi, kugitamu ebimirimu Bye, kuhikiiriza puraani Ye ei yaamanyire ira buzima. Mwakireeba?

135 Mwetegyereze, tihariho bituuro, tihariho amatondo g'emiziga, tikirikubaasika, tihakiriho kusheesa eshagama. Terigaruka kujuba ahabw'emiziga nari eshagama. Ngaaha. Tiharigaruka kubaho entaro. Ngaaha. Tiharigaruka kubaho ebicu by'obwire bw'obutiti. Tiharigaruka kubaho orubaare orurikufuka aha kifuba kyayo; tirurigaruka kuzaho. Eizooba erirkwotsya tiririgaruka, tiriryotsya obunyaatsi bwayo. Haleluya! Nangwa n'ensi y'omusheenyi eryameramu ebimuri bya rooza. Ruhanga akagira ati, "Eryo eihamba ry'omusheenyi, erya ira, riryarabya ebirabyo, ekiro kimwe, nk'ekimuri kya rooza; ku ericungurwa, ku eritunga okubatizibwa kwayo kw'Omuriro. Hariyo enkuuku z'ebika byona n'ebimera by'amakanca n'ebindi byona biriyo okwo, kwonka okubatizibwa kwayo kw'Omuriro nikwija.

Nk'oku kyabaire aha muntu, obu yaabaire akiine rwango, eitima, n'empaka omuriwe; okubatizibwa

kw'Omuriro ku kwaizire, kukabyoza byona byahwaho. Eihari tirikiriho, nangwa na busha; buzima n'omwanya gwa Ruhanga gw'okutuuramu. Kandi, mwijukye, abo n'abajwekyerwa Be abarikuza Kumubugana kuriya seeri. Amiina! Oo, ka n'e-...

136 Ekyo ti kitebyo kwonka, ago n'Amazima. Ekyo n'eki Ruhanga yaagambire. Ekyo nikyo Yaaraganiise. Ekyo nikyo Omugore arikuzamu. "Nangwa n'eihamba ry'omusheenyi," nikwo Yaagambire, riryarabya ebirabyo, ribe ekimuri kya rooza."

Sitaane, ekibi, n'abasiisi, biryaba bitakiriho, ebiro n'ebiro. Byona bihweire; byanywengyeberera omu Butahwaho. Kandi byona ebyakiikamisiibwe, ogwo maraika omukuru munonga owashutamire aho ekiro kimwe, Sitaane, owaakozire akabi aka konna, aryacwekyerezibwa. Nimwijuka, Baiburi ekagira ngu, "Omuntu ogwo ku ariba atakozire nk'oku Yaakozire, yaagambire ngu akore, Naija kuhwerekyereza omuntu ogwo."

Kwonka, nimureeba, Tarikubaasa Kwehwerekyereza kandi akaguma ari Ruhanga. N'ahabw'ekyo omuntu ogwo ku araabe ari ow'ensi, naateekwa kucwekyerezibwa. Kwonka ku araabe ari ow'Obutahwaho, na Ruhanga, takagiraga obutandikiro, ahabw'okuba n'ekicweka kya Ruhanga n'ahabw'ekyo tarikubaasa kucwekyerezibwa. Amiina! Ka ni kirungi! Ka n'e-n'eky'okusiima, ngu ekyo Ekanisa eshemereire kukireeba!

137 Bantu 'mwe, byona ebi murakozire biri hanu. Eki nikyo ndikugyezaho kugamba. Bimwe ndiyo nimbiguruka ahabw'okuba niinyenda kubigarukaho ogundi murundi.

138 Nangwa n'ebintu ebi, Sitaane, abasiisi, bahweireho, Obutahwaho; obutarigaruka kubaho bundi. Byona . . . Mwareeba, Sitaane tarikubaasa kuhanga. Ku araabe naabaasa, obwo ni Ruhanga. Mwareeba? Naabaasa kukiikamisa kwonka ekyo ekyahangirwe. Mwareeba? Kandi okukiikamisa kwona nikwija, kukiikamisa, kuryaihwaho kyarimwe. Kandi okufa n'okukiikamisa amagara; kandi okukiikamisa ku kuryaihwaho, haryaba hatakiriho okufa bundi. Emyaka ya bukuru n'akamanyiso k'okufa; n'ahabw'ekyo emyaka ya bukuru ku eriihwaho, amagara garyaija. Obumanyiso by'okukiikamya n'ebindi byona bihweireho. Amahwa n'amatojo n'akabonero k'ekibi, "ensi eryakyenwa nago," mbwenu goona gahirweho. Okurwara kukaija, ahabw'ekyo; kuryaihwaho. Okufa kuryaihwaho. Okusheesha eshagama kuryaihwaho.

139 Tihariho ekiriza aha itaka eryo kureka oburikwera, Abacungwirwe. Oo, mugyenzi! Yee. Oo, niinyehurira kurungi munonga. Ruhanga, n'ebihangirwe Bye; n'ebi Yaahangire omu byahangirwe ebi bicungwirwe Eshagama Ye Yonyini. Byashemezibwa okurabira omu muhanda gw'okuschemeza Kwe Kwonyini; omuhanda Gwe gw'okwita obukooko oburikureeta endwara, omuhanda gw'okwita ekibi!

Nk'okwita obukooko oburi omu kintu, omuringo gw'okwita obukooko oburi omu kintu ogurukukirayo oburungi ogu turatungire n'omuriro. Noobaasa kukwata ekintu kyona okyozye n'eifuro n'emibazi yoona ei bagamba, nabwo nikiba kitakashemeire. Kwonka okyotsye rimwe!

140 Mbwenu Omuriro gwa Ruhanga ku guraite obukooko oburi omu nsi n'Emibazi; Yaaherize kutwara Omugore We, orikubaasa kutaaha omu Iguru Nawe, ebi byona byaba biriyo nibibaho. Reero agarukye omu nsi ogundi murundi, Eiguru Erisya n'Ensi Ensyia. Obwire oburikufuka bw'obutiti tiburikubaasa kugikora kubi. Obwire oburikwotsya bw'ekyanda tiburikubaasa kugikora kubi. Ensi y'omushyeenyi eryarabya nk'ekimuri kya rooza. Ekibi n'abasiisi byona biryaba bihweireho.

Ruhanga, n'ebihangirwe Bye n'okuhanga Kwe, bitwire hamwe omu kukwatanisa okuhikire. Nk'oku eiguru n'ensi biri iba n'omukazi, nikwo na Kristo n'Ekanisa bari, kandi boona nibabuganira omuri puraani emwe mpango y'ekitiinisa y'okujunwa kandi bareeterwe kimwe omu kifuba kya Ruhanga ogundi murundi. Mwakireeba?

141 Kandi, omu Nsi Ensyia, hariyo Orurembo Rusya. Oo, mugyenzi! Hati muhurikize mutaireho omutima. Eki mutakyebwa. Ngu, Yesu akagira, omu kitabo kya Yohaana 14, ngu Aryaza kutebeekanisa. "Emitima yaanyu etarishoberwa." Ku Yaabaire naagyenda, "Nyine enshonga erikuntwara. Mukaikiriza Ruhanga," Yaagumizamu, "Naanye muunyikirize." Bakaba batarikubaasa kureeba ngu ni Ruhanga. Yaagira ati, "Mwikiiririze omuri Ruhanga, hati naanye Muunyikirize. Kandi Ninja kubatebeekanisa Omwanya. Omu nju ya Tata harimu emyanya mungi; omu nju ya Tata harimu ebikaari bingi." Kristo ariyo, naayombeka Yerusaalemu Orusya oru hati. Hati muhurikize mutaireho omutima. Muteetenganya. Eki, muta-mutakifeerwa. Kristo ari omu Iguru, eriizooba, naatebeekanisa Yerusaalemu Orusya.

142 Nk'oku Ruhanga yaahangire ensi omu biro mukaaga, yaakora ensi omu biro mukaaga, nari emyaka enkumi mukaaga. Nk'oku Yaagambire, "Mutaryebwa ekigambo eki," nitushoma omu Byahandiikirwe, "emyaka rukumi n'ekiro kimwe."

Kandi Kristo akagyenda kandi ariyo naaatebeekanisa Ekiikaari, ekitwire nikyombekwa okumara emyaka mungi, mungi enkumi n'enkumi, naatebeekanisa Omwanya. "Kandi ku Ndaabe ninja kubashemereza Omwanya, Ndyagaruka aha, Mbatware; kugira ngu okwo ei Ndi, naimwe mube niyo mwatuura." Mureebe Omucunguzi n'Abacungwirwe!

143 Kuri twine obwire hati. Hanu nteireho akamanyiso n'ekaraamu, Sulemaani naajuriza, "omwishiki ogu, Omugore." Oo, nitugyemwa kukigaruka; obwire buhweireyo, mwareeba. Niinyija kukigarukaho, ogundi murundi.

“Ku arikugyezaho kuhika ahari ogwo mwishiki, kwonka agambirwe obugyenyi omwojo omuriisa.” Abamwe obundi bakateekateeka ngu ekyo n'ekyeshongoro eki yaayeshongoire. Oo, ngaaha. Sulemaani akahungura ekitebe ky'obukama kya Daudi, omu nsi, kwonka kikooreka ngu obukama obwo bukaba nibuteekwa kuhwaho. Kikaba nikushushanisa rukundo ei Kristo ainiire Omugore. Mwareeba?

144 Mwetegyereze ngu Yesu akagira, omuri Yohaana 14 hati, ngu “ninza kuschemeza Ekikaari.”

Oo, nira za kushushana ruta? Murateekateekire hati, Omugore, oku rurishushana? Rutebeekanisiibwe kandi puraani yaarwo ekakorwa Omwombeki Ruhanga. Orwo Rurembo nira za kushushana ruta? Hati, twaza kurugambaho ahabw'edakiika nkye. Omwombeki Ruhanga arutebeekaniise, yaakora puraani yaarwo. Kandi, mureebe, Arutebeekaniise n'emikono ya rukundo, ahabw'Omugore We omukundwa. Nira za kushushana ruta?

Teekateeka oku omushaija orikuza kushwera omukazi, orikubaasa, oku arikwombeka kandi akatamu buri kantu kakye koona buzima kwo nk'oku kirikubaasa kuschemeza ogwo mukazi, eki arikwenda? Amiina.

145 Hati, Ruhanga Omwombeki akateera puraani y'Orurembo Rusya oru, ei Arikwija kutuura n'Omugore We, orurikubaasa kuschemeza ogwo Mugore. Tiki'okutangaaza egoy ntumwa ekagira eti, “Ebi eriisho ritakareebaga, n'okutu ebi kutakahuriraga, ebitakataahaga omu mutima gw'omuntu.” Ka tureebe twaba nitubaasa kukitaahamu ahabw'akaanya kakye, tureebe oku rurikwija kushushana.

Ruhanga Omwombeki oru akarutebeekanisiriza Omukundwa We. Mwareeba? Oo, ka niguteekwa kuba guri omwanya mukuru, obu, Ruhanga, Ruhanga Omwombeki arutebeekanisiize ekimurimu ky'Obwaruhanga ekyatoorainwe ira Ruhanga kitakabaireho kyabaho ahabwa Ruhanga Niwe-Niwe bukomooko bw'Amagara ga Ruhanga! Orwo Rurembo nira za kushushana ruta! Mukiteekateekyeho.

146 Mwijukye, tiriri Iguru. Yohaana akagira ati, “Nkarureeba nirushuma okuruga omu Iguru.” Nira za kuba omu nsi. Mwareeba?

Teri nsi egi erikuza kuhwaho; n'ensi ecungwirwe. Ruhanga taragizire ngu Naaza kureeta obusingye busya; Naija kucungura egi eri hanu. Tarikwija kureeta obusingye busya; Naacungura egoy eshangirwe hanu. Tarikwija kukora ensi ensya; n'egi yonyini eri hanu. Naija kugyokyenza kimwe, agischemeze, nk'oku Yaakukozire. Zaapuraani Ze niziteekwa kugumaho ebi byona. Hati, mureebe, nira za kuba.

147 Mwijukye, tirurikwija kuba Eiguru, “Nirushuma niruruga omu Iguru.” N'Omwanya gw'okutuuramu, Omwanya gw'okutuuramu, ogu We arikutuuramu. Nka, akaba ari Yohaana, aha kirwa kya Patumo, hanu omu kitabo ky'Okushuuuruwa 21, akarureeba “nirushuma.” Yohaana akareeba orwo Rurembo, “nirushuma niruruga omu Iguru,” nk'enkombe, nk'oku yaarureebire.

Ngugu Ruhanga yaija, yaashuma aha ihema Rye ry'omu nsi, Yesu, omu . . . “naashuma naaruga omu Iguru.” Yesu akabatiziba, yaagumizamu . . .

Ku Yaabugaine nabi! “Ekigambo kijja ahari nabi.” Kandi Akaba ari Kigambo. Kandi nabi akaba ayemereire aho, naahakanisa ebigombe byona by'amadiini gaabo, buri kimwe. Kandi, ku yaareebire Kigambo, Ekigambo kyaizira kimwe ahaari.

Kandi nabi akatangaara munonga, yaagira ati, “Niiwe oshemereire kumbatiza. Ahabw'enki noija ahariiny?”

Yaagarukamu ati, “Mbweni ikiriza tutwaze tutyo, ahakuba kitushemereire (nitumanya obutumwa) kuhikiiriza eby'okuhikiirira byona. Niinye Kitambo; Kishemereire kwogibwa.” Yaamwikiriza.

148 Ku Yaarugire ati omu maizi, yaagira ati, “Nkareeba eiguru ryakinguuka.” Nabi akarireeba. Akareeba eiguru ryakinguuka.

Kandi reeba haija, kushuma okuruga omu Iguru, nk'enkombe; kandi Eiraka, nirigira riti, “Eki n'ekicweka ky'ensi Kyangye eki Naacungwire, kandi okuruga omu kicweka ky'ensi eki Niinyija kucungura ekicweka ekitsigaire, ahakuba We ni Kigambo Kyangye ekyorekirwe.” “Kandi ensi yoona, Nkagamba yaabaho ahabw'Ekigambo Kyangye,” Abaheburaayo 11. “Kandi etwira eri eya Sitaane obwire obu bwona, kwonka Naija kugicungura. Baingi munonga bakozire omubiri Gwe, mbweni Naija kugituaramu.”

149 Yohaana akagira ati, “Naareeba Orurembo orurikwera, Yerusalem Orusya nirushuma okuruga omu Iguru, nk'Omugore ocumiirwe iba.” Beitu rwaza nkahi? Buzima kwo nk'oku kyabaire kuri; aha nsi.

Yesu akaba ari ekicweka ky'egyo nsi ei Omwoyo Orikwera yaashuumireho, (ekyo kihikire?) kandi Yaamugumaho ebi n'ebiro. Tarikubaasa Kumutsigaho. Atuuramu. We na Ruhanga n'Omwe. Nikiteekwa kuguma kityo!

Kandi Yohaana akareeba Orurembo orurikwera, Yerusalem Orusya, nirushuma nk'ekibonwa omwe ky'omu kaabunga, nari e-enkombe, nirushuma okuruga omu Iguru nirwija aha nsi ecungwirwe, yoona, (kukora ki?) kwegarurira buri kimwe eki yaahangiire ensi. Buri mushaija owaajwekeyeirwe omu Butahwaho, buri mukazi, obwo aryaba acungwirwe. Eherize kuschemezibwa n'okwokibwa Omuriro.

Yesu, omu kugyezibwa Kwe kw'amaani omu ihamba, okumara ebiro makumi ana. Ahanyima y'ekyo, mwetegyereze, obwo kikaba kyetebeekaniise ababw'obuheereza Bwe.

150 Mukiteekateekyeho, Omwoyo Orikwnra kushuma omu nsi, Yesu, kandi n'egyo Shagama erikwera! Hati mureebe, kandi nyine amatsiko ngu tindatsimbe emizi munonga ahariimwe, mwareeba. Eshagama erikwera eyaahangirwe Ruhanga; Eshagama, Amagara, okuhanga kwa Ruhanga. "Yesu akaba ari obutandikiro bw'ebi Ruhanga yaahangire." Oo! Mwakireeba? Ruhanga, akozirwe omu byahangirwe. Akaba ari Omwoyo. Baiburi ekagira eti, "Niwe butandikiro bw'ebi Ruhanga yaahangire." Akatandika ata? Omuri nyinenda y'omukazi. Ekyo niki? Omukazi tari . . .

Nk'oku ezo mpumi zitarikubaasa kureeba "oruzaaro" rw'enjoka hanu honyini. Mwareeba? Haawa akateebwa omu nsi hanu, kandi, Sitaane atakamukwatsireho, nari ekindi kintu kyona, Ruhanga akabagambira ati, "Muzaare mukanye mwijure ensi." Ekyo kihikire, kwonka Sitaane ataahamu hanu. Kandi, ogwo ku araabe yaabaire ari omwana wa Adamu, reero obwo . . .

Adamu akakomookyera kimwe ahari Ruhanga. Kandi otwara akarondo k'omuzaire waawe konka.

Kandi ku orikuzaarwa obwa kabiri, otwara Obuhangwa bw'Omuzaire waawe, w'omu Iguru. Kandi Omuzaire waawe w'omu Iguru n'ekyabaire kiri omu Kigambo . . . Niimanyisa, Ekigambo n'ekintu ekyabaire kiri omu Muzaire waawe. Mbwenu, noobaasa ota Kukyehakana, okatwara ekigombe ky'ediini? Mugyenzi!

Nyine amatsiko ngu eki tikirikwija kubarabaho. Niimanya ngu nikiruga ahari Ruhanga.

151 Yesu. Ngugu Yaija, naashuma; kandi hakaba hariho Yesu, owaarugire ahari Ruhanga.

Hati, "omukazi," omukazi. Mwetegyereze. Ruhanga akagira ati, "Ahabw'okuba bakozire eki," ati, "Ndyata obuzigu ahagati y'Oruzaaro rwawe n'oruzaaro rw'enjoka." Ekyo kihikire? Kandi omukazi tagira embibo. Ekyo murakiteekateekireho? Omukazi aine omusiri, etari embibo. Mwareeba, enjoka ekaba yaaherize kutamu "embibo" yaayo.

Mbwenu, omukazi ku araabe ataine mbibo, naateekwa kuguma ategyereize kutunga Embibo.

152 Nimureeba, okurabira omu kukora eby'omubonano hanu, kikareeta okuruga ahari Sitaane, enjoka, eyaabaire etari ekikooko eirikugyendesa enda; ekaba eine amaguru 'habw'okuba amaguru gakagirugaho. Ekaba eri enyabwengye okukirayo, enyamaishwa yonka eyaabaire neebaasa-neebaasa kukoragana n'omukazi.

Entanga y'enyamaishwa terikubaasa kukikora hati, kandi tihariho n'ekindi. Bakakigyezaho. Tikirikubaasika. Mwareeba, amagara g'entanga okuruga omu kishaija tigarikubaasa kuza omu mukazi. Tikirikubaasika.

153 Kwonka ekyo kikaba kiri ekintu ekiri haihi munonga. Mwareeba, tibarikubaasa kubona enyamaishwa egyo eri rwagati y'empundu n'omuntu. Mwareeba, buri emwe, oku byagumire nibihinduka ahanyima y'obwire buraingwa, okuruga omu kuba enyonyi, n'okugumizamu kuhika aha nkyende, n'ebindi, okugumizamu aha mpundu, bwanyima aho habaho "okubura." Egyo ekaba eri ekijoka, etari enjoka; buri nshusha yaakyoo yoonaa ekahindurwa, ahabw'okuba ekakyenwa.

Hati, Ruhanga atakyeene Adamu; naabaasa kuba yaakozire ekintu nikyo kimwe, kwonka Akakyeena ensi, "amahwa n'amatojo."

Atakyeene Haawa, kureka akagira ngu Adamu aryaguma "naamutegyeka." Okuruga hati, omukazi takaagyeyaho kubuurira nari ekindi kintu, Adamu n'omutegyeki we. "Kandi ebiro by'amagara gaawe goona, n'omu busaasi, kandi oryareeta amagara gaawe omu nsi." Kwonka Yaagira ati, "Ndyata obuzigu ahagati y'Oruzaaro rwawe . . ."

Hati, omukazi akaba ataine embibo yoona, akaba atagiine, n'ahabw'ekyo, akaba naateekwa kutunga Embibo omu gundi muhanda. Ruhanga akamuha Oruzaaro, kutari okurabira omu kukora eby'omubonano kw'omushaija n'omukazi, kureka okurabira omu kuhanga.

Imwe mpumi 'mwe timurikubaasa kureeba ngu orwo "n'oruzaaro" rw'enjoka? Oo, mugyenzi! Sitaane akamubanzaho Adamu atakamuhikireho; orwo nirwo "ruzaaro."

Kwonka omukazi akatunga Oruzaaro. Rukaba ruri ruuha? Ruhanga We wenka. "Akaba ari obutandikiro bw'okuhanga kwa Ruhanga."

154 Hati mureebe Seezi ku yaazairwe, niimanyisa Abeeli, akaba ari omushaija ohikiriire, okuruga ahari ishe. Na Seezi nikyo kimwe.

Omubi ogwo akaruga nkahi; omwitsi, omubeihi? Mwareeba, mwareeba ei yaarugire? Rukaba niruteekwa kuba "oruzaaro," ahakuba akaba ari oruzaaro; Kaini akaba ari omuntu.

Oo, ezo mpumi ziri ahari ki? "Ruhanga w'ensi egi abahumize." Mpaho, ti ky'okutangaaza, Yesu akagira ngu tihariho omuntu orikubaasa kukireeba. Mwareeba?

Noogira oti, "Ahabw'enki batarikukireeba?"

Rimwe Yesu akagambira, abeegi Be ati, "Imwe muhairwe okumanya Obukama bwa Ruhanga, kwonka bo tikwo kiri."

155 Kandi egyo niyo nshonga erikutuma mwaruga omu mahiro rukumi na magana ataano sikweya, mwareeba, "Imwe muhairwe okumanya Obukama bwa Ruhanga." Mureebe, abantu bamwe nibaruga nangwa na Afrika y'Amashuuma n'okwehinguririza hanu, eshaaha egi ehweireyo obu Omugore akozirwe kutwarwa omu Bukama.

Tinyine obwire oburikumara. Mwetegyereze. Mwetegyereze hati, mwareeba.

Hati aho nimubaasa kureeba "oruzaaro" rw'enjoka, mwareeba oku yaakikozire? Kihikire, mwareeba. Hati bamwe omuribo bakagira . . .

Hati, nk'oriya mushaija omuri Tucson eizooba riri, naagyezaho . . . Aaa, naabaasa kuhurikiza orutambi rw'amaraka oru. Kwonka, ku waakuruhurikiza, mushaija 'we, niinyenda kugira eki naakugambira.

Ku yaagambire ngu, "Haawa akagira ngu," hanu niho barikwekwatsa, "Ntungire omwana w'omwojo ahabw'okuhwerwa Mukama, nari omushaija ahabw'okuhwerwa Mukama." Ahabw'enki, buzima. Ruhanga aine ekiragiro.

156 Mureebe, iwe kwata embimbo haza ogibyare aheeru hanu omu musiri ogurimu engano, kandi obyaremu amahwa aheeru okwo. Tindikufayo, omushana nigwo gumwe n'enjura niyo emwe erikutuma egyo mbibo yaatunga amagara. Ruhanga aine ekiragiro, kandi ekyo kiragiro tikirikubaasa kuremwa.

Tindikufayo n'obu-n'obu waaku o . . . omukazi w'emicwe mibi orikukirayo omu tauni n'omushaija w'emicwe mibi orikukirayo, kandi batari omu bushwere na buri kimwe, ku baakukora e-eby'omubonano, kandi bakatuura hamwe kandi bakazaara omwana; ogwo mwana naateekwa kubaho ahabw'ekiragiro kya Ruhanga, 'habw'okuba tihariho ogundi muhanda. Waaba otakiine otyo, Sitaane noomuhindura omuhangi, reero naaba ruhanga. Oo, noobaasa ota kuba empumi! Mwareeba, ekiragiro kya Ruhanga, buzima.

Ku waakuzaara omwana, tindikufayo n'obu yaakuba ari Esau, Yakobo, eki yaakuba ari kyona, nari omuntu w'emicwe mibi, n'obu yaakuba ari Yuda, naaba yaarugire ahari Ruhanga. Ruhanga aine ekiragiro.

157 Baiburi neegira ngu, "Eizooba rijwera abarungi n'ababi; enjura egwera abahikiriire n'abatahikiri- . . ." Abaheburaayo eshuura ya 6, kandi nihagira ngu, "E-enjura ku egwa kaingi aha itaka, kuriitirira, n'okuritebeekanisa ahabw'ebi rihingiirwe, nimumanya, kubabeisaho; kwonka amahwa n'amatojo bibaisibwaho amaizi ago nigo gamwe, eizooba niryo rimwe." Ahakuba, n'ekiragiro kya Ruhanga, kuhiisa buri mbibo, kutuma buri mbibo yaayezaara.

N'ahabw'ekyo, kikaba nikiteekwa kureeta "oruzaaro" rw'enjoka. Kandi kitabaase-kitabaase kuzibira Ruhanga; kikahikiiriza puraani Ye yoona, Kikamuhindura Omucunguzi. Empumi yoona ekyo haihi eshemereire kukireeba, kureka kyaba kisherekirwe. "ruhanga w'ensi egi" akikusherekire. Ahakuba nikireebwa butunu nk'oku orikubaasa kureeba ekintu kyona. Nikyo ekyo. Ndurwo "oruzaaro" rwawe rw'enjoka. Hati mwetegyereze.

Kwonka, "Yesu akaba ari obutandikiro bw'okuhanga kwa Ruhanga kw'okubanza."

158 Hati omukazi naakora ki? Kandi, entanga eruga omu kishaija. Hati nooyenda kukihakanisa? Omukazi taine magara omuriwe, na kakye. Eki aine n'eihuri rikye ryonka, nigwo musiri aheeru hanu.

Nk'oku waakukwata omusiri okagubanjura gwona, kandi-kandi okagufuuhirira, kandi okagufuuhirira okaita obukooko bwona bukahwamu. Kandi nangwa hatabaase-hatabaase kumeramu n'akanyaatsi koona nari ekindi kintu kyona kitabaase kumeramu; bwanyima okagaruka okagutamu orwezo, okabyaramu embibo enungi. Omuzigu yaija kandi akabyaramu ezindi mbibo, ekiragiro kya Ruhanga nikyo kimwe nikikuza ezo mbibo zombi.

Mbwenu, Ruhanga akaba atagyendereire ngu ekyo kibeho, mwareeba. Kwonka n'enki ekyabaireho?

159 Mwareeba, entanga y'omushaija niyo ebamu hemoglobin, niyo shagama. Omu shagama nimwo amagara gari. Kandi ku wa . . . Nkakireeba, omu kwemesa ente n'ebindi nk'ebyo. Ow'eishe-emwe Shakarian hamwe naanye tukakishwijuma, na baadokita n'abandi nka batyo, twareeba oku kirabamu, abakugu omu sayansi ya kemesiture. Mwareeba? Reero hanu haijaho amahuri g'ekikazi, nigo mahuri. Hanu haijaho entanga okuruga omu kishaija, nigo mahuri agarugire omu kishaija.

Eri tiharimu ntanga na kakye. N'ekirugire omu mushaja kwonka. Okwo nikwo omukazi yaabaasize kwija hanu, okubanza kwa byona, kandi we n'omusiri kwonka. Hariho eihuri; riine eitaka ry'orwezo ahabw'amagara aga. Kandi amagara aga gagyenda nigeekuruza. Hariho enaama, oku ngu . . .

160 "Obundi," noogira oti, "mbwenu, eririkubanza kubugana. Agandi goona gafa." Mpaho, n'oha osharamu ekyo? "Mpaho, n'ery'okubanza." Niriza kuba eriri omu maisho; eihuri ry'okubanza eriri omu maisho, n'entanga y'okubanza? Ngaaha, ngaaha.

Niribaasa kuba eihuri rimwe; enyima hare, enyima, ahagati y'entanga, egoy ntanga neerugayo eza kuribugana. Nikyoreka ngu hariho obwengye oburikucwamu yaaba araije kuba omwojo nari omwishihi, omutwe yaaba guraije kuba nigwera nari nigwiragura; yaaba araije kuba mukye, muhango. Mwareeba? Torikubaasa, tihariho eki orikubaasa kukikoraho; tikirkubaasika. Noobaasa kuzijwanga hamwe, na buri kintu, tikikaaretaho ntaniso yoona. Ruhanga niwe orikukisharamu. Kandi bwanyima y'akaanya kakye, eihuri rikye rimwe nirija kwekuruza ritaahe omuri ogwo musiri, eihuri. Riine akakira kakye, nka, ahariryo, nikeemyoramyora; karagara, kandi aho hatandikaho oruti rw'omugongo rw'omwerefere.

161 Mbwenu omukazi niki? Taine mbibo. Aine omusiri gw'okwakiira entanga. N'ahabw'ekyo e . . .

Mwareeba, omuzigu akashohora. Omubibi murungi ku yaashohoire, naabiba Embibo enungi; bwanyima omuzigu yaagyenda enyima ye, naabiba embibo mbi. "Kwonka enjura egwera abahikiriire n'abatahikiriire; eizooba." Byona nibiteekwa kumera.

Yesu akagira ati, "Muzirekye zikure hamwe. Aha kiro ekkye ziryabohwa, enkyeenzi." Kandi hati ziriyo nizibohwa, omu bubiina by'amadiini; nibiza omu kirundo kimwe kihango, Ekibiina ky'Amakanisa g'Ensi. Beitu omuheru gukaba guuha? N'okwokibwa. Kwonka embibo n'ez'okutwarwa omu kitara. Mwareeba? Kandi obwo, zonna zibaisibwaho ekintu nikyo kimwe, amaizi nigo gamwe, enjura niyo emwe.

162 Omuti gwa situras, ogwo n'o-ogwo n'omuti gw'omucungwa, nigwija kwana, niguteekwa; aharigwo nigwija kwana, gwabyarwamu, omu muti gw'amakomamahanga. Nigwija kwana endimu. Nigwija kwana omuzaabibu. Mwareeba? Kwonka tigurikwija kuba omucungwa, beitu nigubeisibwaho amagara nigo gamwe agu omuti gw'omucungwa gurikureeta.

Ebigombe by'amadiini bikabyarwa omu Muzaabibu. Ahabw'okuba, ku baraabe nibeeyeta "Abakristaayo," nikyo kirikubabaitsaho. Kayaafa nikwo yaabaire ari; nimumanya eki yaabaire ari, kwonka nabwo akaragura. Mwareeba? Mwareeba, nikyo kirikubibaisaho.

Oo, kuri nikibaasika tukatunga esaabiiti, nikwo eki tukabaasa kukyega kyona kurungi, tukakyoreka butunu mutabaase-mutabaase kufeerwa kukireeba. Hati, naaza kuguruka bimwe aha bintu ebi.

163 Hati mwetegyereze. Mureebe, egoy mikono ekakora eki ahabw'Omugore Omukundwa, yaakikora na rukundo ahabw'Omugore We.

Mwijukye ngu Omwoyo Orikwera akashuuma ahari Yesu, ou, Yesu akaba ari ekicweka ky'ensi. Ahabw'enki? Entanga ya Ruhanga, Amagara ga Ruhanga, gakakorerwa omuri nyinenda y'omukazi (ekyo kihikire?), eyaabaire eri ensi. Ni kirungi. Bwanyima Amagara ga Ruhanga gaataahamu, n'ahabw'ekyo, "Akaba ari obutandikiro bw'okuhanga kwa Ruhanga." Mwareeba? Reero egoy Shagma ya Ruhanga, eyaabaireho okurabira omuri egoy ntanga; obu yaasheesheka ahari Karivaariyo, ekagaruka yaasheesheka aha nsi. Ahabw'enki? Kucungura ensi. Hati, ehirweho orubanja; eyeziibwe; yaayetwa, kandi yaamugarukira; mbwenu hati n'ey'okutunga okubatizibwa kwayo kw'Omuriro, kandi eshemezibwe ahabwa Yesu n'Omugore We.

Kandi muri ebicweka ebi ebindi ebiihirwe omu nsi egi. Ensi, ori ekicweka ky'ensi; omubiri gwawe. Amagara gaawe n'ekicweka kya Ruhanga, ekyarugire omuri Ruhanga, kyayorekwa omu nsi hanu omu mubiri. Omubiri nigwija kucungurwa.

Hati, amagara gacungwirwe, ahabw'okuba gakaba gari omu kibi. N'ahabw'ekyo Ruhanga akashuuma, okurabira omu nkora y'okwiwaho orubanja, okwezibwa, okubatizibwa n'Omwoyo Orikwera, reero yaacungura amagara gaawe.

164 Kandi iwe, ahabw'okuba ekicweka ky'ensi, n'ocungurwa nayo. Ori omu nkora hati. Neegumizamu. Omubiri gwawe gukaihwaho orubanja ahansi y'okubatizibwa kwa Noa. Amiina! Kandi, omubiri gwawe, ku Yaaragairemu. Kandi ensi neija kushemezibwa n'Omuriro, omwanya ogu orituaramu, n'okubatizibwa kw'Omwoyo Orikwera; Omwanya gw'okutuuramu gwa Kristo n'Omugore We, Yeruseleemu Orusya.

165 Mwetegyereze Orurembo oru; ensi, nirwija kutuura omu nsi. Hati nimubaasa kureeba kurungi nk'oku naagamba, e . . . empinduka egi, ensi neeteekwa kuhindurwa. Terikubaasa Kurutunga eri nka bat. Ekanisa terikubaasa kugyenda . . . Niimanyisa, ensi terikubaasa kugumirizamu kimwe, ahanyima y'Okutegyeka kwa Kristo kw'emyaka rukumi, etahindwirwe. Mwareeba? Kutamu Omwanya nk'ogu, neeteekwa kuhindurwa.

Nk'oku, nituteekwa kuhindurwa Omuriro Gwe ogurikwera, kuboneza n'okushemeza omwanya kugira ngu Abaase kuguma omuriitwe; ogwo ni, Omwoyo Orikwera.

Hati mwetegyereze, nihaija kubamu omwanya ogurikugasha omu Nsi Ensyo egi. Ahaa. Mwareeba, omwanya ogurikugasha! N'eija kuhunduurwa, ago n'amazima, n'Omuriro, kwonka tiharibayo enyanja bundi. Mwetegyereze, Orurembo oru rwine obuhango bwa sikweya mairo rukumi na magana ataano.

166 Hati muhurikize mutaireho omutima munonga twaba nituteera ekishushani ky'obuhango bwarwo. Niinyenda kusiimuura orubaaho, ahabw'akaanya kakye. [Ow'eishe-emwe Branham yaasiimuura ebirikushoboora bye by'okubanza -Omur.]

Hanu hariho okushuururirwa okutsimbire emizi okurikuruga ahari Ruhanga. Ka nyemerere. Tihariho na kimwe aha bindi ebi . . . Ebindi ebi niinyija kubiihayo, Mukama ku araakunde.

167 Mwetegyereze hati ensi e . . . Mpaho, mushwekuure omu Kitabo ky'Okushuururwa, nimubaasa kureeba oku yaarupimire naakoresa orugyero rw'emikono na zaamahiro. Enkumi ibiri na magana ashatu . . . N'ahabw'ekyo hati nitureeba ngu ekipimo ky'orwo-ky'orwo Rurembo, "mahiro rukumi na magana ataaano" sikweya.

Nimumanya ahu rwakuhika? Ndupimire, saabiiti egi. Rukaaruga Maine ruhika Florida, kandi ruruga aha mwaro gwa burugwa-izooba rurengaho mahiro magana mukaaga, burengyerwa-izooba ya Mississippi. Omu bindi bigambo, kimwe kya kabiri ky'eihanga rya Amerika, ruri Orurembo rwonka.

Noogira oti, "Omwanya nk'ogwo tigukaaboneka."

168 Enyanja yaaheza kwiwhaho guryaboneka, 'habw'okuba haihi ebicweka bina ahari bitaano by'ensi biri omu maizi. Ekyo kihikire? Okubaruka kuryayomya enyanja, kuryabarura ensi. Oo, mugyenzi! Mwijukye, sikweya mahiro rukumi na magana ataano, ka n'Orurembo! Kandi, kwonka, mwijukye, enyanja eryaba etakirih.

"Kandi obukiika n'obwemi nibwingana." Ekyo nikiruhindura mahiro rukumi na magana ataano orubaju oru, mahiro rukumi na magana ataano orubaju ruri; mahiro rukumi na magana ataano; oburaingwa n'obukiika n'obwemi. Mahiro rukumi na magana ataano, kiteekateekyeho, ezaabu enungi. Kandi orwo Rurembo rukuba rwine orugo orurwehinguririize.

169 Hati, hati, ekyo tikirikumanyisa ngu, ahabw'okwingana . . . Ekagira ngu, "Orugo n'omusingye bikaba nibingana," ekyo tikirikumanyisa ngu ni bokisi nari sikweya. Hariho ogundi muringo gw'enshusha y'ensi n'oku eyemi gw'okupima, ngu obuhango bwa bwemi, n'obukiika, n'oburaingwa nibwingana, ekyo ni, piramidi. Nirwingaingana ebaju ina zonna, "embaju ina zonna nizingaingana," kandi engo zaarwo zikaba nizingana.

170 Ka nteere ekishushani kyarwo. [Ow'eishe-emwe Branham yaateera ebirkushoboora aha rubaaho -Omur.] Nimureeba: oburaingwa, obukiika, obwemi. Twaza kutaaha omu kintu, buzima kwo. Mwareeba? Mwetegyereze, ekipimo ky'enshonda egi nikinganira kimwe, zonna, o-oburaingwa n'obwemi. Hariho ogundi muringo gw'okupima, piramidi, ogurikugihamy.

Oru, ahabw'okuba omu muringo ogu, nikibaasa kugarukamu akamanyiso ka Enoka buzima omuri Misri, piramidi. Kikaabaasa? Enoka, okucwekyerera kw'omwegyemure kutakabaireho, okwiwhaho orubanja ku kwabaire nikutaahamu, akareeta akamanyiso, kandi omuri piramidi egi harimu amatembezo mushanju agarikuza omu kishengye ky'omugabe. Mwetegyereze aha itembezo rya mushanju, ku muraabe mureegire oku piramidi eyombekirwe, orikwija kubugana orikwija, kumwanjurira omugabe. Mwetegyereze omurinzi oyemereire aho, kandi noija kureeba obunaku obu mutwiremu, omuri piramidi.

171 Hati, Ruhanga akakora Zaabaiburi ishatu. Hati, hariho okwegyesa ahari piramidi kw'obushem, kwonka hariho piramidi ehikire. Mwareeba? Mwetegyereze. Hati, Ruhanga, Baiburi y'okubanza . . . Akakora ishatu. Buri kintu kiine kuba omuri zaishatu.

Yesu naija emirundi eshatu. Akaija, rimwe, kucungura Omugore We; ogundi murundi, kwakiira Omugore We; ogundi murundi, ari n'Omugore We. Mwareeba?

172 Hati mureebe oku kiri kirungi. Mwareeba? Kandi omuri piramidi egi hakaba harimu amatembezo mushanju, reero bwanyima ekishengye ky'omugabe. Kandi turi omu busingye bwa mushanju, Omugabe atakashutamire aha Kitebe kye ky'obukama. Kandi, mwijukye, egyo piramidi tibakagithoga ekifundikizo kyayo.

173 Baiburi ya Ruhanga y'okubanza ekaba eri omu kaabunga, Zodiaka; neetandika kandi eraba omuri buri busingye. Ey'okubanza, okutandika kwa Zodiaka, n'omwishiiki oshugaine; okwo nikwo Yaizire, okubanza. Ekishushani ky'aha muheru omuri Zodiaka ni Leo entare; Okwija kwa Kabiri. Otakahikire aho hariho ebyenyanja ebirabaniisemu, nibwo busingye bw'ekookoro, obu tutwiremu hati.

Hakabaho piramidi ahanyima y'ekyo, Enoka, ekyajuriire buzima. Titukaatunga obwire bw'okukizamu, kwonka, ekiro kimwe, Ruhanga yampwera, niinyija kubooreka, buzima nteere ebirkushoboorora eby'obwire obu tutwiremu. Mwareeba?

Mwetegyereze, okupima oku kw'enshusha y'ensi n'oku eyemi oku twine, okugyera okurukwingana, tikirikumanyisa ngu niruteekwa kuba bo-bokisi. Mwetegyereze, eki kikaagarukamu ekyo Misri . . . niimanyisa akamanyiso ka Enoka omuri Misri.

174 Omu bunaku bw'okushemeza ensi, okurabira omu kubatizibwa kwayo kw'Omuriro, nihaja kubaho omuriro mwingi ogurikuruga omu itaka, nk'ensi egi erikubaruka, kandi eryatsindika Orushozi oruri nka piramidi. Mwareeba? Hariho omwanya ogurikumara kukikora! Ekintu eki kyona kiryahindurwa. Ahaiguru hoona haryahinduka. Mwakitunga? Kiryatsindika Orushozi orurikushushana piramidi.

175 Eki buzima nikiba nikiikirizana n'Ekgambo ku kiraabe kiri kityo, kandi nikwo kirikwija kuba. Hati mwetegyereze, ahakuba, omuri Isaaya 65:25, ahu twaheza kushoma, nikwo Yaagambire.

Aha rushozi rwangye orurikwera rwona tibarikoreraho kubi, n'obu kwakuba okucwekyereza, nikwo MUKAMA arikugamba.

Oo! "Aha Rushozi Rwangye orurikwera rwona!" Mwijukye, kituura kiri "Orushozi."

Engo ku ziraabe zaabaire ziri bwemi eruguru n'eifo, Orurembo oru nirubaasa kureeberwa aheeru . . . niimanyisa omunda, Ekitebe ky'obukama nikibaasa kureeberwa omunda; knownka mwetegyereze nikibaasa kureeberwa omu nda honka.

Kwonka hati nitureeba okuragaanisa omuri Isaaya 4:5. Ka tukishome.

176 Mwine obwira? [Abateeraine baagira bati, "Ngaaha." -Omur.] Ngaaha, mutagira obwira hati. Tu-tu-turi aha-aha kintu nanka hati, obwire bwingi-obwire bwingi kugira ngu muteekwe mwetegyereze hanu honyini. Habw'okuba, eki niinyenda ngu eki kyetegyerezibwe gye. Reero ku turaakigarukyeho ogundi murundi, obwo ni-niinyija kubooreka ahu-ahu turikugamba, eki, omu ishomo ryaitu eriraakurateho ahari eki, obundi bwire.

177 Oo, Mukama Yesu asiimwe! Mwetegyereze hanu, oku Ebigambo ebi bitarikubaasa kuremwa. Hati mureebe hanu omuri Isaaya. Nkihandiikire hanu, naaba nimbaasa kikitunga ogundi murundi, mube murekire kakye. Isaaya 4:5. Hati muhurikize, naagamba aha Kwija kwa Mukama, oku emicwe y'abakazi yaabaire neeza kuba mbi munonga. Oo, akagira ati, "Abakazi mushanju . . ." Muhurikize. Ka tukishome. Mureebe hanu.

Eryo izooba abakazi mushanju baryaza aha mushaija omwe, bamugire bati: Nitwija kweriisa, . . . twejwekye, knownka otwikirize, twetererwe eiziina ryawe; otwiheho ekihemu.

Obwo n'obwire bw'aha mperu, obu tutwiremu hati; okushwera, okushenda, n'obwamaraaya, n'ebindi.

Eryo izooba eitaagi rya MUKAMA riryaba rirungi kandi ery'ekitiinisa; . . . n'Abaisraeli abariba bahonokireho, . . . ebyezire omu nsi yaabo biryabehimbisia, . . . bibareetere ekitiinisa. (K'oriba ohonokire orubanja orwo! Mwareeba?)

Bwanyima omuntu weena oriba atsigaireho omuri Saayuuni n'oriba ahonokireho omuri Yerusaalemu, arya . . . (Ka tureebe.) . . . omuri Yersaalemu akahandiikwa omu bahuriire bamwo, aryayetwa orikwera, mwareeba:

Obwo Mukama ku ariba yaaherize kwozya oburofa bw'abaishiki ba Saayuuni, (mwijukye, burijo ogwo n'Omugore, mwareeba) . . . n'okumaraho amabara g'eshagama omuri Yerusaalemu, (abo n'Abayudaaya abahonokireho, hamwe n'Omugore, mwareeba) . . . kandi naabiihisaho omwoyo gw'emanja z'oburyo n'ogurikwotsya, omuriro . . .

Okwo burijo n'okucwa orubanja kwa Ruhanga, Ku Asharamu orubanja rw'aha muheru. Akweta, akwihamo orubanja, kandi akureeta omu kucungurwa; bwanyima orubanja Rwe rukwijaho, kandi Omwoyo Orikwera n'Omuriro bikushemezaho ekibi. Obwo oba Owe.

Ekintu nikyo kimwe eki Arikukora aha nsi, ku Arikugishemeza n'Omuriro, "n'omwoyo gw'okwosya." Hati mureebe. Muhurikize! Mweteekateekire?

Bwanyima MUKAMA aryata aha Rushozi rwona orwa Saayuuni n'aha bantu abariba bateeraniireyo ekicu ky'omwika nyomushana, n'okuhweza kw' . . . omuriro ogurikwaka nyekiro; ahabw'okuba ekitiinisa kyaho kyona (kiruya oburinzi.)

178 [Ow'eishe-emwe Branham yaashoboorora naakozesa orubaaho -Omur.] "Mukama, aha izooba eryo, ahaiguru yaarwo, aryahanga Omuriro gw'Omushana kwaka nyomushana." Kandi nikigumizamu kandi kigira kit, "Ruryaba obwegamo, oburuuhukiro, obuhungiro." Mwetegyereze, kutuma Baiburi yaagamba, buzima. Engo zaarwo zikaba zihikiire kimwe eruguru n'eifo, okaba otarikubaasa kurureeba. Rwine kwegamira. "Aha Rushozi Rwangye orurikwera rwona . . ." "Aryahanga Omushana ogu aha Rushozi oru, kandi guryaba orw'oburinzi." Oo, tweshongora ekyo kyeshongoro:

Oo, orwo Rurembo aha Rushozi Saayuuni,

Nk'omuhinguzi, knownka nabwo nindukunda;

Hati n'okuraba omu busingye bwona,

Ku ndihika omu Rurembo orwo aha Kabungo. Mwareeba?

179 Mwetegyereze, Orushozi Sinai niho Ruhanga yaashuumire aha mutwe rwarwo, obu Yaagamba na Israeli omu Nyomyo y'Omuriro. Akashuumira aha mutwe gw'orushozi, Orushozi Sinai.

Aha Rushozi rw'Okuhindurirwaho, obu Yaaranga ati, "Ogu niwe Mwana Wangye Ou nkunda; Mumuhurire," Akashuumira omu Nyomyo y'Omuriro n'okumurinkana kwingi, aha mutwe gw'orushozi, omu maisho ga Petero, Yakobo, na Yohaana. Kandi, omunda omwo, Akoorekwa ari na Musa na Eliya; owaatwairwe, n'owaafiiire akazooka. Ekitiinisa!

180 Orurembo Orusya n'Ensi Ensy; okuhanga okusya; Orurembo oruri aha Kabungo, n'Ekitebe ky'obukama kiri aha mutwe rwako. [Ow'eishe-emwe Branham yaateera ebishushani ebirikushoboorora aha rubaaho, ebiine akakwate na zaaparaguraafu nkye ezaaza kurataho -Omur.] Ekitebe ky'obukama ahaiguru hanu, aha mutwe; n'abatuuragye, hoonahoona eruguru n'eifo, aha Rushozi oru.

Kandi orugo orwehinguririize hanu, rwine emisingye ikumi na ibiri. Kandi buri gumwe omuri zo harimu eibaare eryabaire riri aha kifuba kya Arooni, agaabaire nigajwekyera enganda ikumi na ibiri za Israeli.

Kandi, ago marembo, rukaba rwine amarembo ana buzima nka hekalu y'omu ihamba, nk'eihema eryabaire riri omu ihamba. Mwetegyereze buri rimwe, ri-rikaba riine entumwa, ishatu ahari buri rubaju, entumwa ikumi na ibiri. Buri . . . Kandi rukaba rwine obwemi bwa mikono igana na makumi ana na ina. Emikono igana na makumi ana na ina buzima neingana na fuuti magana abiri na ikumi na mukaaga, kireetera buri ibaare omuri ago mabaare mahango kuhitsya oburaingwa bwa bwemi haihi fuuti makumi abiri, eibaare ry'aha kifuba omu irembo eryo, agakozire orwo rugo orwabaire rwehinguririize orwo Rurembo.

181 Hati rwo, orwo Rurembo, tiruri aha mutwe gw'orugo, 'habw'okuba orurembo, orurikuhitsya mahiro rukumi na magana ataano, tirurikubaasa kukora ekyo. N'orugo hanu, oru orikutaahiramu, nk'amarembo ga Yerusaalemu aga ira. Okaba otaahamu, noorabira omu rugo.

Kandi buri rimwe, rikaba riine emisingye ikumi na ibiri, kandi buri rimwe rikaba riine simaragido n'agandi mabaare, agaabaire nigajwekyera enganda ikumi na ibiri za Israeli.

Kandi entumwa, buri emwe, aha irembo eryo rihango, ry'eruuru ekwataine, hakaba hariho eiziina ry'entumwa. Kandi Yesu taragizire ati, "Muryashutama aha bitebe ikumi na bibiri, mucwere enganda ikumi na ibiri za Israeli emanja."? N'oha owaabaire ashutama aha irembo, kucwa emanja, ku baabaire bataaha omu Rurembo? Oo, mugyenzi! Nikyo ekyo. Abagabe b'ensi baaba nibataaha omu Rurembo orwo, bahika aha muramuzi entumwa, nk'oku Yesu yaakiraganiise. Oo, mugyenzi!

182 Aha Kitebe ky'obukama eki, ahaiguru yaakyo, mahiro rukumi na magana ataano ahaiguru, ensi yoona eryareeba Omushana gw'ensi, Yesu, ashutami aha Kitebe ky'obukama ahaiguru y'ensi, ahaiguru y'Ekanisa, ahaiguru y'Orushozi Saayuuni; orurikuhitsya mahiro rukumi na magana ataano, obuhango bwa kimwe kya kabiri ky'eihanga rya Amerika, kandi rutunguukye batyo ahaiguru okuhitsya obu orikubaasa Kumureeba ei orikuba ori hoona omu nsi, mahiro rukumi na magana ataano bwemi.

183 Kandi okunyegyera n'okushuumma hanu, haryabamu Abacungwirwe. Haryabayo amaju g'ezaabu enungi. Haryabayo enguuto z'omu rurembo, n'emyanya y'okuruuhukiram, n'emisiri. Kandi Omugyera gw'Amagara nigushuumma, nigusheneneka niguruga omu Kitebe ky'obukama, kandi nigwitururuka niguraba omu bururuma bukye kandi, oo, nigusheneneka omu mabaare. Kandi Omuti gw'Amagara nigwija kuba nigurabya omuri buri musiri; kandi nigwana ebyana Byagwo, emirundi ikumi na ibiri omu mwaka, ekijuma kisyu buri kwezi.

Kandi abagabe b'ensi baryarutaahamu barureetemu ekitiinisa kyabo. "Kandi amababi n'ag'okutambira amahanga," obwo abagabe batwire omu busingye aheeru okwo. Ku barishohora aheeru, baryacwa omuti, bacweho eibabi nka bat. Nk'oku enkombe yaagarukire, ngu ekiniga kya Ruhanga kikaba kihweire, kandi yaareeta eibabi ry'erangi ya kinyaatsi omu meer. N'ahabw'ekyo omugabe yaagyenda, ahabw'okureeta ekitiinisa kye omu kishengye ky'Omugore hanu omu Rurembo, aryakwata eibabi aryorekyeze omugabe mutaahi we, kandi, "Twine obusingye ebiro byona." Amiina! Okutambira amahanga! "Byona bihweire. Rimwe tukarwana ngu omwe asheeshe eshagama ya mugyenzi we, ow'eishe-emwe. Kandi twamaranaho, twateera orwari; kandi twarasha, kandi twayotsya abaana, buri kintu. Kwonka hati hariho obusingye, okutambirwa." Ti kutambirwa endwara; ebyo byona bikahwa. Okutambira amahanga! Amiina!

184 Orurembo orwine Ekitebe ky'obukama aha mutwe gwarwo. Okushuuuruwa 21:23, "Tibarikwetenga omushana, ahakuba Omwana gw'Entaama na Ruhanga nibo Mushana gwaho." Mwareeba? Mukama Ruhanga niwe egoy Nyomyo y'Omuriro eyaabaire ekuratira abaana ba Israeli omu ihamba. Mbwenu atembire yaaza aha Kitebe ky'Obukama, omu Bukama obwo obuhikiriire. . . obu obwire . . . "Obukama obu Yesu arikwija kukwatsa Ishe, kugira ngu Ruhanga abe byona, kandi omuri byona." Yesu ashutami aha Kitebe Kye hanu, nka Yosefu waitu. Kandi ogwo Mugabe niwe ogwo Mushana oguriba aha mutwe gw'Orushozi Saayuuni, kandi Omushana Gwe ogurikwera guryamurikira kimwe Orurembo rwona. Haleluya!

185 Mahiro rukumi na magana ataano bwemi, na mahiro rukumi na magana ataano sikweya, na zaaparadiiso za Ruhanga zombekirwe omu Rurembo orwo rwona; enguuto, enguuto z'omu rurembo! Shoma ekitabo kyawe ky'Okushuuuruwa 21, orebe yaaba kitahikire. Mwareeba, "Okwo tibarikwetengayo omushana, ahakuba Omwana gw'entaa niwe Mushana." Kandi aha Kitebe ky'obukama nihabaasa kureebwa, ashutamiho, mahiro rukumi na magana ataano.

Tirurikwinamuka bwemi ruti, niruhengama, nka piramidi. Kuri nirubaasa kuba kimwe kya kabiri ky'omwanya, obwo ekyo kikaaba nk'okuhika eruguru nka bat, nimureeba, okuruga omu rurembo rumwe kuza omu rundi . . . kandi ku murayetegyereze, okuruga aha rubaju rumwe rw'Orurembo okuhika aha rundi.

186 Nimbaasa kugira akantu aku naanagamu hanu mwanyikiriza. Mwayetegyereza akabiina kakye akari hanu? Ni

nk'akacweka ako, omwanya ogurukwehinguririza. Georgia, California, okuhika Saskatchewan; okuruga Kansas, okuhika aha mwaro gw'amabaare ogwa Maine; nibo abo abateeraine. Nibo nk'abo abateeraniire hanu honyini, nka mahiro rukumi na magana ataano sikweya.

Oo, nibaruga Oburugwa-izooba n'Oburengyerwa-izooba,

Nibaruga omu nsi ya hare;

Kurya obugyenyi n'Omugabe waitu; kurya . . . (Ahari ki? "Omuntu tatungwa by'okurya byonka." Atungwa Omugaati, Ekigambo!) . . . kurya nk'abagyenyi Be;

Abangyenzi aba ka bahairwe omugisha!

Om u nsi, nintekwa kugamba eki, nkaba ntakarebaga abantu abari nkabo.

Oo, kureeba aha maisho Ge aharikwera

Nihamurinkana n'Omushana gwa Ruhanga;

Abahairwe omugisha kukwatanisa omu mbabazi Ze,

Nk'amabaare g'obuguzi bwingi omu kirunga Kye baryamurinkana.

Oo, Yesu naagaruka juba,

Emirabanamu yaitu obwo eryahwa.

Oo, mbwenu Mukama waitu ku yaakwija amagingo aga?

187 Tikirikwija kutwara obwire buraingwa. Buri kintu kihikiire kimwe. Enshusha y'ensi n'oku eyemi, Sodoma, entumwa; buri kimwe kiri omu mwanya gwakyo buzima. Mwareeba? Nikimanyisa ki? Teekateeka kwonka, kwija ahari tabirinaakuru nkye egi, mahiro rukumi na magana ataano sikweya, ekipimo nikyo kimwe.

Ahabw'enki Ruhanga yaateekateekire kandi akata omutima munonga ahari ako kaanya kakye ka Palesitaini, mwareeba, kandi obwo kari akaanya kakye? Kwonka omunda omwo niho hekalu eri. Okwo niho Yerusalem Orusya rurikwija kuba, okwo honyini. "Zeituuni, Ekibungo kya Zeituuni kiriyashatukamu kabiri, ekicweka kimwe kize aha mukono gwa buryo n'ogwa bumosh," buzima, yaatsindikwa okuruga omunda. Ti, nk'oku bagira, ngu eryatsindikwa eyebaganisemu kabiri nka bat. N'okutsindikwa ahaiguru, "Aha izooba eryo ku Arita ebigyere Bye ebirikwera aha Rushozi oru." Mwetegyereze, aha Kitebe Kye ky'obukama, mahiro rukumi na magana ataano bwemi!

188 Mwijukye, rimwe, Sitaane akagyezaho kumwotsya, aha mutwe gw'orushozi. Mwareeba?

Orurembo Orusya rwine emisingye ikumi na ibiri, nk'oku tukirabiremu, baatatenkuru ikumi na babiri; mikono igana na makumi ana na ina; nikyo kijwaro ky'aha kifuba kya Arooni; amarembo ikumi na abiri g'eruuru, amaziina ikumi na abiri g'abeegei.

Yesu ayemereire, Eibaare ry'aha mutwe, aha Kitebe ky'obukama, abarikwera Be ku bariba baaherize Kumujweka ekirunga, "Omugabe w'abagabe, Omukama w'abakama." Kandi Niwe Eibaare ry'aha mutwe.

189 Tinyine akashaho kangye ka sente. Kwonka waareeba omu kashaho kaawe ka sente, waaba oine enooti ya doola emwe, eine akamanyiso ka Amerika; empungu aha rubaju rumwe, ekwatsire amacumu, ebishushani ebirikujwekyera eihanga, nk'oku kiri; kandi aha rubaju ruri, eineho piramidi, hariho n'eriisho kareeba byona ahaiguru yaayo. Mwareeba, bakaba batarikumanya eki baaabaire nibakora. Kandi ahariyo hahandiikirweho omu Luratini, kandi noija kushanga ngu nirukigamba, aka "n'akamanyiso kakuru." Tibaramanyire eki baabaire nibakora. Kayaafa nawe taramanyire ngu akaba naaragura.

[Ow'eishe-emwe Branham yaateera ebirikushoboorora aha rubaaho -Omur.] Nkako Akamanyiso Kakuru. N'oru hanu, mwareeba, orwo Rurembo. Tirugarami nka bokisi nka bat, mwareeba, kureka rwegamiire ahaiguru kugira ngu rubaase kureebwa. Kandi aha Rushozi orurikwera oru rwa Mukama, Mukama aryashuuma aha mutwe gw'Orushozi Rwe; Ngugu hanu. Egyo niyo nshonga eyaatumire Enoka ataataho eibaare ry'aha mutwe. Mwareeba? Egyo niyo nshonga erikutuma Eibaare ry'okufundikira rishemereire kwija hati. Kandi orwo Rushozi ruryatsindikwa ahaiguru, kandi ruryaba Orushozi rwa Mukama.

190 Kandi omunda hanu haryatuuramu Abaacungwirwe. Ezi, nguuto z'omu rurembo, n'enguuto rugyendwa mpango, oku kiri, emyanya y'okuruuhukiram, kandi n'Omugyera gw'Amagara guryarabamu, gurabiremu kimwe. Kandi buri nju eryaba eyombekirwe omu zaabu enungi. N'enguuto z'omu rurembo ziryaba zikozirwe omu zaabu. Kandi haryabayemiti y'Amagara, kandi eryayana ebyana by'emiringo ikumi na ibiri. Kandi abagabe n'abashaija b'ekitiinwa b'omu nsi baryareetamu ekitiinisa n'ekitiinwa kyabo omuri ago marembo. Kandi amarembo tigarikingwa nyekiro, ahabw'okuba tihabayo nyekiro.

Omuri orwo Rurembo ei Omwana gw'entaama ari Omushana,

Omuri orwo Rurembo ahu nyekiro etaba;
 Okwo nyineyo ekikaari, ei kufa kubi nookora n'okwemereza omutima bitaba,
 Oo, ningyenda okwo ei ogwo Mwana gw'entaama ari Omushana.

191 Timurikureeba ku etauni, endembo, amaju, obutaaho, ni-nibikigambaho hati hati? Ebintu ebi byona by'obutoosha n'ekicuucu.

Twara eky'okureeberaho ky'ekicuucu, ekiri hangahari, nk'omukono gwangye. Hatakabaireho e-ekirikyo kyonyini . . . niimanyisa ekicuucu, nihateekwa kubaho ekirikyo kyonyini. Mbwenu, nimureeba, ekyo kicuucu, nooshusha oti nyine enkumu nyingi, kwonka waatandika kukiiriza haihi hamwe, ni-nikhendera rwaba rumwe, reero ekicuucu kinywengyeberera omu ngaro.

Kandi ekyo, obwire bwingi, abantu bateekateeka ngu hariho Baaruhanga bashatu nari bana. Nooreeba enyima hare omu bunaku bwa kare bw'okuhunduuza. Mwareeba? Oshuume eifo hati kandi, noi ja kushanga, kureebera kimwe okuhitsya obu oraareebe Omwe. Nikyo ekyo buzima.

192 Hariho Omugore omwe; ti baingi, ebigombe by'amadiini. Kureka Omugore omwe, niwe ogwo Owaatoorainwe, okuruga omuri buri . . . okuruga omu-okuruga omu nsi abaatoorainwe ahabw'eki, nibo abo abarikubaasa kwetegyereza omwanya gwabo omu Bukama.

193 Aha Kitebe ky'obukama eki, ahaiguru munonga! Orurembo Rusya; n'emisingye; amarembo ikumi na abiri; Yesu, Eibaare ry'aha mutwe; entumwa, nibacwera emanja; enganda ikumi na ibiri.

Piramidi ya Enoka tekaagira kicuucu obwire bwona bw'eihangwe. Nkaza Misri, ahari zaapiramidi. Ekombekwa etyo nk'oku ensi eyemi, kandi omu kipimo ky'endeebeka y'ekintu eki rutaaba; okuhitsya, n'obu eizooba ryakuba riri nkahi, ekicuucu tikirikuza ahari egoy piramidi. Nimureeba oku kiri?

Kandi okwo tiharibayo nyekiro. We ari ahaiguru y'Orushozi, naarwijuza ekitiinisa Kye. Omushana gw'Ekitiinisa Kye guryabayo obutwire bwona. Tiharibayo nyekiro. Yesu, Eibaare ry'aha mutwe!

194 Hati mwetegyereze. N'ahabw'ekyo, Abacungwirwe baryagyendera omu Mushana. Hati nitweshongora, "Turyagyendera omu Mushana, ogwo Mushana murungi." Omuriitwe harimu ekintu ekirkugamba munonga. "Aherize kuruga omu kufa ataahire omu Magara." N'ahabw'okuba ekyo kitegyereize. Mwareeba? Ekyo n'ekitirimu, eki turikwehuriramu.

Buzima, eki ni . . . Mweteekateekire? Oru nirwo Rurembo oru Abrahamu yaabaire naasherura. Mwareeba? Ahabw'okuba nabi, akamanya ngu haine ahu orwo Rurembo rwabaire ruri. Baiburi nikwo erikugira. N'ahabw'ekyo akatsigaho orurembo oru yaabaire naatuuramu, reero yaagyenda; mureebe ei yaagiire, buzima ei ruriba. Mwareeba? "Akaba naasherura Orurembo Orwagyezirwe kandi rukombekwa Ruhanga," mwareeba, ahabw'okushangwa ari nabi.

195 Yesu akaza kutebeekanisa, n'emikono y'Obwaruhanga, Orurembo rw'Obwaruhanga; Ruhanga Omwombeki, ahabw'abantu abaaguzirwe Ruhanga, ahabw'abantu abaamanyirwe ira batakabaireho. Akaza kutebeekanisa.

Abrahamu akaba nausherura. "Kandi akaatura ngu akaba ari omugyenzi kandi omugyenzi, ahakuba akaba naasherura Orurembo Orwagyezirwe kandi rukombekwa Ruhanga." Nabi ogwo, arikumanya ngu haine ahu ruri! Yohaana akarureeba nirshooma nirwija, kwonka Abrahamu we akateekateeka ngu rukaba niruteekwa kuba rwabaire ruri omu nsi obwire obwo bwonyini. Ahabw'enki? Akabugana Melekizedeki, Omugabe waarwo, kandi Yaamuha kimwe kya ikumi. "Owaabaire ataine ishe, nari nyina. Akaba ataine butandikiro bw'amagara n'obugarukiro bw'amagara." Abrahamu Akamubugana, kandi baashembera hamwe aha mwanya ogwo gwonyini ahu Orurembo orwo buzima ruritunguurwa, Orushozi orurikwera rwa Mukama, ahu Abacungwirwe ba Mukama barituura. Oo, mugyenzi!

Obwire obwo tibwemerera. Ngaaha, turi omu bwire; ahanyima y'akaanya kakye nitwija kutaaha omu Butahwahwo.

196 Oo, Orushozi orurikwera! Nihaija kubayo enguuto z'ezaabu enungi, enguuto z'omu rurembo; n'amaru, n'emyanya y'okuhuumuriramu. Eki ku muraabe nimwenda kukishoma, Okushuururwa 21:18. Omuti gw'Amagara nigwija kubayo; ebijuma ebitarikushushana by'emiringo ikumi na ibiri, rimwe buri kwezi, niguza kubyana. Abantu abarirya ebijuma ebi, nibaza kuguma nibahindura omuryo gwabo, buri kwezi.

Kandi n'ebya-n'ebya . . . n'ebi'abarikusingura bonka. Ekyo nimukimanya? Tiby'ebigombe by'amadiini.

Noogira oti, "Ekyo nookimanya, Ow'eishe-emwe Branham?"

Ka tubiikuure omu kitabo ky'Okushuururwa 2, ahabw'edakiika yonka, tukireebe. Okushuururwa 2:7. Ka tureebe yaaba buzima gari Amazima nari gatarigo. Okushuururwa 2:7 nihadhomwa hati.

Kandi oine amatu, ahurire eki Omwoyo . . .

Hati, mwijukye, Tarikugambira Abayudaaya hati. Egi n'Ekanisa, Abanyamahanga.

Oine amatu ahurire eki Omwoyo arikugambira amakanisa. Orikusingura Ndyamwikiriza kurya aha muti gw'Amagara, oguri (ahagati ya) Paradiiso ya Ruhanga.

197 “Abasinguzi bonka, abaasingwire enyamaishwa, bakasingura akamanyiso kaayo,” obwo n'Obukaturiki, Obupurotesitante, obunyabigombe, “abaasingwire enyamaishwa, akamanyiso kaayo, enyuguta z'eiziina ryayo.” “Aryatunga obugabe aha Muti gw'Amagara, kutaaha omu marembo ahu ekintu kyona ekirikushiisha kitaribaasa kutaahamu.” Mwareeba? Mukiteekateekyeho. Hati, murindeho edakiika emwe hati, tweyongyere omu maisho kakye. Omuti gw'Amagara guryaba ogw'abasinguzi bonka.

Amababi garyaba ag'okutambira amahanga. Ekyo ni, abagabe abatwireyo, baryareetamu ekitiinisa kyabo, ku barireetamu ekitiinisa kyabo kandi bakakita omu maisho g'Ekitebe ky'obukama kya Ruhanga. Nk'aheeru, ikumi . . . enganda ikumi n'emwe zikaba zireetamu, buri rumwe omurizo, kimwe kya ikumi ahari Leevi, mwareeba. Ku barireeta ekitiinisa kyabo omu . . . okuruga omu mahanga agahairwe omugisha, omurirwo, nibaija kukwata aha Muti gw'Amagara, bacweho eibabi rya kijubwe . . . niimanyisa eibabi ry'Omutsi gw'Amagara, reero bashohore bagyende kumwe. Tihakiriho ngamba. Buri kintu kiine obusingye. Amababi n'ekijutsyo, ky'okutambira amahanga.

198 Omuti nigwo gumwe, ti nka Adamu, aka . . . Hakaba hariho Omuti gw'Amagara omu Kibanja kya Edeni, ogu yaabaire naaza kuryaho kuri ataragwire. Ogwo Muti gw'Amagara gukaba gumwijutsya, obwire bwona, ngu obu . . . obutsigazi bwe bukaba nibugumizamu obwire bwona. Mwareeba?

Nikyo kimwe n'amahanga. Ago mababi garyaba ag'okutambira amahanga; mwetegyereze, ti burwaire hati. Oine obugabe nk'obu Adamu yaabaire aine, nk'e- . . . enkombe eine eibabi rya kijubwe, ni . . . buri mugabe naakwata eibabi.

199 Mwetegyereze, Omugyera gw'Amagara, obundi shana otugyera tukye twingi oturikugukora. Hati, omu nsi egi . . .

Naaza kuheza omu dakiika nkye. Omu nsi egi . . . Nari, naaza kuhendera. Obwo nibwo bwingi bw'ebihandiiko ebitsigaire byakyo, hati nk'empapura makumi ashatu. Yee. Mureebe.

Omum-omu magara aga, tinkareebaga ekintu ekirikumara eiriho nk'okuba omu nshozi haza okashanga, nk'oku naabuuriire ekiro kiri, ako kagyera nikahimintuka, ekirikuha amagara kyako. Waaba oruhire kandi oine eiriho, ogwe aha kagyera karungi; hare okwo ei obukooko oburikureeta endwara butarikubaasa kuhika, hare eifo okwo zaafuuti amagana n'amagana omunda y'ensi, nikahimintuka nikareeta, amaizi agashemeire, marungi, agarikuha amagara. Ekyo nitukisiima. Ekyo ni kikye. Hati, ensi erimu otugyera twayo twingi tw'amaizi agarikugaruramu amaani. Waaba oine eiriho kandi orikufa, okanywaho, amaizi maangi agarikufuka, niki-nikikuhwera kuguma ohuriire.

200 Kwonka mureebe ei Ogu gurikuruga. Omu Kitebe ky'obukama, okwo niyo gurikwiha ebirikuha Amagara byagwo. Niguruga ahansi y'Ekitebe ky'obukama kya Ruhanga, ahu Ruhanga ashutama.

Kandi yoona, ensi egi yoona, ensi egi hanu ahu tutwire hati; buri omwe, yaaba Abakristaayo, nari abapagaani, baine zaahekalu. Murakiteekateekireho? Amakanisa, boona.

Kwonka Oru rwo tirwine n'emwe. Baiburi ekagira ngu, “Kandi hakaba hatarimu hekalu. Ahakuba Mukama Ruhanga n'Omwana gw'entaa nibo Hekalu yaarwo.” Omwana gw'entaa niwe Tabaaza. Omwana gw'entaa niwe Hekalu. Omwana gw'entaa niwe Kitebe ky'obukama. Omwana gw'entaa niwe Magara. Niwe Hekalu egyo. Mwareeba, zaahekalu ezi zonna ziine eki zirikuramya; kwonka, omu Rurembo oru, Niwe orikuramibwa. Ari n'abantu Be. Omushana gw'Omwoyo We nigumurikira munonga Orurembo oru rwa piramidi.

201 Nka Petero na Yohaana, eruguru aha mutwe gw'orushozi. Omushana gukashweka omutwe gw'orushozi, kandi Eiraka ryagamba, ryagira riti, “Ogu n'Omwana Wangye ou Nkunda.”

202 Omu kitabo ky'Okushuururwa 21:3 na 4, “Eihema rya Ruhanga riri omu bantu.” Ruhanga atwire omu bantu, okurabira omu kubacungura, okurabira omu madaara ashatu aga. Hati Ruhanga naija kucungura ensi kandi atuure omu nsi, n'abantu Be b'omu nsi, abu Yaihire omu nsi. Kandi ekagwa okurabira omu kibi, kwonka e . . . Akagireka yaagumizamu. Kwonka hati Akatuma Yesu kucungura egyo nsi eyaagwire, ei turi ekicweka kyayo. “N'akashoky kamwe k'aha mitwe yaanyu tikaribura.” Yesu nikwo yaagambire. Akagira ati, “Ndyakazoora ogundi murundi aha kiro ky'aha mperu.” Mwareeba? Ahabw'enki? Ori ekicweka ky'ensi.

203 Mureebe, nkateera obuyaga kakye omukazi wangye arikungambira ngu eishokye ryangye rihweireho. Nkamugambira nti tihariho n'akashoky kamwe akabuzire.

Yaagarukamu ati, “Riri nkahi?”

Naagarukamu nti, “Ei ryabaire riri ntakaritungire.” Hoona ahi ryabaire riri, eki ryabaire riri; ahi riri hoona, rintegyereize. Mwareeba? Ekyo kihikire. Ekiro kimwe, niinyija kurishangayo.

204 Omubiri ogu ogukuzire, ogurikufunyarara kandi gukarereeta, kandi gukakyendera eruguru omu mabega, gukarumwa omu maju, n'o-n'okuzindaara amaraka. Ekyo tikiine nshonga. Noobaasa kuguziika omu Nyanja mpango, kwonka Enzamba eryansisiimura! . . . ? . . . Eego, sebo. Nitusa kuhindurwa, kimwe omu biro ebi. Ndi ekicweka ky'ensi egi ecungwirwe. Ori omu nsi, kwonka toine kakwate na kosimosi. Ori omu bundi buteeka, obuteeka obucungwirwe.

205 Mwetegyereze, "Hekalu ya Ruhanga eryaba omu bantu." Mwetegyereze, "Ebya ira biryaba bihweireho." Eki, ekintu eki, kihweireho. Eki nikimanyisa ngu Eiguru rishumire ahansi kutuura n'abantu. Mwareeba? Eiguru n'ensi bibumbatiraine.

Buzima nk'oku Enkombe yaizire aha kicweka ky'ensi, owaabaire ari Yesu; akaba ari omucuucu gw'ensi, omuntu. Ruhanga, naaruga omuri eryo ihuri ry'Amagara, okurabira omu maani agarikuhang. Kandi egyo Shagama eyaabaire eri omu . . . Amagara agaabaire gari omuri egyo Shagama gakatumba gaagaruka ahari Ruhanga, kwonka Eshagama ekatoonya aha nsi, kugyegarurira. [Ow'eishe-emwe Branham yaakongoota aha kituuti emirundi mingi. -Omur.]

206 Ahabw'eshagama eyaaretsirwe okurabamu, okuruga omu ntanga eyaakomookire ahari Kaini, mwareeba; hati Naagaruka n'amaani agarikuhang nk'oku yaakozire Adamu, kuhanga Adamu, hanu hariho Adamu wa Kabiri. Kandi okurabira omu kwecwamu okwo kw'entanga aho, ei (ekibi) Kaini yaacwiremu ako katafaari k'eshagama ahari ohikiriire, mwareeba, hati Akaatafaari k'Eshagama aka . . . Ahabw'okuba, akaita Abeeli, kwonka Abeeli akazaarwa okurabira omu kumanyana kw'omushaija n'omukazi.

Kwonka Ogu we tarazairwe okurabira omu kumanyana kw'omushaija n'omukazi. "Kukaba kuri okuhanga kwa Ruhanga, okutandika kwako," kandi Kukacungura ensi. Kandi karisiyamu yoona, potaashi, peteroriyamu, ekyererezi kya kozimiki, ebi okozirwemu, bicungwirwe. "Tihariho n'akashokye kamwe akaribura. Kandi Ndyagaruka nkazoore aha kiro ky'aha mperu."

Bwanyima nihakurataho ki?

207 Ruhanga naashuma aija kutuura omu nsi. Eki, We n'ekicweka kyayo, omubiri Gwe Gwonyini. Akaguzoora kugira ngu twihweho orurbanja, kandi twihwaho orurbanja ahabw'okwikiriza ekyo hamwe n'okukyakiira. Mwetegyereze omu birikushushanisa, Yesu naahinduka . . . Omu kushushanisa, Yesu naahinduka omuntu; Ruhanga . . . nari kuba yaamanyirwe ira kuza omu mwanya gwe, kutucungura, kutuma ebintu ebi byabaasika.

Mwetegyereze, aheeru y'engo zaarwo nungi, z'Orurembo oru.

208 Hati "Orurembo" mwarwetegyereza? Mwareeba, n'Orushozi orurikwera. [Ow'eishe-emwe Branham yaateera ebirikushoboorora aha rubaaho -Omur.] "Aha Rushozi Rwangye orurikwera rwona tibarikoreraho kubi, n'obu kwakuba okucwekyereza, nikwo Mukama arikugamba." Orurembo oru tiruri nka bokisi. N'Orushozi. Kandi o-obukiika n'oburaingwa n'obwemi, nibwingana, mwareeba; mahiro rukumi na magana ataano orubaju oru, mahiro rukumi na magana ataano orubaju ruri, mahiro rukumi na magana ataano okurwehinguririza; na mahiro rukumi na magana ataano bwemi. N'ahabw'ekyo n'Orushozi rutaaba, nka piramidi, kandi orwo Rurembo ruri aha Rushozi oru. Ekitiinisa!

Nikyo ekyo, nzizo zaaparadiiso za Ruhanga, Omushana gw'ensi, obwo Bukama obuhikiriire. Ti kiro kya mushanju; n'Obutahwaho! Mwareeba? Ti Kutegyeka kwa Kristo kw'emyaka rukumi, Ensi Nsy! Mwareeba?

209 Yaaba neeraba omu Kutegyeka kwa Kristo kw'emyaka rukumi, neeba neeraba omu idaara ry'okwezibwa kwayo, kwonka nabwo neeteekwa kwokibwa. Mwareeba? Eki, Eshagama ekacungura abantu, nikyoreka ekiijutsyo eki ngu ni . . . omuhendo gushashwirwe, egyo myaka rukumi. Kwonka nabwo neeteekwa kushemezibwa n'Omuriro; nk'oku naiwe waashemeziibwe, abajwekyerwa Be b'omu Rurembo oru, abajwekyerwa.

N'ahabw'ekyo ku waakufa nari okaguma ohuriire, nikireetaho ntaniso ki? Ku Yaakwija eriizooba, nari Akaija ahanyima y'emyaka igana, nari emyaka rukumi, niinyija kuguma mpumwire okuhitsya obu okuhindurwa kwangye kuribaho.

210 N'ahabw'ekyo, iwe mugurusu 'we naiwe mukaikuru, otacweka entegye. [Ow'eishe-emwe Branham yaateera ebirikushoboorora aha rubaaho -Omur.] Ku oraabe oine ekirikukujwekyera eruguru hanu, ekiri omuri Ruhanga eki; eki, Ruhanga; ku oraabe okiine, ku oraabe ojwekyeirwe hanu, torikubaasa . . . Ori omu Butahwaho. Kandi ku oraabe oherize kucwekanisa okaruga omu kiro kya mushanju, okataaha omu kya munaana, otaahire omu Butahwaho okurabira omu kubatizibwa kw'Omwoyo Orikwera, naiwe noobarirwa omuri Eki. Hati, ku oraabe otaire obwesigye bwawe omu kucamukirira, nari okugurukyera, nari, "Nkora eki. Nyeza ekiro kyangye kya mushanju. Tindya enyama," n'ebintu nk'ebyo, ebyo nibiza kuhwerekyerera, oku biri kwona. Mwareeba? Kwonka Eki n'Ekitahwaho. Mwareeba? Eki n'Ekitahwaho, Obugyenyi ahanyima y'obugyenyi bw'ensiisira. Mwareeba?

Obugyenyi bw'ensiisira bukaba buri obugyenyi bw'aha muheru, obugyenyi bwa mushanju. Hati nituramya ahansi y'obugyenyi bw'ensiisira, obusingye bwa mushanju bw'ekanisa.

211 Omu Kutegyeka kwa Kristo kw'emyaka rukumi, nitwija kuba ahansi y'obugyenyi bw'ensiisira, ogundi

murundi, omu kiro kya mushanju.

Kwonka, obwo, ahanyima y'ekiro kya mushanju, turyatunga Okuteerana Okurikwera, kugaruka omu Butahwaho. Tuta? Okurabira omuri Ogwo Otahwaho owaizire akatucungura kandi akatugarurayo, akatubaasiisa kwetegyereza ku twabaire turi ekicweka ky'Eki.

Hati noobaasa ota kumanya ngu ori ekyo kicweka? Ahabw'okuba, ekyo, Ekigambo ky'obwire, okuragaanisa kwa hati. Niki? Okugarurwa butsy aha kiro ky'okubanza, eky'okubanza. "Niwe arigarura butsy emitima y'abaana bakagarukana n'abazaire baabo," kugarura butsy ogundi murundi ebya pentekoote by'amazima, kutari okucamukirira; kandi naija kworeka Omushana gw'omwabazyo, Omwana niwe omwe owaayorekirwe omu Mushana gw'akasheeshe, nk'oku kyaragaanisiibwe ahabw'ebiro ebi. Amiina kandi amiina!

Turi nkahi, banywani, turi nkahi? Tutegyereize kuhigiza, kugira ngu Okushuururwa 11 ebaase ku . . . emanyisibwe Abayudaaya; ekyo kihikire, Okutwarwa nikwia.

212 Mwetegyereze, aheeru y'amarembo g'engo, okubuga Ensi Nsya yoona, amahanga garyatuura omu busingye Obutahwaho. Mbwenu hati niki? Abagabe b'ekitiinisa baryaruretam u ekitiinisa kyabo. Ekibi tikirkubaasa kubayo. Tihariho abakazi abashazire amashokye abaritaaha omu Rurembo orwo. Ekyo ninkikuhamiza. Tiharibayo abajwaire engoye ngufu munonga, n'abarikureetsa zaasigara. Baamaraaya, endaaya, nari ababeihu, abarikuramya ebishushani, kyona eki baabaire bari, tibaritaaha omu Rurembo orwo. Ngaaha, byona biryaba bitakiriho. Ekibi kiryaba kihweire. "Tihariho eky'okushiisha oburikwera bwaho ekiritaahayo." Ekyo nikyo Yaagambire. "Byona bihweire, okuhitsya ryari na ryari."

Mureebe oku n'oku omu misiri y'arwo n'okwehinguririza amarembo garwo:

Edubu eryatwaza gye, omushega guryaba gutaine bukambwe;

Kandi entare eryabyama n'omwana gw'entama;

Kandi enyamaishwa y'omu ishwa, eryayebemberwa omwana;

Obuhangwa bwangye bwa hati buryahindurwa.

213 Na rufu egi erikukukorera omu mubiri gwangye ogufa, na bukuru erikutaahamu, ndyahindurwa.

Ekyo kyeshongoro murakihuriire? "Edubu eryatwaza gye. Omushega guryamarwamu obukambwe." Tigurigurukira ahaiguru, kandi gukemerera kugira ngu gukwite. Nigwija kugyenda naiwe eifo omu tuhanda.

N'oha orikwija kubihungura? Abacungwirwe. Nibaija kuba baahi?

Mwetegyereze, nimbaasa kwegyesa ebirikushushanisa byangye byonka. Yetegyereze, Ow'eishe-emwe Lee.

214 N'oha owaashohoire akaza aha nsi na nabi Noa? N'abo abaataahiremu nawe omu meer. Ekyo kihikire? Nibo abo abarigigyendagyendaho. Mwareeba? Abo abaataahiremu na Noa, okurabira omu butumwa bwe, nibo abo abaatambwire aha nsi ensya ahanyima y'okubatizibwa kwayo n'amaizi.

215 Ogwo orikutaahamu na Yesu hati. Noomutaahamu ota? Ahabw'Omwoyo omwe; kandi Niwe Kigambo. Nooba ekicweka Kye. Ori ekicweka Kye kiiha? Ekyo Kigambo ekihuriire ky'obwire obu, kwetegyereza. Noija kugyenda Nawe omu kutegyeka kwa Kristo kw'emyaka rukumi. Obwo nibwo origyendagyenda. Mwetegyereze, ti b'obusinye busya. Okugarura!

Noogira oti, "Oo, Ow'eishe-emwe Branham!" Oo!

Mwetegyereze, Ruhanga ku araabe naabaasa kwhiayo Eliya kandi akamutwara, emyaka enkumi ibiri na magana ataano ehangwire, kugaruka kumugarura omu nsi ogundi murundi, kuba nabi aha Abayudaaya, obwo Tarikubaasa nangwa n'okukiraho aha Omugore!

216 Noa ku yaaherize kuruga omu meer, mwetegyereze eki Noa yaagambirwe ku yaaherize kuruga omu mwegymure, nk'oku kyabaire ahari Adamu owaamubandiize. Ku yaaherize kurugayo, kwija omu nsi nsya; ati, "Muzaare mukaye mwijure ensi," ahanyima y'omwegenyemure. Mwetegyereze, "bakaba bari ab'okukanya, bakajura ensi," nka Adamu okubanza.

Hati nimubaasa kureeba buzima hanu. Hati muhurikize mutaireho omutima munonga.

217 Adamu akaba ari "ow'okukanya kandi akajura ensi." Ekyo kihikire? Noa akaba, ahanyima y'ensya, (ensi ekacwekyerezibwa), akaba ari "ow'okuzaara akajura ensi." Mwakitunga? Hati timurikureeba "oruzaaro" rw'enjoka? Ensi ekaizuzibwa oha? Mwakitunga? Ni kirungi. Mwareeba oku Sitaane yaahikire ahari Haawa hati. Egyo niyo nshonga eyaatumire okufa kwategyeka ensi okwiha obwo. Kandi akaabunga, ensi, enyamaishwa, n'omwanya gw'ahaiguru, byona bikakyenwa Ruhanga ahabw'ekyo. Ogwo nigwo mukyeno, ahabw'okuba Sitaane akabanza ahari ekyo.

Yesu akaja kugicungura kugigaruriza Ishe. Kugira ngu akore eki, Akaba ekicweka kyayo; nk'oku naaheza

kukirabamu. Kandi okuruga omu mucuucu ogwo gwonyini (ekicweka eki Yesu yaabaire ari, We wenka) ahabw'okucungurwa okurabira Omuriwe boona abaabaire bari omuri Ruhanga bacungwire n'ensi.

218 Akaba ari Ekigambo ekyagambirwe. Itwe abaacungwirwe turi ekicweka Kye. Mbwenu, kuri nimubaasa kukyetyegyereza! Mwareeba?

Abafarisaayo bakeeyeta bo. Kwonka, nimureeba ekirikushoboorora kyangye ky'okubanza, bakaba bari ekyo ahabw'obwengye bw'obuntu. Bakaba batarikubaasa kwetegyereza Ekigambo ku Kyayorekirwe omu maisho gaabo. Bakagira bati, "Omushaija ogu n'omwoyo mubi."

Hati, eriizooba, nibatweta baanabi b'ebishuba. Nibatweta buri kintu kyona kibi eki barikubaasa kutweta, abanyadiini nibakitweta, mwareeba, abantu rugambwa kandi abaine etalanta. Mwareeba, tibarikwetegyereza. Mwareeba?

219 Okubatizibwa n'amaizi kwayo tikurabaasize kugyeza; n'okwabo tikuraabaase. Okwezibwa, n'Eshagama, kukagigarura, kwagyegaruriza. Kwonka okubatizibwa kw'Omuriro kukagyeza; nk'oku kwakozire Omugore We. Nk'okwihwaho orubanja, okwezibwa, okubatizibwa n'Omwoyo Orikwera.

220 Taragaaniise kureeta oruganda rusya, nk'oku naaheza kugamba, kureka Akaragaanisa kucungura abaagwire. A-abo abaatoorainwe ira batakabaireho, kugihungura nk'oku Yaaraganiise. Kandi We ni Ruhanga otahinduka; ekyo nitukimanya.

221 Mwijukye, Ruhanga akatwara Eliya, ahanyima y'okutwarwa, kandi yaamutwara, yaagaruka yaamuta omu bantu, kuza omu mwanya nka nabi omu bantu be; juba ekyo Naija kukikora. Kandi akamugumya, ahuriire, egi myaka enkumi ibiri na magana ataano. Naija kugaruka kureebeka ogundi murundi.

222 Mwetegyereze ogundi murundi, Akazoora Musa okuruga omu bafu. Ekituuro kye kirahi? Hariho orikubaasa kukibona? Mushome Ekitabo kya Yuda. Mwareeba? Sitaane . . . Maraika Omukuru naahakana na maraika omukuru, Sitaane, ati, no . . . "Mukama akuhane," naahakana naafa omubiri gwa Musa. Kandi hanu Petero, Yakobo na Yohaana bakaba beemereire aho nibamureeba, aha Rushozi rw'Okuhindurirwaho, aho honyini omu ihanga ahu orwo Rushozi rurikuza kutunguirirwa kugira ngu barutuureho. Mwareeba?

Kandi Akaija kugicungura.

223 Mwareeba, aho hakaba hariho Ekanisa eyaatwairwe obwo, ejwekeyeirwe; hakaba hariho abo abagwejegyeire, bajwekeyeirwe. Ni kahi? [Ow'eishe-emwe Branham yaateera ebirikushoboorora aha rubaaho, ahabwa zaaparaguraafu nkye ezaaza kukurataho -Omur.] Omu Rurembo; eruguru aha mutwe gw'orushozi. Mwareeba?

Hakaba hariho Petero, Yakobo, na Yohaana, nibareeba; bashatu, baakareebi. Hakaba hariho Eliya, Musa, na Yesu; nka baakareebi b'omu Iguru. Mwareeba?

Kandi hakaba hariho Musa, owaafiire, akaba azookire. Hakaba hariho Eliya, okutwarwa, akaba akiri ohuriire. Kandi boona bakaba bajwekeyeirwe aha rushozi oru orurikwera.

Kandi, Yesu, Omucunguzi. Obu Ruhanga, ahaiguru Ye nka bati, Akamusangira, yaagira ati, "Ogu n'Omwana Wangye ou Nkunda."

224 Mwijukye, Yesu akagamba, nk'eizooba rimwe ekyo kitakabaireho, Akagira ati, "Buzimazima nimbagambira nti, hanu hariho abeemereireho hati, abatarikwija kufa, batakareebire Obukama bwa Ruhanga nibuhamibwa omu maani."

Kikaba kiri ki? Abaabaire bafiire bakazooka n'abarikwera abaatwairwe, hamwe, kutwarwa hamwe Kumubugana omu kaabunga. Na Ruhanga Amusangiire, na Yesu ayemereire aho omu kicuucu eki, naagira ati, "Ogu n'Omwana Wangye ou Nkunda ou nshemerererwa," obuteeka bw'Obukama Busya. Oo, ow'eishe-emwe, ow'eishe-emwe!

225 Okufa tikukaakuhindura. Okufa kuhindura obutaaho bwawe kwonka. Mwareeba?

Mwijukye, Samueli, ku yaafiire kandi aherize emyaka ebiri azikirwe, akaba ari omuri Paradiiso. Kwonka omurogikazi wa Endoori akamwetayo, kandi Saulo yaamumanya; n'ogwo murogikazi yaamumanya, nawe, kandi yaagwa ahansi ajumaire. Akaba atakahindukire, na kakye. Akaba akiri Samueli owa ira, aherize emyaka ebiri afire, kandi kaba akiri nabi. Yaagira ati, "Nyecakare noiija kugwa omu rugamba, hamwe na mutabani waawe, kandi amagingo nk'aga nyencakare ekiro noiija kuba ori hamwe naanye." Kandi okwo nikwo kyabaire buzima.

Mwareeba? Kandi Musa ku aragarukye, na Eliya, ahabw'Okushuururwa 11, nibaija kuba bakiri baanabi. Haleluya!

226 Kandi seeri kuri, omu Nsi egyo, omu Rurembo ei Omwana gw'entaama ari Omushana, ndyakumanya, Ow'eishe-emwe McKinney. Ndyabamanya, bantu bangye 'mwe, amahunde gangye g'omu kirunga. Ku bariruga Obutrukwa-izooba n'Oburengyerwa-izooba, bakaija omu Rurembo; obu mahiro rukumi na magana ataano sikweya, ruryaba ruri aho, orwo Rurembo rw'enshonda ina ezirkwingaingana. Ku muriba muri aho aha Rushozi

orurikwera, obwo Ruhanga ashutami aho, na Yesu ari aha Kitebe ky'obukama. Reero enzamba y'ezaabu egambe Yosefu yaarugayo, kugyendagyenda omuri Paradiiso, n'abaana ba Ruhanga batsimbe amaju kandi Bamuramye, barikumanya ngu bakacungurwa. Mwareeba? Amiina! Haleluya!

Obumwe n'obumwe ngira orushusho rw'okuza omu Iguru,
 Kandi n'ekitiinisa eki Ndyareebayo;
 Ka kuriba okushemererwa obu ndireeba Omucunguzi wangye,
 Omu Rurembo rurungi orwo rw'ezaabu!
 Mpamize kuza omu Rurembo orwo orurungi,
 Oru Mukama ateekekateyeire Abe . . .
 [Omwanya oguriho busha aha rutambi rw'amaraka -Omur.]

227 Isaaya akagamba, omuri Isaaya 9:6 ati, "Kandi obusingye Bwe n'okweyongyera Kwe tibirigira bugarukiro. Obutegyeki buryaba aha mabega Ge; n'Eiziina Rye aryayetwa Omuhanuuzi, Mukama w'Obusingye, Ruhanga w'Obushoboorozi, Tataitwe Otahwaho. Kandi obutegyeki buryaba aha mabega Ge; kandi okweyongyera Kwe n'obusingye Bwe tibirigira bugarukiro." Nangwa n'enyaishwa ziriyo. Oo, mugyenzi!

Edubu eryatwaza gye, kandi n'omushega guryaba gutaine bukambwe;
 Kandi entare eryabyama aha rubaju rw'omwana gw'entaama;
 Kandi enyamaishwa y'omu ishwa, eryayebemberwa omwana;
 Kwonka niinyija kuhindurwa.

228 Obuhangwa bwangye obwa hati nibwija kuhindurwa, Ekiro ekyo ku kiryaija, ahakuba ningyenda omu Rurembo orwo. Mpamize kuza omu Rurembo orwo orurungi! Nimpurira Amaani g'obucunguzi omu mutima gwangye gwona hati.

Eki ku kiraabe kitari kityo, obwo nkanaga amagara gangye; nkeegyesa abandi ebintu by'ebishuba. Kwonka ku ndikuranza eifo kandi nkareeba okuragaanisa oku yaaraganiise ebi, haza nkareeba Nikuhikiirira; nkandi nkareeba abateeraniire hanu mahiro rukumi na magana ataano sikweya bashutami hanu, Entoore abeetsirwe okuruga omu bigombe by'amadiini n'enganda n'eniyikiriza n'ebindi, bateeraniire hanu; nk'oku ndikureeba Ekigambo Nikyeyoreka kyo kyonka, nimmanya, hatariho kubangaanisa kwona, ngu amahunde g'omu kirunga kyangye garyamurinkana okukira ekindi kintu kyona ky'omu nsi, aha Izooba eryo.

229 Nihaija kubaho obunaku! Bantu 'mwe, tituteeraniire hanu ahabwa busha. Ekitutegyereize kyonka n'obunaku obwo. Obwire buhweireyo munonga, munonga, kwonka Yesu ari haihi munonga, munonga. Kandi, Ekitiinisa Kye, nikitangaaza. "Eiziina Rye aryayetwa Omuhanuuzi." Orwo Rurembo, nimurureeba? Okwo niyo Omugore na Kishwera barituura, okutarigaruka ku . . .

230 Hati, ku muraabe nimugira ngu ni kirungi ku turikuvuga motoka mahiro amagana n'amagana kwija kushutama aha reero tukarya Ekigambo Kye, kandi obwo eki n'ekicuucu kwonka, kiryaba kita ku turituura omu Rurembo oru Nawe! Enju yangye ku eriba eri aha rubaju rw'eyaawe ndi mutaahi waawe, kandi ku turiryia ahari egyo miti, kandi tukagyendagyenda omuri ezo nguuto z'omu rurembo, ku turinamuka omuri ezo nguuto z'omu rurembo z'ezaabu tukaza aha nshuro, tukanywa ahari egyo nshuro, tukagyendagyenda omuri zaaparadiiso za Ruhanga, obwo Baamaraika nibazeereera ahaiguru y'ensi, nibeeshongora ebyeshongoro, oo, ekyo ka kiriba Ekiro! Kibishemereire byona. Omuhanda nigureebeka gurimu enkongi, obumwe n'obumwe guguma, kwonka, oo, biryaba nka busha ku Ndimureeba, nka busha. Amaziina mabi n'ebintu ebi baraagambire, ebyo biryaba ki ku Ndimureeba omu Rurembo orwo orurungi, rurungi rwa Ruhanga?

231 Ka twinikye emitwe yaitu.

Mpamize kuza omu Rurembo orwo orurungi,
 Oru Mukama ateekekateyeire Abe;
 Ei Abacungwirwe b'obusingye bwona
 Beeshongora "Ekitiinisa!" okwetoorora Ekitebe ky'obukama Ekirikwera.
 Obumwe n'obumwe ngira orushusho rw'okuza omu Iguru,
 Kandi n'ekitiinisa kyaho Ndyakireeba;
 Ka kuriba okushemererwa ku ndireeba Omucunguzi wangye,

Omu Rurembo rurungi orwo rw'ezaabu!

Aha kirwa kya Patumo, Yohaana akarureeba! [Ow'eishe-emwe Branham yaarira ahabw'okushemererwa - Omur.]

232 Yesu omukundwa, amatsiko aga, amatsiko gangye tigombekirwe aha kindi ekitari eki, Mukama. Orwo nirwo maawe w'omutima gwangye; orwo Rurembo, Omugabe omukuru. Ruhanga, otaikiriza hakagira n'omwe ori hanu owaahwerekyerera, nyabura 'we. Ka tushwijume amagara gaitu ogundi murundi, eriizooba, Mukama, tutegyereize Okwija kwa Mukama. Obwo, abo boona Abacungwirwe, seeri kuri omu kishaayi kihango omuri Rooma, ahu entare zaariiriire abo Bakristaayo, baryaruga omu mucuucu eizooba rimwe!

Tiharibayo ebituuro aha rubaju rw'akabungo omu Kitiinisa. Tiharibayo enyigi eziribaho ebimuri by'ofire. Tihariho omuziga oguriragarayo kuhashiisha. Ngaaha, ngaaha. Tiharibayo entuumo y'eitaka. Tihariho eihunga eriryateerayo. Okwo kiryaba ekitiinisa kyonka.

233 Tuhwere, Mukama. Hanu ku haraabe hariho omuntu . . . oyetsirwe kwija omu Bugyenzi bwa kyakiro y'Omwna gw'entama, egi myaka rukumi y'okutegyeka kwa Kristo, kandi na bwanyima kutaaha omuri orwo Rurembo Okwarama kwaheza kuhwaho. Okutegyeka kwa Kristo kw'emyaka rukumi n'obunaku bw'Okwarama kwonka. Reeo We, Omugore, naatwara E . . . Kishwera naatwara Omugore We Omuka. N'ey'Omugore. Kishwera We; Omugore wa Kishwera. Oo, Akagyenda kutebeekanisa Enju; ahabw'okushangwa ngu Agambire obugyenzi.

Ninshaba ngu tube abeesigwa Ahariwe Ogwo Kigambo, ahakuba niwe Kigambo. N'obu abandi baakugyezaho bata kutugarukamu kubi, bakagyezaho kutuzibira ngu Tutakihikaho; Mukama, nyiriza haihi.

Ahakuba obumwe n'obumwe ngira orushusho rw'okuza omu Iguru,

Kandi ekitiinisa kyaho ndyakireeba;

Ka kuriba okushemererwa ku ndireeba Omucunguzi wangye,

Omu Rurembo rurungi orwo rw'ezaabu!

234 Eka y'ebiro by'omu maisho ya Kishwera n'Omugore! Naagaruka . . . [Omwanya oguriho busha aha rutambi rw'amaraka. -Omur.] . . . aha Bugyenzi bwa Kyakiro y'Okugaitwa; nibuza kumara ebiro bishatu n'ekicweka. Reero tugarukye ogundi murundi, omu Kutegeyeka kwa Kristo kw'emyaka rukumi, tuze omu kwarama kwaitu. Kandi reero Na-Naija kureeta orwo Rurembo aharikureebwa. Nka kishwera yaatwara omugore we kumworeka ekirikuza kumutangaaza, oku ogwo mugore mukye arikwemerera n'okutangaara kwingi obwo yaaba naareeba eka ye y'ebiro by'omu maisho! Kandi ahabw'okwikiriza, eriizooba, Mukama, niturureeba seeri, nirwija kuba hanu honyini omu nsi egi. Okakiragaanisa.

Ekanisa yaawe neija kucungurirwa kimwe, kimwe omu biro ebi. Reero bwanyima ensi Yaawe neija kucungurwa, obundi bucwekacweka obugikozire. Kwonka okubanza Ocungwire abantu Baawe, emibiria yaabo ekozirwe omu nsi.

235 Tuyambe, Ruhanga. Hanu ku haraabe hariho omuntu weena otakahamize ekyo buzima, Mukama, ninshaba ngu babaase kukyakiira hati hati.

Nimmanya ngu haahwaho obwire bwingi kandi haaba nihootsy, kwonka, bantu 'mwe, titurikwija kuguma twemereire hanu. Tindikwija kuguma ndi omuriisa waanyu. Ka tukihamye.

"Hariho omuhanda, Ow'eishe-emwe Braham?"

Eego, hinduka ekicweka ky'Ekgambo, ekicweka ky'Ekgambo ky'ebiro ebi. Torikubaasa kuba ekicweka ky'Ekgambo ky'ebiro bya Musa; ekicwekyo ekyo kikahwaho, ebyo bikaba biri ebipyere. Turi aha Mutwe hati. Ogu ni Kristo. Ti bwire bw'emikono, enyima kuri omu bwire bwa Luteeri, ngaaha. Obu n'obwire bw'Omumtwe. Kristo, Eibaare ry'aha mutwe, naija aha Mubiri.

236 Ku oraabe otarikukyehuriramu gye, waaba noobaasa, imutsya omukono gwawe kugira ngu mbaase kureeba. Abatsigaire mwena mugume mwinikire emitwe yaanyu. Ruhanga abahe omugisha.

Gira oti, "Nijuka omu kushaba, Ow'eishe-emwe Branham. Niinyetenga munonga ngu mbeyo! Ti-tindikwenda kuhafeerwa, Ow'eishe-emwe Branham. Ni-niinyeshwijuma, ninkora kyona eki ndikubaasa, kwonka hati onshabire, noija kukikora?" Ruhanga akuhe omugisha.

Mwaba nimukiteekahohati, mushabe, mugire muti, "Ruhanga . . ." Kiri omu mutima gwawe. Mwareeba, waahurira ekintu nikikukura, nikiteerateera omu mutima gwawe, nikyo ekyo. Nikyo ekyo ekiri omuriwe ekirikugyezaho kweranga.

Mpamize kuza omu Rurembo orwo orurungi,

Oru Mukama Ateekateekyeire Abe;

Ei abacungwirwe b'obusingye bwona

Baryeshongora "Ekitiinisa!" okwetooroora Ekitebe ky'obukama Ekirikwera.

Obumwe n'obumwe ngira orushusho rw'okuza omu Iguru,

Kandi Ndyareebayo ekitiinisa;

Ka kuriba okushemererwa ku ndireeba Omucunguzi wanye,

Omu Rurembo orurungi orwo rw'ezaabu!

237 Tataitwe ow'omu Iguru, tutware hati, Mukama. Ka, Omuriisa Omukuru, Omuriisa Orikucungura Omukuru, Omuriisa Omukuru Owaarugire omu Kitiinisa, arikumanya ngu abaabaire bamurimu bakaburira omuri ezo mpanga mpango z'ekibi, ei emishega hamwe n'e-n'enyaishwa juba ezaabaire niziza kutaagataagura ako kataama kakye; kwonka Akaruga omu bwekuubo bw'ezaabu, yaashuma omu nsi yaahinduka omwe naitwe, kugira ngu Abaase kutworeka rukundo ya Ruhanga. Okwo Akabashangayo, bamwe bari omu bigombe by'amadiini, bamwe omu maju ga baamaraaya, abandi omu nguuto z'omu rurembo, empumi, abandi omu buhanda oburikuraba omu bikaari n'omu mianda rugyendwa, kwonka Akacungura buri omwe ou Ishe yaamanyire ira atakabaireho ngu Aryajuna.

238 Kandi Akaturagiira, ngu tutuure omu kicweka eki ky'Ekigambo omu busingye bwaitu. Kandi nitureeba okugarura busya kukuru kwa Luteeri, omu busingye obwo; n'obwa Wesili; n'obw'Abapentekoote. Hati tutegyereize Eibaare ry'aha mutwe ry'Orurembo orwo. Ai Ruhanga, nitumanya obusingye n'okuragaanisa ebi tuhairwe ahabw'obwire obu, oku ngu Eki kiri eky'okugarurwa busya ogundi murundi. "Omushana gw'omu mwabazyo guryahiisa ekijuma kyagwo. Kandi kiryahika haryabaho eizooba tiburiba nyomushana nari nyekiro, ekirikubaasa kwetwa, kwonka omu bw'omwabazyo Omushana guryajwa."

Omwana w'ekitiinisa ogwo wa Ruhanga niwe omwe, Naayeyoreka omu nshusha y'omuntu hanu omu nsi, naatuma okuragaanisa kwaba okuhuriire buzima, Abafarisaayo n'Abasadukaayo n'Abaherode baaba empumi aharikwo, n'abandi.

Kandi ebiro ebi nikigaruka kubaho, Ekigambo kyorekirwe nk'oku Kyabaire. Ekigambo, kumanya enaama eziri omu mutima, buzima kwo nk'oku kiri, Ebyahandiikirwe nikwo birikugira, tibibaasa kwiwhaho. Tuhwere, Ruhanga, kukyetegyereza.

Hwera aba hati abaimutsya emikono yaabo. Ka babaase kweyongyera kwezirika enkoba omu nda; bajware enkaito z'Engiri y'obusingye; bajware eby'okurwanisa byona bya Ruhanga; enkofiira zihame; bakwate engabo y'okwikiriza; bahurure, okuruga eriizooba. Ikiriza kibeho, Mukama.

239 Ahanyima y'akaanya kakye, nitwija kwetwa, reero Okutwarwa kubeho. Akabiina kakye munonga, nka Enoka, nikaija kutwarwa.

Bwanyima, "abatsigaireho aha ruzaaro rw'omukazi, abarikurinda ebiragiro bya Ruhanga," Abayudaaya, "abarikuhamya ebya Yesu Kristo," Abanyamahanga, nibaija kuhiigwa nk'embwa, "kandi nibaija kuhayo amagara gaabo ahabw'obujurizi bwabo."

Bwanyima, akasheeshe kamwe kakuru, okutandika kw'Okutegyeka kwa Kristo kw'emyaka rukumi, ahabw'Okwarama kuryatandika.

"Kwonka abafu abandi abaatsigaireho bo tibagarukire kuba abahuriire okuhitsya ahi emyaka rukumi yaahwereire." Reero, ahanyima y'emyaka rukumi, haabaho Okucwa emanja, ekirikworeka ngu Haamu akaba ari omu meer. Kandi Haamu akiri omu baatsigaireho. Abo Abaakihuriire kwonka Bakakyanga nibateekwa kucwerwa orubanja.

Hati, ikiriza kibeho, Mukama, tutaija kubarirwa omuri bo, kureka tubaase kuba omu beetsirwe kuza aha Bugyenzi bwa Kyakiro. Ahakuba, nitwetegyereza Yesu ori rwagati yaitu eriizooba. Nitutaahamu Nawe; okuruga omu nsi, kutaaha Omuriwe. Ka tugyende tutaahe omuri orwo Rurembo, tushohore aheeru Nawe.

240 Ndiyo nimba omugurus, Mukama. Tinkineyo agandi matebezo maingi g'okubuurira. Kwonka buzima hatariho kubangaanisa Ninkwesiga. Ninsherura orwo Rurembo nk'oku tata Abrahamu yaarusherwire. Hariho Ekintu ekiri omuriinye ekirikugambira ngu ruriyo nirwija. Ningyezaho hoonahoona, Mukama, kujanjaaza Omushana n'okubeeta. Otaikiriza hakagira n'omwe omuri aba, Mukama . . .

Ka kibaire kirungi munonga, enshumi nkye eyaahingura, ekyo Okinshuuruirire. Okuruga omu kyanga ekirikwingana na mahiro rukumi na magana ataano, omwe hanu na hari, bashutami hamwe eriizooba, abateeraniire omu mwanya gumwe mukye, bategyereize orwo Rurembo kwija. Nitwatura ngu turi abagyensi kandi abagyensi. Turi encuubwa. Abatarikumanya Ruhanga, ensi, etushekyerera kandi etuteerera enaku; ebigombe by'amadiini nibitushungisa; kwonka titurikutengyesibwa n'ebintu nk'ebyo. Tuhindure ekicweka ky'Ekigambo, Mukama, tutatengyetsibwa. "Kiryahika omu biro by'aha muheru." Ka babe itwe, Mukama, ka

tubaase kubarirwa omuri abo. Twakishaba omu Iziina rya Yesu. Amiina.

Nimukiikiriza? [Abateeraine baagira bati, "Amiina." -Omur.] Ka twimutsye emikono yaitu nka bati.
 Mpamize kuza omu Rurembo orwo orurungi
 Oru Mukama wangye atekateekyeire Abe;
 Ei abacungwirwe b'obusingye bwona
 Baryeshongora "Ekitiinisa!" okwetooroora Ekitebe ky'obukama Ekirikwera.
 Obumwe n'obumwe ngira orushusho rw'okuza omu Iguru,
 Kandi Ndyareebayo ekitiinisa;
 Oo, ka kuriba okushemererwa ku ndireeba Omucunguzi wangye,
 Omu Rurembo orurungi orwo rw'ezaabu!

241 Hati, ku turaabe turi ab'okwija kutuura omuri orwo Rurembo hamwe, kwata omu ngaro zaamutaahi waawe, ogire oti, "Ruhanga akuhe omugisha, mugyenzi. Nooruga nkahi? Louisiana, Georgia, Mississippi? Naanye, ndi omugyenzi. Ninsherura orwo Rurembo."

Ninsherura orwo Rurembo, Ow'eishe-emwe Neville. Nintaaha seeri okwo omu . . . ? . . . Amiina. Ow'eishe-emwe Capps, ninkisherura, orwo Rurembo, n'ekiro eki. [Ow'eishe-emwe Branham yaatandika kweshongora Tihariho Okuhwa Amatsiko abumbire eminwa -Omur.]

Kandi ekitiinisa kyaho eki Ndyareebayo;
 Ka kuriba okushemererwa ku ndireeba Omucunguzi wangye,
 Omu Rurembo orurungi orwo rw'ezaabu!
 Oo, edubu eryatwaza gye, n'omushega guryaba gutaine bukambwe;
 Kandi entare eryabyama aha rubaju rw'omwana gw'entaama, oo, yee;
 N'enyamaishwa okuruga . . . eryayebemberwa omwana;
 Kandi ndyahindurwa, obuhangwa bwangye bwa hati buryahindurwa, oo, yee.
 Oo, eizooba rimwe omu ruhanga haryabayo obusingye ahabwangye;
 Oo, omu ruhanga haryabayo obusingye ahabwangye. (Kihikire! Yee!)
 Tiharigaruka kubaho amaganya, nari obusaasi, tindigaruka kureeba enaku;
 Kandi omu ruhanga haryabayo obusingye ahabwangye.

242 Omugabe waitu otarikureebwa, akasheeshe aka, naija kworekwa. Kandi tindikwija kureeba Bill Dauch ohikize emyaka makumi mwenda ya bukuru. Torindeeba nk'oine makumi ataano. Kureka ndyahindurwa, Eizooba eryo.

Kandi obu enyamaishwa y'omu ishwa, eryebemberwa omwana;
 Kandi ndyahindurwa, obuhangwa bwangye bwa hati buryahindurwa.

243 Muryaba mutashemereirwe? Eishokye ry'enju riryaba ritakiriho; amabega agarikubendabenda. Kwonka oburungi, obutafa, biryayemerera omu kushushana Kwe, kumurinkana okukira eizooba. Oo, ka ni kirungi!

. . . ahabwangye, Ai Mukama, ninshaba;
 Tiharigaruka kubaho amaganya, nari obusaasi, tindigaruka kureeba enaku;
 Kandi omu ruhanga haryabayo obusingye ahabwangye.

244 Ekyo nikyo kitumire turi hanu. Ni bangahi omuriimwe abarikwetenga amaani ahabw'orugyendo? Ruhanga kituhe! Ni bangahi omuriimwe abarwaire omu mibiri, abaserukare abahutaire? Ikumi na babiri, n'okukiraho. Nimwikiriza ngu Ari hanu, Omugabe otarikureebwa? Ebantu ebirkureebwa; ebitarikureebwa nibyorekyerwa omu birikureebwa. Tahinduka, oku Abaire ari nyomwabazyo, n'eriizooba nikwo ari kandi nikwo ariguma ebiro byona, kureka omubiri gwonka ogurikubaasa kukwatwaho. Hati, ogu ku araabe ari Omwoyo We owaheza kubuurira ebi okurabira omuriinye, Naija kukora emirimo ei Yaakozire obu Yaabaire ari hanu. Oo, ka nikitangaaza!

Mpamize kuza omu nsi eyaaragaanisiibwe,

Mpamize kuza omu nsi eyaaragaanisiibwe;

Oo, n'oha oraije tukagyendana?

Mpamize kuza omu nsi eyaaragaanisiibwe.

Seeri y'ezo mpita mpango munonga

Nihamurinkanayo Ekiro kimwe Ekitahwaho;

Okwo Ruhanga Omwana naategyeka okuhitsya ryari na ryari,

Kandi ataataanisa nyekiro erugaho.

Oo, mpamize kuza omu nsi eyaaragaanisiibwe,

Mpamize kuza omu nsi eyaaragaanisiibwe;

Oo, n'oha oraije tukagyendana?

Mpamize kuza omu nsi eyaaragaanisiibwe.

245 Magana ataano nibatambura nibaza omu mugyera seeri, eizooba ry'okubanza obu Maraika wa Mukama yaareebeka akareebwa n'amaisho, kuhamya, nk'oku Yaakozire aha Rushozi Sinai, ngu nkaba Naamubugaine. Nkaribata omu mugyera, obwo amagana n'amagana nibeeshongora ekyo kyeshongoro nikyo kimwe ababw'okubatiza. Ngugu Yaija, naashuumma, egoy Nyomyo y'Omuriro niyo emwe ei murikureeba omu kishushani hari; neeshuumma ahansi, yaashuumira kimwe hanu honyini aha mugyera, kandi yaagira ati, "Nk'oku Yohaana Omubatizi yaatumirwe kubandiza okwija Kwe kw'okubanza, Obutumwa obu nibwija kubandiza Okwija kwa kabiri." Mwareeba? Nikyo ekyo, mwareeba.

Oo, n'oha oraije tukagyendana?

Mpamize kuza omu nsi eyaaragaanisiibwe.

246 Egyo Nyomyo y'Omuriro niyo emwe eri hanu naitwe. Nimukimanya? Bamwe omuriitwe Akatukora ababw'ekintu nanka, kandi abandi ekindi. Ku muraabaase, hatariho okubangaanisa kwona, kwikiriza ngu Ari ahagati y'eki kyombeko, niinyikiriza ngu Naija kwehamya ahariwe. Nikija kukureetera okumarwa? Ku ndaabe ntahikire ahari buri omwe . . . Zaaza kuhika shaaha munaana, kwonka ku ora . . . Zaarenga ahari shaaha mushanju kakye, naaba niimanyisa. Ku muraikirize, k'Atushuumeho! Okwikiriza kwaitu kurahi? Mwareeba, ekyo nooteekwa kukiikiriza. Waaba otakibanganiise, na kakye, nikiza kukora.

Na-naahurira Okubaho kw'Obwaruhanga bw'Obuntu bwa Yesu Kristo Niwe Kigambo. Kandi Baiburi ekagira ngu, "Ekigambo ni . . . kiine amaani okukira rurara yoona y'amoogi abiri, kandi Nikicumita kihika aha mushokooro gw'eigufa, kandi kicaaka ebiteekateeko e-ebiri omu mutima, kishuuura n'enaama z'omu mutima."

247 Mureebe. Ahabw'enki, nkaba ntarikumanya ebintu ebi, emyaka ehangwire. Kandi ku naakigambire, ntarikumanya, mureebe eki Yaakozire. Akagira ati, "Hati noija kukwata omukono gw'omuntu, kandi, hatagira eki waateekateeka kyona, ofe kugamba ekimurimu eki oraagambirwe. Ogire oti n'ekizimba, eki kiraabe kiri kyona." Yaagumizamu ati, "Obwire nibwija kuhika obu otaraije kukora ekyo." Mwareeba? Mwareeba? "Naija kucaaka ekyo kyonyini ekiri omuribo." Tukatunga okutooreza kw'emiringo yoona, ekyo nitukimanya, haihi okuhitsya n'aha kubeihabeiba Entoore kuri nikibaasika. Mwetegyereze ebitsigaire byona oku birikushoronga n'Ekigambo, obwo nimwija kumanya yaaba kihikire nari kitahikire. Kwonka, nabwo, Yesu naaguma ari otahinduka, nk'oku abaire ari nyomwabazyo n'eriizooba nikwo ari, kandi nikwo ariguma ebiro byona.

248 Ni bangahi abari omu nda hanu abarwaire, kandi abarikumanya ngu tindikubamanya? Imutsya omukono gwawe, ogire oti, "Ni-nimmanya ngu torikuumanya." Oo, ni, ninteebereza, hoonahoona. Ekintu kyonka eki oshemereire kukora n'okukiikiriza.

Oikirize kwonka, oikirize kwonka,

Ebintu byona nibibaasika, oikirize kwonka;

Oikirize kwonka, oikirize kwonka,

Ebintu byona nibibaasika, oikirize kwonka.

249 Yesu akagira ati, "Nk'oku kyabaire omu biro bya Sodoma, nikwo kiriba Omwana w'omuntu ku arishuururwa omu nsi omu biro by'aha muheru. Omwana w'omuntu ku arishuururwa, nari, ku Aryeshuuruura omu biro by'aha muheru." Hati, t'omu biro ebyabandize, ebiro bya rwagati; ebiro by'aha muheru, mwareeba, Naija kushuuura. Mbwenu hati turi omu biro by'aha muheru. Sodoma eriho buzima, buri kimwe, entumwa, nikyo kimwe.

N'enki ekyabaire a-ahari abaahonokireho bakye abeetsirwe kurugayo n'ekibiina kya Abrahamu? Hariho

Omwe owaizire omuribo, omu nshusha y'omuntu; ayorekirwe omu muringo gw'omuntu, yaarya nabo, yaanywa nabo, eby'okurya nibyo bimwe ebi baabaire nibarya, buri kimwe. Akeemerera omuribo, yaagamba Obutumwa. Reero Yaagira ati, "Naaza kukora ekintu eki kikuru."

250 Kandi Abrahamu yaaguma naayega, "Nirwo oru? Ntwire ninsherura Orurembo. Omugabe ori niwe ogu?"

Kandi Yaagira ati, "Ahabw'enki Saara eki yaakibangaanisa?" Omu ihema, enyima Ye.

Abrahamu yaagira ati, "Mukama Ruhanga, Elohim!" Habw'okuba, akamanya ebiteekateeko bya Saara.

Yesu akagira ngu nikijja kugaruka kibeho ogundi murundi obu Yaabaire naaza kushuururwa omu biro by'aha muheru, Eibaare ry'aha mutwe nirija omu Mubiri. Kucungura a . . . Abo n'abaacungwirwe, naija kutwara Abe. Ari hanu naitwe.

251 Hati, hariho emikono nk'eikumi na ibiri, n'okukiraho, ei baimutsya. Niinyikiriza ngu Ruhanga naabaasa kukiza buri omwe omuriimwe. Kihikire. Niinyikiriza niko muri. Tindikubaasa kwikiriza ngu omuntu naaabaasa kushutama omu mwanya nk'ogu ata . . . omu bwire nk'obu, n'omu mbeera egi, atabaase kumanya, hatagire ekintu eki yaakyenga.

Niinyenda ngu mushabe. Niinyenda ngu omanye ekikushobireho, omu-omu-omu mutima gwawe, mwareeba, reero otandikye kushaba, oti, "Mukama Yesu, eki kishuuure. Ni-ninkugambira ekinshobireho. Mbwenu hati Yohereza Omwoyo Orikwera Waawe aha W'eishe-emwe Branham, kuhamya ku ebi yaagamba gari Amazima, omu Butumwa bw'eriizooba obu Yaakugambaho, nimmanya nigaija kuba gari Amazima." Hati, kinshuuurire, Mukama. Gamba naanye."

252 Hati kinagaanagirwe, nka hanu n'okwehinguririza. N'ahabw'ekyo shaba, kandi oikirize n'omutima gwawe gwona, kugira ngu Ruhanga akikore.

Hati niinyenda ngu munteho amaisho, kandi mushabe. Nk'oku Petero na Yohaana baagambire bat, "Tuteho amaisho." Hariho eki yaabaire naayenda, kandi ari haihi kikitunga. Kandi hariho eki orikwenda, kandi niinyikiriza ngu ori haihi kikitunga. Akagira ati, "Tuteho amaisho."

Yaagira ati, "Efeeza n'ezaabu, tinziine; kwonka eki nyine, nikyo ndikukuha."

Hati, okutamba, tihaine oku nyine. Kwona kuri omuri Kristo. Kwonka eki nyine, ekiconco kya Ruhanga, nikyo ndikubaha, okwikiriza kw'Okumwikiriza. Hati, omu Iziina rya Yesu Kristo, buri omwe omuriimwe akire. Mukiikirize. Mwareeba? "Kuri noobaasa kwikiriza kwonka!"

253 Omukazi oshutami hari, ompangire amaisho. Abaire naarira, edakiika nkye ezaahwaho, naashaba. Naabonabonesibwa endwara y'aha maraka erikumuteganisa. Tindikukumanya. Ori omunyamahanga ahariinye. Ago n'amazima, tikwo. [Ow'eishe-emwekazi yaagarukamu ati, "Ekyo kihikire." -Omur.] T'ori wa kunu. Nooruga Chicago. Muka Alexander. Ekyo ku kiraabe kihikire, huuba omukono gwawe. Hati garuka Chicago kandi obe gye.

Yaakwata ahari ki? Ekintu nikyo kimwe eki ogwo mukazi owaabaire aine ekyejwiso yaakwatsireho, omukugiro gw'ekijwaro Kye, atari ekyangye.

Hanu hariho omukazi mukye oshutami rwagati y'omutwe gw'abantu, kuri nimbaasa kutuma yaanyetegyereza. Iwe owaimutsya omutwe gwawe orubaju n'orubaju. Tindikukumanya. Ori omunyamahanga ahariinye, kwonka noobobabonesibwa oburware bw'omunda. Baro ashutami aha rubaju rwawe. Aine ekishobire omu kutu kwe. Eiziina ryawe ni Czap. Muri abanyamahanga ahariinye. Timuri aba kunu. Nimuruga Michigan. Ekyo ku kiraabe kihikire, muhuube emikono yaanyu. Mugarukye Michigan, muri gye. Okwikiriza kwanyu kwabakiriza kimwe. "Ku oraabe noobaasa kwikiriza, ebintu byona nibibaasika."

254 Omukazi mukye hari oine endwara aha mumiro, oshutami enyima hanu aha muheru, okuruga Georgia, ojwaire ebya mutare. Garukayo, eifo Georgia, ori gye. Yesu Kristo yaakukiza. Nookiikiriza?

Omukazi oshutami hari, antaireho amaisho, aha muheru gw'entebe honyini. Aine endwara y'ekihengyere ky'omu mubiri. Yaikiriza, Ruhanga naija kumutambira. Muka Brown, ikiriza n'omutima gwawe gwona, Yesu Kristo naija kuku . . . Ori omunyamahanga ahariinye, kwonka Naakumanya. Ahaa. Nokiikiriza? Imutsya omukono gwawe. Ekyo kihikire.

Obyami aha kirago hanu. Gambira ogwo mukazi kureeba hanu. Atwire naabonabona, naagumizamu. Kuri nimbaasa kumutambira, nkakikozire, sebo. Tinkaabaasa kutamba. Tari wa kunu; arugire hare munonga. Orugire Missouri. Emirabanamu yaawe eri omu nda. Kwonka ku oraikirize n'omutima gwawe gwona, kandi otabangaanise, Yesu Kristo naabaasa kukutambira; kandi noobaasa kugaruka Missouri, ori gye, reero ohe obujurizi bwawe. Nookiikiriza? Reero kyakiire, kandi kwata ekirago kyawe kandi otaahe. Yesu Kristo yaakukiza.

255 Nimwikiriza? Ekyo n'ekirikworeka Okubaho kw'Omugabe Otahwaho. Nimukiikiriza hati, n'emitima yaanyu yoona? Hati, buzima Akozire enziga, okwetooroora omu kyombeko eki. Nimukiikiriza n'emitima yaanyu yoona? Nimwikiriza ngu muri omu Kubaho Kwe?

Hati, noikiriza kandi nooyakiira ngu ori omwe omu barikuza omu Bukama obu? Imutsya omukono gwawe. Yesu akagira ati, "Obumanyiso obu buryaguma nibukuratira abo abarikwikiriza. Ku barita emikono yaabo aha barware, baryakira." Buri omwe n'orugingo rwa mugyenzi we; ori orugingo rwangye, naanye ndi orugingo rwawé; twena turi orugingo rwa Kristo. Hati, twena hamwe, buri omwe ka ate emikono ye ahari mugyenzi we.

Hanu honyini, oriya mukazi obaire abyami aha kirago yaaheza kwimuka, naagyendagyenda, naagaruka omuka kukirira kimwe. Amiina.

256 Mwena, mwakira, ku muraabe nimukiikiriza. Buri omwe ate engaro ze ahari mugyenzi awe, kandi ori ekicweka eki kya Kristo. Shabira omuntu ou otaireho emikono, nk'oku orikwenda.

Mukama Yesu, nitumanya ngu Ori hanu. Ori Omugabe waitu; Waayeyoreka ku Ori omuriitwe. Nitukusima ahabw'Okubaho Kwawe oku. Kandi, Mukama, Okagira oti, "Ku origira orushozi oru oti, 'Tsinduka,' haza atarikubangaanisa; okaikiriza ngu eki waagamba ngu nikiija kubakwo, kiriyakukorerwa."

Mbwenu, omu kworobera ekiragiro eki, omu kworobera Ekigambo kya Ruhanga ekitarikubaasa kuremwa, itwe nk'abajwekyerwa abarugire omu kyanga ekirikwingana na sikweya mahiro rukumi na magana ataano, nk'orwo Rurembo, nitugambira Sitaane, daimoni osingwirwe, "Omuheru gwawe n'okwokibwa. Turi abajwekyerwa abarikuza omu Rurembo rw'enshonda ina, Orurembo ahu Omwana w'entama ari Omushana. Turi ebyorekirwe ebiri omuri Ruhanga ow'Obushoboorozi bwona, abu Yesu Kristo yaacungwire ahabw'embabazi Ze."

Sitaane, shohora, kandi orugye omuri buri murware oru hanu, omu Iziina rya Yesu Kristo. Emikono erikwera eyaacungwirwe, ahabw'okuba nibaikiriza Ekigambo kandi n'ekiteekateeko kya Ruhanga ekyorekirwe, hati buri omwe ataire emikono ye ahari mugyenzi we. Torikubaasa kuguma obakomire bundi. Shohora, omu Iziina rya Yesu Kristo!

257 Hati, omu Iziina rya Mukama Yesu, hati, Ari hanu. Ekigambo Kye nikigira ngu Ari hanu. Okubaho kwawe n'okwikiriza kwawe nikugamba, ahari, ori omwe omuri abo bajwekyerwa. Nangwa n'okupima okuturikubaasa kworeka oku ensi eyemi, nikwo kiri. Nimwetegyereza ku muri aboojo n'abaishiki abaacungwirwe ba Ruhanga? Mwamanya ku egi eri Eka yaanyu? Hanu niho murikuza.

Egyo niyo nshonga etumire mwaija hanu, egypto nshonga eyaatumire mwaija ahari Kristo, nimurya Ekigambo Kye. Kandi ku muraabe nimubaasa kutunga obwire nk'obu, hanu, ahabw'ebiyabaire Bimurimu ebyorekirwe, kiryaba kita ku turihika Omu maisho Ge? Oo, kiryaba ekirikutangaaza! Buri omwe omuriimwe aine orusa rw'okutambira abarware, kuta emikono ye aha barware. Buri omwe omuriimwe aine orusa rw'okubatiza.

258 Hanu ku haraabe hariho omuntu otakabatiziibwe omu Iziina rya Yesu Kristo, ekiyanja kiigwire.

Ogwo nigwo muringo gwonka ogu oraije kusingura, ahaa, ekyo kihikire, n'okworobera buri Kigambo. Mwijukye, ebigambo bikye by'Ekigambo, omu kutandika, bikareetaho buri kibi omu nsi. Yesu akagira ati, "Weena oricwaho Ekigambo kimwe ahari Eki, nari Akakyongyeraho ekigambo kimwe, taritaahamu." Eiziina rye niriruga omu Kitabo, jubajuba yaaheza kukikora.

Kandi tihariho omwanya gwona omuri Baiburi ahu omuntu weena araabatiziibwe, omu Kanisa, omu gundi muringo atari omu Iziina rya Yesu Kristo. Ku oraabe otakabatizibwaga omu muringo ogwo, kikaabaire kirungi okikore.

Noogira oti, "Oo, tikirikureetaho ntaniso yoona." Kikagireetaho ahari Haawa.

Sitaane akagira ati, "Oo, buzima, Ruhanga, noomanya Ruhanga . . ." Kwonka, nikwo Yaakozire. Akagira atyo.

259 Akaheereza Petero ebishumuruzo by'Obukama, kandi kyona ekyakomirwe ahari Pentekoote kikakomwa ebiro byona. Egyo niyo nshonga eyaatumire Omugore yaayorekirwe oku arishusha, omurundi gwa kabiri; hashemereire kubaho Ekanisa eyetsirwe okuruga omu biro by'aha muheru, nk'oku yaabaireho mu kubanza, buzima kwo. Omuti gukuzire okuruga omu mizi yaagwo, gwaba Omuti Omugore, nk'oku gwakozire obunaku buri; omurimo ogurukukirayo oburungi gwa Ruhanga ogundi murundi, nk'oku naagambire Sande ibiri ezheweire, kutwarwa omu Rurembo.

Ruhanga abahe omugisha. "Hati niinyikiriza."

260 Sitaane asingwirwe. Naakimanya. Ari omu nsi, naagyendagyenda nk'entare erikutsinda. Tiburaije kuba obwire burasingwa ataka, oo, ebyo bitakahweire. Naamanya obunaku bwe. Naagyendagyenda nk'entare erikutsinda.

Kwonka, mwijukye, Mukama w'Obusingye ayemereire aho; Ogwo Ruhanga Omukuru. Omwombeki wangye, Omwombeki Owaanyombekire oku ndi, Owaakwombekire oku ori, ari hanu. Omwombeki ku, Orikumanya kukwatanisa ekyombeko hamwe, omwanya gwakyo oguhikire, n'oha orikumanya okukira Omwombeki? Kandi Ari hanu kuhamya, ku We wenka, Ari hanu.

Hati kyegamiire aha kwikiriza kwawe. Ikiriza, ikiriza kwonka!

Mpamize kuza omu Rurembo orwo orurungi
 Oru Mukama wangye ateeekateekyeire Abe;
 Ei abaacungwirwe b'obusingye bwona
 Baryeshongora "Ekitiinisa!" okwetooroora Ekitebe ky'obukama Ekirikwera.
 Obumwe n'obumwe ngira orushusho rw'okuza omu Iguru, (ebi byona ku
 biriba byahweire),
 Kandi n'ekitiinisa eki ndyareebayo;
 Ka kuriba okushemererwa ku ndireeba Omucunguzi wangye,
 Omu Rurembo orurungi orwo rw'ezaabu!

261 Mwijukeye, aha kanisa, ekiro eki, nihaza kubaho okushembera. Ku oraabe okiri hanu omu rurembo, nabwo, orikwenda kwija, tukaayenzire ngu obe naitwe. N'ekijutsyo ky'eki turikuza kurya, kimwe omu biro ebi, Nawe.

Nimbakunda. Tindikumanya oku naakukyoreka. Nintekateeka nti muri omwonyo gw'ensi. Kandi nimpurira emitwarize yaanyu aheeru omu nsi, reero ekyo kinyongyeramu obwesigye omuriimwe.

Kwonka, muteekateekye, akabiina aka kakye karyaba, nk'oku turi barungi tuti, nitwija kutaataana, kimwe omu biro ebi. Eki nitwija kukirootaho. Kwonka omwe omuriitwe ku yaakutwarwa tutakagarukire kubugaana ogundi murundi, nitwi . . .

Ndyakubugana omu kasheeshe, aha rubaju rw'omugyera ogurikwangashana,
 Obu amaganya goona garyaba gatakiriho;
 Ndyaba nyemereire aha irembo rihango, amarembo ku garyaiguka munonga,
 Aha muheru gw'ekiro ky'orugyendo ruraingwa orurikurutsya rw'amagara.
 Ndyakubugana omu kasheeshe, aha rubaju rw'omugyera ogurikwangashana,

Kaingi nkira . . . ? . . . aha rubaju rw'omugyera, kandi, n'okushemererwa kwingi, kugarura butsyu obunywani obwa ira; (Ndyakureeba obunaku obwo, ndyakumanya.)

Oryamanya omu kasheeshe, abaw'akamwenyo akariba kari aha maisho gangye,

Ndyakubugana omu kasheeshe, omu Rurembo, Orurembo orwombekirwe rw'enshonda ina.

262 Nimukikunda? "Okuhitsya obu turibugana!" Hati ka twemerere. Twara Eiziina Rya Yesu, tuhe eiraka.

Nimumukunda? [Abateeraine baagira batu, "Amiina." -Omur.] T'ow'okutangaaza? ["Amiina."] Nimwikiriza ngu aga n'Amazima? ["Amiina."] Okwo niyo mworekyereire, abaw'embabazi za Ruhanga? ["Amiina."] Okuhitsya obu turihikayo:

Iwe twara Eiziina rya Yesu,
 Nk'engabo y'okukukingira buri mutego;
 Okwohibwa ku kuraayeyongyere kukwetooroora,
 Itsya eryo Iziina erirkwera omu kushaba.

Nikyo ekyo kyonka eky'okukora, okuhitsya obu turaabareebe ogundi murundi. Ni kirungi.

Twara Eiziina rya Yesu,

'Iwe mwana w'amaganya n'enaku;

Niriija kukuha okushemererwa kandi rikuhuumurize,

Ritware hoonahoona ei oraaze.

Eiziina ry'omuhendo, O, ka nirirungi!

Amatsiko g'ensi kandi okushemererwa kw'Eiguru;

Eiziina ry'omuhendo, O ka nirirungi!

Amatsiko g'ensi kandi okushemererwa kw'Eiguru.

263 Hati, ngyemirwe kuguruka bimwe aha by'omu Butumwa bwangye. Ekiro kimwe, Mukama ku arikisiima, ndyagaruka kandi nkuate ezi “nguuto z'omu rurembo,” nziiheyo, mwareeba, ahu turikubaasa kutunga obwire bwingi. Mutwire nimuteera orwari ngu timumara obwire buraingwa ekirikugasha. Eriizooba, twabumara. Nihootsya. Kwonka, hati, Ruhanga abahe omugisha. Ninkunda okwo kweshongora.

Omutaahi hanu, angizire, ekiro kiri ku baihireho omuzindaaro gw'aheeru, ati, “Nshemerereirwe Obutumwa munonga munonga, kwonka ahabw'enki mwihireho okwo kweshongora kurungi, mwareeba, aheeru?” N'ahabw'ekyo, mutaahi 'we, ku oraabe ohurikiize akasheeshe aka, nintekateeka ngu twine abataahi barungi omuri Jeffersonville. Twemereza motoka zaitu omu maisho g'amaju gaabo na buri kimwe kyona; tihariho eki bakigambaho kyona; tugumizamu. N'ahabw'ekyo, hati nitubasiima.

Oo, ka Nimurungi! Ruhanga abe naimwe hati.

... Eiziina, O, ka nirirungi!

Amatsiko g'ensi kandi okushemererwa kw'eiguru;

Okuhitsya obu turibugana . . .

Ka twinikye emitwe yaitu. Omuriisa naija kutusiibuura, omu kaanya kakye. Ruhanga abe naimwe!

. . . turibuganira aha bigyere bya Yesu, (omu Rurembo rukuru, aha Kitebe ky'obukama),

Okuhitsya obu turibugana! okuhitsya obu turibugana!

Ruhanga agume naimwe okuhitsya obu turibugana.



www.messagehub.info

Obutumwa obu bukabuuirwa
William Marrion Branham
 “... omu biro by'eiraka ...” Kush 10:7